

WANTOK

32 pes

Namba 1,343

Wik i stat long Fonde Mas 23, 2000

70t

Yesa long Kurumbukari envaromen plen

pes 2

BPNG taitim lo long dinau mani

pes 3

Yangoru Sausia gat nupela memba

pes 5

Baim kompens-esen long Suave graun bruk

pes 7

Taim bilong ren na tait long kantri

VERONICA HATUTASI i raitim

KANTRI i wok long bungim ren na haiwara long dispela taim bihainim ol senis ol i kolim long La Nina (weda) peten. Dispela em i narakain long El Nino we i save kamapim bikpela san olsem dispela i bin kamap long kantri na long planti arapela hap bilong wol long 1997 na kamapim bikpela hevi long kaikai, laip na sindaun bilong ol pipel. Long taim bilong La Nina, ples bai gat moa ren na ol wara inap tait nambaut.

Sif Mitirolojis wantaim Nesenol Weda Sevis, Sam Maiha tok weda senis long PNG is stat long 1998 bihain long bikpela san i pinis. Mista Maiha i tok dispela kain weda i bin pinis long namel bilong las yia tasol long mun Septemba 1999 gen, em i kamap gen na i wok long go het yet. Mista Maiha i tok taim bilong ren bai i go het inap long sikpela mun na stek long mun Ogas. Em i tok PNG i save bungim bikpela ren (monsun) long Novemba inap long Epril na olsem La Nina i skurim dispelayet. Olsem na kantri bai lukim moa ren na taitwara.

Mista Maiha i tok nau inap long mun Epril, ol eria we bai i kisim planti ren na taitwara em long sauten, rijen we i karamapim ol Papuan nambis ples olsem Westen na Sentrel provins.

Mekim na long dispela taim, Mosbi na Sentrel provins i wok long kisim planti ren na taitwara. Taitwara i kamapim bagarap long Laloki na sampela hap long Sentrel provins na tu long inlen Sepik na Madang provins. Mista Maiha i tok bihain long Epril inap long mun Ogas, ol erai olsem Gulf na ol hap bilong Isten Milne Be, Saut Bogenvil, Abau na Kep Rodni eria long Sentrel provins, saut kos bilong Niu Briten na Huon Gulf eria long Morobe bai kisim taim long bikpela ren. Em i tok wankain weda senis i kamapim taitwara na hevi, bagarap na dai long kantri Mozambique long Afrika. Em i tok ol eria we i bin gat bikpela san long 1997 i wok long kisim planti ren long dispela taim. Mista Maiha i tok long mun Me inap long Ogas, ol eria we bai kisim planti ren bai gat planti haiwara na taitwara wantaim.

Em i tok tu olsem ol saveman long dispela samting i lukim olsem bai i gat bikpela ren na win long Solomon Si na dispela i wankain olsem long 1989 taim Saiklon Alivu io bin kamap long ol nambis eria long PNG we i bin nogat tok-save. Mista Maiha i tok ol dispela tok-save i bilong harim, lukim na redi na ino samting bilong kamapim pret. Em i tok long dispela yia, Mosbi bai gat planti ren na i gutpela taim long man long wokim gaden long em. Em i tok dispela i narakain long ol arapela yia bikos long La Nina weda peten.

Kot rausim Singirok long ami

WENCESLAUS MAGUN i raitim

LIDASIP TRAIBUNEL i rausim Meja Jenerel Jerry Singirok long ami bihain long ol i painim olsem em i brukim tripela lo aninit long lo i banisim ol lida na sinia gavman opisa.

Lidasip Traibunel we Siaman Jastis Moses Jalina, Sinia Mejistret Cosmas Bidar na Sinia Mejistret Regina Sagu i tokaut long dispela disisen long Tunde long Mosbi, bihain long ol i skelim tingting bilong ol loya i makim Mista Singirok na Gavman.

Jastis Jalina, Sinia Mejistret Bidar na Sinia Mejistret Sagu i painim aut olsem Mista Singirok i brukim sas Wan, Tu, na Foa.

Aninit long sas Wan ol i painim olsem Mista Singirok i hait na kisim samting olsem K68,000 long wanpela kampani bilong arapela kantri husat i save salim ol samting bilong pait taim em i bin stap olsem Komanda bilong Papua Niugini Difens Fos (PNGDF) na em i bin yusim dispela mani long laik bilong em yet na olsem i brukim Mama Lo. Long arapela tok, em i olsem 'bribery'.

Bipo long Lidasip Traibunel i mekim disisen, Loya bilong Komanda Singirok, Moses Murray i bin askim Lidasip Traibunel long noken pinisim Komanda Singirok long ami long wanem em i no 'putim han bilong en i go insait long til' olsem ol arapela pipel bilong Papua Niugini i save mekim kain olsem moa long K1000 we kot i bin kalabusim pinis sampela

ol lida bipo. Tasol Prosekyuta Mista Umpake i tok Komanda Singirok i gat asua long kisim bikpela mani insait long 12-pela mun long wanpela kampani bilong arapela kantri na PNGDF i bin yusim dispela mani.

Em i tok Komanda Singirok i no bin tokim wanpela man o meri long en. Na em i yusim dispela mani long laik bilong em yet. Em i tok olgeta dispela pasin i soim olsem dispela em wanpela pasin bilong 'bribe' o kisim stil mani.

Mista Umpake i tok tu olsem pasin Komanda Singirok i kisim dispela mani i no olsem i kamap nating.

"Ol i putim mani i go insait long akaun bilong em long foapela taim," em i tok.

Aninit long sas Tu na Foa, Lidasip Traibunel i tok ol i painim olsem Meja Jenerel Singirok i no kisim tok orait long Ombudsman Komisen olsem em i orait long em i ken go het na kisim mani em i bin kisim o i wok long kisim long J & S Franklin Ltd insait long Visa Kad Akaun wantaim Lloyds Beng, London. Na tu em i no bin tokaut olsem em i gat dispela akaun insait long 'Annual Statement' o ripot bilong em long wan wan yia stat long 15 Novemba 1995 i go long 16 Novemba 1996 long Ombudsman Komisen.

Long sas Tu na Foa, Mista Umpake i tok long pasin bilong Meja Jenerel Singirok, i luk olsem em i save tasol em i go het na mekim na i no bihainim lo bilong lida long pasin em i mekim taim em i no kisim tok orait na tu i no

tokaut long akaun bilong en wantaim Lloyds Beng, London.

Long dispela as, Mista Umpake i askim Lidasip Traibunel long rausim Komanda Singirok long opis bilong PNG Difens Fos long tupela sas wantaim.

Long wankain taim Mista Murray i askim Lidasip Traibunel long givim mekim save long Komanda Singirok aninit long Seksen 2 bilong Lidasip Kod long wanem em i tok Komanda Singirok i no bin gat laik long mekim wanem pasin em i bin mekim. Mista Murray i tok Komanda Singirok i mekim pasin em i mekim bikos long dispela taim em i no inap long abrusim kain pasin.

Moa yet em i askim Lidasip Traibunel long askim Meja Jenerel Singirok long bekim bek mani bilong J & S Franklin na sapos em i bin go het long holim wok olsem wanpela lida bihain long 17 Mas 1997, em inap long tokaut long pasin em i mekim wantaim J S Franklin long Ombudsman Komisen.

Mista Murray i askim Lidasip Traibunel long skelim tu:

- Ol gutpela pasin bilong em aninit long Lidasip Kod;
- Wok bilong en long taim bilong hevi long Bogenvil we i givim planti tingting long em;
- Gavman i rausim em long opis, ol i makim em gen na ol i rausim em;
- Ol nius ripot long em;
- Ombudsman Komisen i no mekim gutpela pasin long em na

I go moa long pes 3



• Taim bilong ren long Mosbi na ol Papuan rijon. Moa ren inap mekim ol ples i pulap long wara we Laloki i bungim dispela hevi pinis.

PLIS RIPOT

Mosbi:

Plis i holim pasim wanpela ronawe kalabusman long Bomana tupela wik i go pinis.

Long taim bilong bikpela ren na taitwara i bagarapim Bomana haus kalabus tupela wik i go pinis, 26 kalbus lain i bin ronawe. na long dispela wik, ol plis imbin holim pasim wanpela na kisim em i go bek long haus kalabus. Ol arapela i ronawe hait yet i stap.

Bos bilong ol plis long Nesenel Kapitel Distrik na Sentrel provins Raphael Huafolo i tok ol plis i wok long glasim gut tru ol man insait long siti bilong painim ol ronawe kalabus lain.

Mista Huafolo i tok ol intelijens ripot i no givim moa ripot long hap we ol lain i hait long en, tasol ol i wok long stap isi na i no wokim bikpela meknais i kam inap nau. Tasol i gat strongpela bilip olisme ol plis bai holim pasim yet ol dispela ronawe kalabus lain bikos pablik i wok long givim infomesen i go long plis long dispela samting, Mista Huafolo i tok.

Ekting komanda bilong Bomana haus kalabus Michael Waipo i tokim pablik long lukaut gut bikos sampela long ol dispela ronawe kalabus lain em ol i nogut tru na ol i ken kamapim bikpela birua moa long sosaiti.

Alotau, Milen Be:

Plis long Alotau i holim pasim na sasim tupela man long gat wantaim ol na salim ol strongpela smok brus.

Ol plis ripot i kam long Milen Be i tok wanpela bilong ol em helt woka

Plis i tok tupela man ya i bilong Isten Hailians provins. Bihainim ripot plis i kisim long sampela man, ol Alotau plis i bin kisim sevenpela bek mariwana we ol bin karapim long niuspapa.

Plis ripot i tok ol i bilip olsem tupela ya i salim pinis sampela long ol spak brus smok long provins bipo long plis i holim pasim tupela man ya.

Ol i bilip strong tu olsem tupela ya i bin laik salim smok brus i go long ovasis.

Plis i ripot olsem long 1998. ol bin holim pasim na sasim sampela man long provins wantaim smok brus.

Mosbi:

Plis long Mosbi i karimaut ol wok painim long rot we wanpela stilman i bin ronawe long Mosbi haus sik long dispela wik.

Plis ripot i tok man ya i wanpela long 10-pela man husat i bin wokim holap long Namu Treding stoa long Hohola long dispela wik na stilim kes mani inap long K3,000 wantaim tu ol klos samting. Ol bin karim ol gan na naip samting na wokim holap.

Plis ripot i tok ol bin holim pasim siksipela man na tupela i ronawe hait yet.

Plis ripot i tok dispela man i ronawe long haus sik em ol bin karim em i go long hap bihainim ol bagarap we em bin kisim namel long ol na ol plisman husat i bin ronim ol .

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

<p>General Manager and Group Editor in Chief: Anna Solomon.</p> <p>Acting Advertising Manager: Jocko Oberleuter.</p> <p>Editor of Wantok: Yakam Kelo.</p>	<p>Papers distributed by air throughout PNG. Available by air mail subscription within Papua New Guinea and overseas</p> <p>Email address: word@global.net.pg</p>
---	---

Advertising deadlines, Display bookings, Tuesday midday. Camera ready copy, Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 65%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

K1.5m i go long ol projek long sentrel Bogenvil

VERONICA HATUTASI i raitim

HELPIM skruim gut sindaun bilong ol pipel long ples long sait bilong kisim gutpela wara na ol arapela samting moa olsem em bikpela tingting we Sentrel Bogenvil memba Sam Akoitai i gat long en na em i putim K1.5 milien Rurel Eksen Program (RAP) long ol rurel developmen projek long ilektoret bilong em.

Wara na haidro pawa projek em tupela bikpela samting we Mista Akoitai i bin kirapim las yia na i skruim moa gen long ilektoret bilong em long dispela yia.

Dispela em antap long helt na edukesen na ol projek long wok bilong painim gutpela sindaun long ailan we em i karimaut tu long Sentrel Bogenvil na provins.

Tupela wik i go pinis, Mista Akoitai i bin singautim 10-pela sief bilong Sentrel Bogenvil na tupela distrik manesa bilong Arawa na Wakunai i kam long Mosbi long em i sindaun wantaim ol na toktok long rot we ol bai yusim dispela K1.5 milien long sen.

Mista Akoitai i tok 50 pesen o haf long dispela RAP mani em i bilong ol memba long yusim long ol samting we ol yet i laikim long en. Tasol em i tok em i putim olgeta mani long ol developmen projek long ilektoret bilong em na tu long ol wok bilong painim gutpela sindaun long Bogenvil.

Mista Akoitai i tok long skruim dispela wara na haidro projek, em i fandim sampela grup long karimaut ol wok stadi long en.

Em i tok sampela lain long Lae Yunitek i karimaut stadi long Kongara 1 na 2 Paruparu, Kokoda na Wakunai haidro sevel.

Em i tok wok stadi i kamap tu long Bovo Wawa long givim haidro pawa long Arawa taun.

Em i tok Rurel Developmen Sevis em wanpela kampani bilong Mosbi bai supevaisim ol wok long kirapim projek tasol ol wok lain bai i kam long Bogenvil yet.

Mista Akoitai i tok ol projek we em bin fandim na ol i statim long las yia em long Rotokas wara projek we i kostim K281,000, Rorovana 1 na 2 wara projek we wan wan i kostim K50,000 na Polpok wara projek we i kostim K80,000.

Mista Akoitai i tok long projek ol bai i karimaut ol wok olsem banisim wara, wokim ol paip long karim wara i go long ol ples bilong ol ples lain long yusim.

Long taim bilong hevi long ailan, planti eria i go insait long yusim haidro pawa long kisim lait i go long ol ples. Dispela i moa yet long Sentrel na saut Bogenvil, Wakunai na Tinputu eria.

Mista Akoitai i tok em laik skruim dispela woka na ol putim ol save man long helpim ol pipel long ol projek ya.

Em i tok haidro pawa em i bikpela samting na ol pipel i mas save long rait mak o level bilong pawa long pulim na yusim bikos sapos nogat, bai i gat birua long en.

Olsem na em i kisim ol lain long Apropiet Teknoloji seksen long karimaut ol fisibiliti stadi long skruim haidro pawa projek long ailan.

Nesenel Senses opim ol rot bilong toksave

NESENEL Senses em i taim bilong kisim nem na kaunim hamaspela manmeri na ol pikinini i stap long Papua Niugini.

Sekreteri bilong Plening na Monitering na Siaman bilong Nesenel Senses Stiaring Komiti, Camillus Midre, i tok olsem Nesenel Senses em i bikpela samting i save kamap long PNG insait long olgeta tempela yia.

Em i tok olsem long nau yet kantri wok long wokim ol plen bilong ol manmeri insait long PNG inap long ol infomesen bilong tempela yia i go pinis.

Nesenel Stetisen, Nick Suvulo, i tok olsem kantri bilong yumi i gat planti hap long karapim na tu ol ples i stap longwe, longwe, wantaim ol ailan. Na antap long dispela ol rot ino gutpela na planti manmeri i no save long rit na rait.

Nesenel Statistik i tok olsem wantaim olgeta dispela wari, ol i train long wokim senses bilong dispela yia bai kamap gut.

Na sab komiti bai wok long tok save long olgeta manmeri long senses bilong dispela yia em Pablisiti Sab Komiti. Em i wok wantaim Pablisiti Sekreteriet bilong Senses husat i lukautim prodaksen bilong ol toksave bilong senses.

Bai i gat ol posta na buk bilong ol skul, na ol posta wantaim ol liklik toksave bilong olgeta manmeri. Na ol toksave tu bai kamap long ol redio stesen na long EM TV. Olgeta niuspapa i stat pinis long raitim toksave bilong senses.

Edukesen Depatmen i wok long mekim ol buk bilong ol sumatin i stap long gred 9 igo long 12 long olgeta hap bilong PNG, bai ol i kisim dispela topik "Nesenel Senses" olsem wanpela sabsek long skul. Wanpela buk tu bilong halivim ol tisa na tupela narapela kain posta tu bai halivim long dispela wok.

Post PNG bai salim ol envelop i gat stem pinis long en wantaim ol arapela samting i gat piksa o mak bilong senses.

Na tu Arnotts Biscuit (PNG) bai halivim long salim ol Paradise bisket na bai i gat de bilong wanem taim Nesenel Senses bai stat na pinis, wantaim ol mak bilong senses na liklik hap tok long ol.

Ramu main Envairomental Plen kisim tok orait

WENCESLAUS MAGUN i raitim

MINISTA bilong Envairomen na Konsevesen, Herowa Agiwa i sainim tok orait bilong K2.7 bilien Envairomen Plen (EP) bilong Ramu nikel na kobalt main long Madang long Tunde dispela wik long Madang.

Dispela tok orait bilong 18 pes dokumen i gat 50 kondisen i opim dua bilong Highlands Pacific Limited (HPL) husat i gat 68.5 pesen sia na Oregon Minerals Limited husat i gat 31.5 pesen sia long askim ol arapela bisnis lain long baim sia insait long dispela kampani.


Moa yet em i opim dua tu bilong HPL na Oregon Minerals Limited long askim ol beng long ovasis long givim dinau mani bai dispela kampani i ken kirapim Ramu main insait long Madang provins.

Dispela seremoni tu i bringim rot bilong Gavman long givim tok orait long Spesel Main Lis (SML) i kam klostu. Nau yet Minista bilong Main, Sir Michael Somare i glasim ol pepa bilong SML na bai bringim i go long Nesenel Eksekutiv Kaunsel long kisim tok orait.

Ol arapela tok orait bipo long SML em Mining Development Kontrak (MDC) na Memorandum Ov Agrimen (MOA).

Pasin Mista Agiwa i mekim bilong givim tok orait long EP i tok orait long kampani i ken:

- Developim, mekim wok



• Herowa Agiwa.

bilong main na mekim nikel we ol i painim insait long graun malmalun bilong Kurumbukari insait long Madang Provins; na tu bilong developim na ronim wanpela rifaineri long Basamak Basis, long Rai Kos, Madang Provins long mekim nikel na kobalt;

- Redim rot bilong mekim paiplain bilong karim graun malmalun long Kurumbukari i go daun long Usino rot bung na bihainim Madang Haiwe i go daun long Basamak Basis (samting olsem 134 kilomita); na;

- Redim ples bilong mekim na ronim ol arapela samting bilong wok long Kurumbukari main eria, fektori bilong mikim nikel na kobalt, pam wara stesen, acid prodaksen mesin, laim prodaksen mesin, ples bilong kisim karanas, disel pawa haus, paip bilong karim pipa bilong main i go long daun solwara, bik bris long Basamak, opis na ol haus bilong ol wok manmeri.

Mista Agiwa i hapim nem bilong ol papagraun, Madang Provins Gavman, ol wok

manmeri bilong DEC, Mining na ol developa long gutpela pasin bilong wok bung we i lukim kaikai bilong en i kamap long taim em i sainim tok orait bilong EP.

Em i tok tu olsem dispela em i namba wan EP long dispela indastri na gavman bai yusim olsem piksa long karim aut ol wankain projek long bihain taim.

Madang Gavana Jim Kas i askim ol pipel bilong Madang long wok bung wantaim long lukim dispela projek i go het. Em i tok gavman bilong em bai go het long sapotim dispela projek.

Siaman bilong Kurumbukari papagraun asosiesen husat i makim ol arapela papagraun asosiesen i tok ol pipel bilong ol i wet longpela taim tru long kisim gavman sevis tasol ol i no kisim ol gutpela sevis yet. Long dispela as, ol pipel bilong Basamak, Kostel na Inlen paiplain, Maigari na Kurumbukari i laikim gavman i mas tok orait long HPL i kirapim wok bilong en kwik taim na bringim ol sevis i go long ples bilong ol.

Long wankain taim em i tok lukaut long ol pipel long sambai long ol hevi bilong bus, graun, wara na solwara we inap kamap taim kampani i statim wok bilong en.

Menesing Dairekta bilong HPL, Ian Holzberger i tok, "wantaim tok orait bilong envaironmen plen, na las toktok bilong kisim tok orait i kam klostu, mipela i gat bikpela bilip olsem gavman bai givim tok orait long Spesel Main Lis

(SML)."

Em i tok Ramu main em i wol klas nikel projek na inap kamapim 33,000 ton bilong nikel na 3,200 ton bilong kobalt long wan wan yia. Dispela projek i gat inap graun malmalun bilong mekim nikel na kobalt na dispela bai kisim samting olsem 40 yia olgeta long laip bilong dispela kampani.

Long skruim toktok bilong Ramu main, Presiden bilong Bisnis Kaunsel bilong PNG, Mel Togolo i tok dispela projek bai kamapim moa long 1,000 wok na 900 ol arapela wok.

Em i tok Ramu projek bai kamapim insait long kantri veliu bilong nikel na kobalt metel, givim takis na ol arapela sas long mak bilong K280 milien long laip bilong main. Dispela projek bai givim 10 pesen bilong Gros Domestik Prodak long taim kampani i stat wok na 5 pesen long taim kampani i wok i stap.

Em i tok dispela projek i gat strong bilong senisim pasin gavman i save kisim mani long wel, kopa na gol na i gat bikpela strong long kamap bikpela.

Long dispela as, Mista Togolo i askim Gavman long givim SML hariap long HPL.

Man husat i go pas long karim aut wok painim i go insait long EP, John Mosoro i tok dispela wok i bin kisim ol klostu 10-pela mun olgeta bilong mekim na i kos samting olsem K500,000 olgeta. Bikpela helpim i bin kam long HPL olsem na em i tenkim HPL long sapotim gavman long pinisim dispela wok.

BPNG bai taitim lo long ol mani bisnis

BENG bilong Papua Niugini, Sentrel Beng bai i gat pawa long sekim na sasim ol bisnis we i save kisim mani bilong ol manmeri beng. Beng bai i gat pawa long mekim dispela bihainim ol komplem na kotim ol, Gavana bilong Sentrel Beng Wilson Kamit i tokaut long dispela wik.

Nau Beng i wok long wetim palamen long bung na kamapim dispela nupela lo bilong Beng we inap mekim planti bikpela senis long lo na pawa bilong Beng.

Insait long ol nupela lo beng i laik kamapim, em i laik gat dispela pawa bilong sekim na was long ol bisnis husat bai wok wankain olsem ol beng long kisim mani (diposit) we ol i mas wok bihainim lo bilong Beng na Fainensel Institut.

Dispela nupela lo i sut wankain long ol mani bisnis olsem ol kwik mani bisnis we i kamap na planti tausen manmeri long PNG i putim mani bilong ol insait long traim kisim moa profit.

Ol kwik mani bisnis i bin kamap long 1998 na olpela gavman i bin oraitim ol we Sentrel Beng tu i oraitim wok bilong ol. Tasol taim gavman i senis, gavman i stapim dispela kwik mani bisnis. Sentrel Beng i tokaut olsem ol i nogat pawa long kotim ol taim ol i no bekim bek mani bilong ol manmeri.

Wanpela bikman i askim sapos nupela lo bai tambuim tu ol kwik mani bisnis long noken kisim mani bilong ol long ovasis i kam insait long kantri.

Tasol Gavana bilong Sentrel Beng Wilson Kamit i tok sapos ol dispela kwik mani bisnis i gat mani long ovasis, nogat lo i stapim ol long kisim i kam.

Sentrel Beng i laik putim mak long K100 milien dinau tasol

YAKAM KELO i raitim

MAK bilong Sentrel Beng long givim dinau mani long gavman em K100 milien, sapos palamen i kamapim dispela lo bilong Sentrel Beng long neks wik palamen kibung.

Gavana bilong Sentrel Beng Wilson Kamit i tokaut olsem Sentrel Beng i mas gat ol nupela lo bilong taitim strong wok bilong en. Bikos lo bilong Beng i bin stap bipo long 1975 i kam.

Sapos dispela lo ol bai kolim Sentrel Beng Bil i kamap tru, bai Beng i givim tasol K100 milien long gavman taim gavman i askim long dinau. Na gavman i mas bekim bek insait long 6-pela mun. Masi gavman i kisim K20 milien o dinau aninit long K100 milien, em i mas bekim yet insait long 6-pela mun.

Dispela lo em bilong stapim gavman long i no ken kisim tumas mani bilong Beng long dinau bikos taim gavman i kisim bikpela dinau tumas long Beng, dispela i save daunim strong bilong mani long kantri.

Insait long dispela lo Sentrel Beng i laikim tu olsem bai i mas gat strongpela lo long pasin bilong makim bos bilong Beng. Nupela lo i mas tokaut olsem long makim nupela Gavana bilong Sentrel Beng, ol bod memba i mas glasim na skelim ol nem bilong ol kandidat. Na bihain makim wanpela nem i go long Nesanel Eksekutiv

Kaunsil (NEC) o kabinet long tokaut long husat bai kamap Gavana bilong Sentrel Beng.

Gavana Wilson Kamit i tok dispela lo bilong makim Gavana i mas strong bikos 5-pela krismas i go pinis, Sentrel Beng i bin gat klostu 6-pela Gavana olgeta. Dispela i soim olsem wanwan Gavana i wok wanpela yia tasol na gavman i senisim ol na makim nupela man.

Mista Kamit i tok dispela i no gutpela tru long makim ol Gavana klostu klostu long dispela bikpela beng bilong Papua Niugini. Olsem na stropela lo i mas kamap klia olsem wanpela Gavana tasol i ken kamap na holim wok inap mak olsem 5-pela krismas i pinis, orait makim nupela gen o sapos bod na kabinet i laikim dispela Gavana i stap yet, orait givim em narapela 5-pela krismas gen.

Mista Kamit i tok tu olsem wankain pasin o rot tu i mas kamap long Deputi Gavana bilong Sentrel Beng. Gavana i mas skelim na glasim na tokaut long bod na givim i go long kabinet long makim husat i ken kamap namba tu Gavana bilong Sentrel Beng bilong Papua Niugini.

Sentrel Beng em i olsem mama beng bilong olgeta beng long Papua Niugini we em i mekim lo long banisim wok bilong olgeta beng. Na tu em i holim namba bilong olgeta mani insait long Papua Niugini na save long amas mani gavman i wokim.



TOKSAVE

SENSES Direkta Mista John Kalamoroh bai i salim wanpela senses wokman bilong Pot Mosbi i go long Sauten Hailans long helpim ol Sauten Hailans pinisim kwik senses wok bilong ol.

Mista Kalamoroh i tok aste olsem bos bilong Sauten Hailans senses Mista Raphael Yaki i bin askim long dispela.

Dispela senses wokman bilong Pot Mosbi bai i go long Sauten Hailans neks wik.

Deputi Senses Direkta Mista Bernard Kiele na Nesanel Senses Kodineita Mista Boe Douna bai i kisim dispela senses wokman bilong Pot Mosbi i go long Sauten Hailans na lusim em long hap.

Mista Kalamoroh i tok olsem Mista Kiele na Mista Douna bai i go bek long Pot Mosbi taim ol i stretim sampela laik hevi bilong Sauten Hailans senses.

Dispela bai i sekon taim bilong Mista Douna long i go long Sauten Hailans. Long Fraide i go pinis, em wantaim Hailans Rijinel Senses Kodineita Mista Peter Siopun i bin stap na wok long Sauten Hailans i go i nap long Mandei na tupela i bin kisim balus i go bek long Pot Mosbi.

Mista Kalamoroh i tok ol senses bos na wokman husat i stap long Pot Mosbi i wok long i go i kam long Sauten Hailans bikos Sauten Hailans i kam bihain yet long wok bilong senses.

Mista Kalamoroh i tok olsem ol lain bilong em long Sauten Hailans i bin poret long mekim wok bilong ol bikos traibel fait na ol raskal i bin bagarapim ples na ol i no laik kisim birua o i dai.

Mista Kalamoroh i tok olsem ol senses wokman bilong em i stat long wok nau long Sauten Hailans bikos ples i kamap orait nau na ol i no moa poret long traibel fait na ol raskal.

Mista Kalamoroh i tok olsem Sauten Hailans i orait nau long wanem polis i mekim gut wok bilong ol.

Em i tok olsem wok bilong stretim senses long Sauten Hailans bai i bikpela moa winim olgeta narapela hap bilong Papua Niugini bikos Sauten Hailans i gat moa lokel level gavman.

Olsem na Mista Kalamoroh i tok em i amamas tru long toktok bilong ol sios, polis, woda na ol narapela pablik sevis wokmanmeri bilong Sauten Hailans.

Ol i tok olsem ol i sambai na redi tasol long pinisim kwik olgeta wok bilong stretim senses.

● Gavman bilong Papua Niugini na Gavman bilong Australia i saptim 2000 Nesanel Senses.

Kot rausim Singirok long ami

I kam long pes 1

Pablik Prosekjuta long autim ol sas agensim em long nius bipo long em i kisim sas;

• Gutpela pasin bilong em long bekim bek US\$450,000 bilong Tim Spicer; na

• Disisen bilong em long rausim Sandline long lukautim PNG bilong kisim sem long ol arapela kantri long wol na stapim pasin bilong kilim planti lain manmeri na pikinini.

Lidasip Traibunel i skelim olgeta dispela toktok tasol ol i bilip olsem Meja Jenerel Singirok i brukim tu na olsem ol i askim Gavana Jenerel Sir Sailas Atopare aninit long S.28 (1) (g) (ii) bilong Mama Lo long rausim Komanda Singirok long opis.

Ol Bogenvil lida strong yet long indipenden vot na moa pawa

VERONICA HATUTASI i raitim

BOGENVIL grup we i sindaun wantaim nesanel gavman long namba tri toktok i sanap strong long kisim gutpela bekim long indipendens vot na gavman wantaim moa pawa. Na ol i laik go bek wantaim gutpela ansa.

Moa long 23 Bogenvil lida we i gat Gavana John Momis na tripela Nesanel Palamen memba bilong provins; Presiden bilong Bogenvil Pipels Kongres (BPC) Joseph Kabui, tupela Deputi Vais Presiden em James Tanis na Thomas Anis na ol arapela bikman moa bilong BPC na Leitana Kaunsil ov Sief Saiman Joel Banam na sampela lain bilong em i sindaun wantaim grup bilong nesanel gavman we Sir Michael Somare husat i Bogenvil Afeas Minista i go pas long em long bung long Mosbi long dispela wik. Long las Fraide yet, grup i wok long bung inap dispela wik.

Wantok i kisim ripot olsem tupela grup bai i mas sainim wanpela agrimen pepa ol i kolim long komunikei we i gat ol samting we tupela i toktok na wanbel long ol long aste apinun. Na Wantok i bin wet long kisim dispela ripot tasol i

no bin redi yet.

Tasol wanpela ripot we Sir Michael i bin salim long ol niuslain long Tunde i bin tok tupela sait i kamap wantaim sampela luksave tasol ol teknikel opisa bilong ol i wok long stretim yet ol samting bilong tupela sait wantaim i sainim long pinis bilong ol toktok.

"Ol toktok i bin stat long Fraide na long de namba foa, ol i kamapim sampela toktok we ol i wokim ripot long en. Ol teknikel opisa bilong ol i wok long sekim na stretim ol yet," Sir Michael i tok.

Em i tok tupela grup i wanbel long redim wanpela join toktok we ol i mekim long Lolota na ol bai tokaut long dispela ol samting long Tunde taim bung i stap long Mosbi.

Wanpela mausman i makim BPC i tokim Wantok olsem bikpela samting we ol Bogenvil lida i laikim em "long gavman long givim tok orait long indipenden vot. Dispela i no min olsem ailan bai i kisim indipendens hariap, nogat, em ken kamap long sampela yia bihain.

"Taim gavman i givim tok orait, ol Bogenvil pipel bai luksave olsem rait bilong ol long autim tingting bilong ol long bihain taim bilong ol na ailan i stap.

"Tok orait bilong gavman long

indipenden vot i bikpela samting tu bikos em bai klarim rot bilong rausim ol samting bilong pait we ol pait grup long ailan i holim i stap.

"Em bai klarim tu rot long sanapim Bogenvil gavman we i gat moa pawa na fri ileksen i ken kamap," mausman i tok.

Em i tok tu olsem olgeta Bogenvil lida i makim BPC, Leitana, Gavana Momis na tripela nesanel palamen memba bilong provins i sanap na putim tingting bilong ol wantaim long tupela samting long dispela bung.

Mausman i tok grup bai i stap yet long Mosbi sapos ol no kisim wanpela gutpela bekim long indipenden vot long dispela bung. Na ol bai wetim Nesanel Eksekutiv Kaunsil long bung na givim disisen bilong em.

"Kabui i mas noken go han nating bek long ailan bikos bai ol strongpela BRA i kamapim hevi.

"Na BRA lida Francis Ona bai i tok olsem Mista Kabui na grup i salim Bogenvil long PNG.

"Indipenden vot tasol i rot we bai stretim hevi. Mipela i laikim gavman long givim sampela gutpela bekim nau bikos taim em i surukim samting i go moa, ol pipel bai les na trabel bai kamap gen," mausman i tok.

TORO
TORO GO RAUN NATING LONG STOP 'N' SHOP STUA LONG WAIGANI HAI-WE !!!

EM LUKIM WANPELA MERI NA GO GIAMANIM EM OLSEM SEKURITI GAD BILONGI STUA!!!
HALO MAI DIA... KEN AI HERP YU? AI SIKURITI GAT FO STUA HIA!

MERI I TING TRU NA EM ASKIM TORO!!
OH TENKU SE! INAP YU SOLIAMI WE OL I SALIM PANTS BILONGI OL MERI!
AAAH, LIKLIK SAMTING BIHAINIM AI!

TASOL TORO ABRUS NA KARIM MERI IGO LONG SAIT BILONG OL MAN!!
EM YAH! YO CHOIS! ATING OL TAIGA WAN BAI FITIM YU STRET!
TAIGAWAN ANDAPANTS BILONGI MAN!
AEEE!! EM PANTS BILONGI OL MAN!

WANTU OL SEKURITI TRU TRU I KAM NA TORO I PLA I KAMAUT LONG DUA BILONG GO'AUT!!!
AI BILONGI OLGETA MAN NA TORO SEM STRET.

Gavman mas luksave long laik bilong pipel

GAVMAN i mas luksave long laik bilong ol pipel na luksave olsem dispela i stiaim rot bilong painim gutpela sindaun, Deputi Vis Presiden bilong Bogenvil Pipel's Kongres (BPC) James Tanis i bin tokim Wantok Niuspepa.

Mista Tanis i wanpela long ol sevenpela Bogenvil lida husat i sindaun long paitim toktok wantaim ol nesenel gavman lida long Loloata Ailan ausait long Mosbi long namba tri raun bilong Bogenvil politikel toktok.

Em bin tok tu olsem ol lain long Bogenvil i laikim ol lida long go bek wantaim gutpela samting na i no han nating.

"Bikpela laik bilong ol pipel long graun em Kabui i mas noken go bek long ailan han nating, nogat.

"Wanpela samting i klia na dispela em nesenel gavman i mas givim gutpela bekim

long tupela bikpela samting. Em long givim moa pawa long gavman bilong Bogenvil na vot long independens. "I bikpela samting long kism toktok bilong independen vot bikos dispela bai soim laik bilong pipel

bihainim demokretik sistem.

"Olgeta ol samting i mas kamap long pasin bilong toktok namel long ol grup na long dispela, em ol lida bilong Bogen na nesenel gavman.

"Mama lo i tok olsem em i no inap long larim kantri i bruk long ol hap hap nabaut na olsem em i no inap long tok yesa long askim bilong Bogenvil long bruk lusim PNG.

"Tasol ol i ken kamapim senis

long mama lo. Laik bilong ol pipel tasol bai stiaim rot we gutpela sindaun i go long en na i gutpela long gavman i lukluk long dispela," Mista Tanis i tok.

Mista Tanis i tok long dispela bung, ol pipel long Bogenvil i laikim gavman na ol Bogenvil lida long toktok long givim gavman wantaim moa pawa i go long Bogenvil wantaim tu tok orait long independens vot.



Sir Michael na Kabui bilip olsem gutpela toktok bai kamap long bung

BOGENVIL Afeas Minista Sir Michael Somare long taim em i welkamim ol Bogenvil lida i kam sindaun long namba tri raun bilong ol toktok wantaim nesenel gavman i bin autim strongpela bilip bilong em olsem tupela grup bai i kamap wantaim sampela gutpela samting long dispela taim.

Sir Michael i bin holim wanpela wekam bung long palamen long as wik Fonde bilong amamasim moa long 20 Bogenvil lida husat i bin kam long bung long toktok wantaim gavman long ol samting we i sut long nupela gavman wantaim moa pawa we ailan i laik kism.

Bogenvil Pipel's Kongres Presiden Joseph Kabui na Gavana John Morris i bin go pas long grup. Dispela tu em namba wan taim bilong Mista Kabui long krugutim graun bilong Mosbi insait long 12-pela krismas hevi i bin karamapim Bogenvil.

Tupela deputi vais presiden em james Tanis na Thomas Anis i stap tu long grup.

Sir Michael i bin tok em i amamas long pasin we ol Bogenvil lida i mekim long i no haitim wanpela samting long ol toktok bilong ol wantaim ol poroman lida bilong ol long nesenel gavman.

Em i tok yumi long Melanesia i gat rot long stretim ol hevi na dis-

pela em long sindaun na toktok, glasim na skelim ol samting. Na sapos wanpela rot i no wok, yumi save skruim ol toktok i go inap yumi kamap wantaim wanpela gutpela samting.

Sir Michael i bin tok long taim gutpela taim stret i kamap long Bogenvil, em bai taim bilong wokim bikpela amamas na selebren tasol dispela bai i wet yet.

Mista Kabui i bin tok em i bikpela samting long em i kamap long Mosbi na dispela i mak olsem pret pasin, birua na bel nogut we i save stap namel long

ol na PNG i wok long raus isi.

"Kamap bilong mipela long hia em i gutpela mak long ol wok bilong painim gutpela sindaun.

"Mi amamas long kam na stap na miks nabaut namel long ol plis na soldia hia.

"Wok long painim gutpela sindaun long Bogenvil i wok long muv fowed gut moa nau. Tru i gat taim we yumi ting olsem dispela wok bai bagarap o i stap isi.

"Dispela em namba tri raun bilong ol toktok na mi gat bilip olsem sampela gutpela samting bai kamap long en," Mista Kabui i tok.



• (l - r) PNG Difens Fos Komanda Brigadia Jeneral Carl Malpo na Bogenvil Pipels Kongres Presiden, Joseph Kabui i sekan wantaim.

Bogenvil Pis Monitas i gat nupela komanda

PIS MONITERING Grup long Bogenvil i gat nupela komanda o bos.

Brigadia Mike Silverston long dispela wik i bin kism ples bilong Brigadia Frank Roberts husat i bin go pas long PMG insait long las pela siks-pela mun.

Nupela komanda i bilong Australia tu, wankain olsem Brigadia Roberts.

Brigadia Roberts i bin tokim Wantok Niuspepa olsem em bin kism gutpela taim na skul long wok long Bogenvil na namel long ol pipel long ailan.

Em i tok situesen long Bogenvil nau i kamap gut na i no olsem taim em i taim em i bin kism wok long hap siks-pela mun i go pinis.

Taim bilong wok bilong Bogenvil i gutpela na mi amamas long wokim samting we i bin helpim ol pipel long en

"Taim mi bin kism wok siks-pela mun i go pinis, ol samting i no klia tumas tasol nau em i narakain.

"Ol pipel na ol lida i klia long ol samting, wok bilong kamapim gutpela sindaun, politikel daireksen na rot we ol i go long en," Brigadia Roberts i tok.

Australia, Nu Silan, Fiji na Vanuatu i gat 300 PMG memba i stap na wok

long Bogenvil. Ol i beis long Buka, Wakunai, Arawa we i hetkota bilong ol, Buin na Konga.

Australia i gat 250 PMG memba na Nu Silan i gat 30, Fiji i gat 10 na Vanuatu i gat 10.

Wok bilong PMG em long monitaim ol agrimen we i karamapim sispai, lukim olsem ol grup long Bogenvil na PNG i no brukim ol dispela agrimen we ol bin kamapim aninit long sispai, Lincoln na Burnham toktok na tu wok wantaim ol pipel long strongim ol wok bilong painim gutpela sindaun.

Brigadia Roberts i tok ol toktok i go het nau long ol gavman bilong foapela kantri na PNG Gavman long glasim na skelim wok bilong ol PMG bikos long nau, wok bilong painim gutpela sindaun long ailan i kamap gutpela.

PMG i bin statim Bogenvil Operesen long Novemba 1997 na nau ol i wok pinis long ailan long tu na haf krismas.

Stat yet long taim ol PMG i go insait long Bogenvil, sindaun na wok pren namel long ol wan wan grup long Bogenvil we i bin birua long taim bilong hevi na komyuniti i kamap gutpela moa.

Federetet sistem gavman gutpela long PNG

OL PAIT grup long Bogenvil bai lusim ol samting bilong pait sapos tok promis i kam long nesenel gavman olsem em bai givim vot bilong independens long Bogenvil, Bogenvil Pipel's Kongres Presiden Joseph Kabui i tok.

Mista Kabui i tok ol pait grup i mas lusim ol samting bilong pait long larim sivilien gavman long sanap.

Tasol em i tok dispela bai i kamap bilong gavman olsem em i givim independens vot long ailan.

Mista Kabui i tok BRA lida Francis Ona i amamas long ol Bogenvil lida i kam long Mosbi long dispela bung wantaim nesenel gavman sapos ol bai givim gavman wantaim moa pawa na independens vot long ailan.

"Ona i amamas na i sapotim mipela sapos bung i edresim Bogenvil gavman i kism moa pawa na independens vot," Mista Kabui i tok.

Em i tok pasin bilong sindaun na toktok wantaim tasol em rot bilong muv fowed na stretim hevi, na i no pasin bilong pait.

"Nau em taim bilong yusim het na lewa long pait na i no pait wantaim ol

gan samting. Mipela i les pinis long pait wantaim gan bikos dispela i kamapim planti hevi tumas. Olsem na bai mipela pait wantaim ol tingting long kru na lewa," Mista Kabui i bin tok.

Em bin tok ol laik kirapim nupela Bogenvil we bai ol pipel i kamap bos long graun na ol samting we i stap long en.

Em bin tok Bogenvil i les long lukim ol arapela lain i go insait na bosim ol samting na lusim ol papagraun i lukluk i stap na ol no kism wanpela gutpela samting.

Mista Kabui i bilip olsem PNG bai i no inap long bruk nabaut sapos Bogenvil i bruk lusim kantri.

"Keis bilong Bogenvil i no wankain. Mi no ting olsem PNG bai bruk i go long ol liklik hap nabaut sapos Bogenvil i bruk lusim kantri.

"Wanpela samting mi lukim em PNG i ken bihainim federetet stet sistem olsem long Australia. Long dispela rot, PNG i ken gat ol stet aninit long foapela rijen olsem Sauten, Hailans, Momase na Niugini Ailians.

"Long dispela rot, ol bai i gat moa pawa long ol samting we i karamapim ol," Mista Kabui i tok.



Aitape na Wewak nesenel rot i bagarap

FELIX RAMRAM i raitim

OL pipel na bisnis lain husat i save yusim nesenel rot namel long Aitape na Wewak i kisim bikipela taim nogut nau. Bihainim taim bilong bikipela ren we i bagarapim Wewak Aitape rot. Tripela wik i go pinis planti bikipela hol long rot na ol wara tu i brukim na kalapim sait bilong wara na karamapim graun na ol ples i stap long rot. Long sait bilong Aitape ol lain i blokim rot long fosim gavman long stretim hariap dispela pablik rot.

Ol ripot i kam long Aitape i tokaut oisem Wara Harech 40 kilomita ls long Aitape i brukim sait bilong em. Na i karamapim graun na bagara-

pim tu ol gaden kaikai na ol arapela samting bilong pipel. Wanpela skul i stap klostu long bikipela rot ya i kisim bikipela bagarap long ol klasrum na haus bilong ol tisa.

Ripot i tok ol pipel bilong ples Yakumul i gat bikipela wari tru long lukim ol dispela samting i bagarap. Na ol i autim tok long gavman i ai pas longpela taim tumas na i no luksave long planti hevi ol pipel i save bungim. Ol i kros long gavman i no karimaut wok mentenens bilong dispela rot na ol i blokim rot long fosim gavman long stretim dispela rot.

Richard Anyiel i tokim Wantok oisem las taim ol i karimaut mentenens bilong Aitape Wewak rot ya

em 10-pela krismas i go pinis.

Mipela i save dispela i Nesenel rot, tasol sapos Gavman i no hariap long bringim helpim, orait Eddie Saweni i mas givim mani hariap i go long Woks Dipatmen long Aitape long karimaut mentenens wok long sait bilong Aitape. Taim ol palamen memba bilong ls Sepik i ken mekim wankain long sait rot bilong ol stat long Matapau Sawom boda mak na i go bek long Wewak," komyuniti lida bilong ples Wulau i tokim Wantok.

Mista Anyiel i tok bikos ol papa-graun bilong Yakumul we ples Wara Harech i brukim i go daun long solwara i blokim rot. Ol pipel bilong ol ples olsem Wulau, Susin na Matapau olsem tu long ol bisnis

na gavman lain i kam long Wewak long go long Aitape. Ol i no inap brukim wara Harech bikos wara nau i dip tru na ol ka i no inap brukim wara na go long hap sait olsem bipo.

Mista Anyiel i tok "bikipela wari bilong Aitape Lumi pipel i stap long ol rot na bris bilong mipela, bikos taim dispela i nogat hevi bai i bikipela tru insait long komyuniti bikos pipel bai i nogat mani long karamapim gutpela sindaun.

"Sapos dispela i no kamap nau, mipela pipel bilong Aitape ls Kos i askim Mista Saweni long noken westim taim bilong em long 2002 ileksen. Bikos Aitape Lumi pipel i no lukim kaikai bilong wok bilong em."

Wewak stom wara projek i ken stat

STOM Wara projek long Wewak insait long ls Sepik provins i ken stat nau bihain long ol i sainim ol kontrak pepa.

Las wik ls Sepik gavana Arthur Somara i bin sainim ol kontrak pepa bilong projek wantem Fletcher Morobe husat i bin winim dispela projek.

Kos bilong projek i nau sanap olsem K21 milien. Sir Michael Somare i bin statim dispela toktok long kamapim dispela projekt 10-pela yia i go pinis.

Ol bikman bilong dispela projek i tok olsem em bai kisim tupela krismas long pinis dispela projek.

Gavana Somare i tok olsem dispela projek em i wanpela bikipela invesmen stret na i bin kamap bihain long gavman bilong Korea i bin givim mani.

Em i tok olsem dipela projek bai i bikipela samting stret long kantri na bai kamapim wok bilong ol manmeri long provins.

Woks Minista Alfred Pogo husat i bin stap tu long saining bilong dispela projekt i tok hamamas long ls Sepik Provinsel Gavman long painim mani bilong projek ol yet.

Em i tok olsem dispela projek i

no bin stat hariap bikos Woks dipatment i no bin gat ol teknikal save long mekim dispela projek.



• Opisa bilong Aitape Tras Fan bilong ol pikinini, John Samar i givim helpim mani i go long skul fi bilong sampela pikinini papamama bilong ol i bungim birua bilong bikipela solwara las yia.

Yangoru Sausia gat nupela memba

YANGORU Sausia i gat nupela memba nau bihain long tupela krismas i lus nating na i nogat memba bilong ol long haus palamen. Nesenel Kot i tokaut olsem Bernard Hagoria em memba bilong Yangoru Sausia bikos ol vot pepa bilong em i soim em i gat moa namba bilong vot winim Gabriel Dusava. Mista Dusava i bin kamap memba bilong Yangoru Sausia liklik taim tasol long 1997 tasol kot i rausim em long sas bilong brukim lo i banisim ol lida we ol i kolim Lidasip Traibunel.

Mista Hagoria i bin askim kot long sekim gut ol vot pepa bilong 1997 nesenel ileksen bikos em i ting em bin winim dispela sit. Ol wokman bilong Ilektorel Komisnin i kaunim gen olgeta vot pepa na painimaut olsem Mista Hagoria em gat moa long 6-pela vot winim Gabriel Dusava.

Ilektorel Komisina opisa Andrew Traven i tokaut long kot olsem olgeta wok bilong kaunim gen ol vot pepa i bin stret na i soim stret olsem Mista Hagoria i winim dispela ileksen long 1997.

Bihain long Kot i mekim disisen long Mista Hagoria i memba bilong Yangoru Sausia, Mista Dusava i tokaut ausait long kot haus olsem dispela em wanpela bikipela asua tru bilong ol bikipela opis olsem Atoni Jenerel, Kot Haus na Pablik Prosekjuta long i no laik tokaut stret long namba wan taim olsem em i no memba bilong Yangoru Sausia. Inap ol i sekim ileksen risal bilong em na tokaut pastaim olsem em i no memba. Bikos kot we i bin holim em longpela taim i kam em aninit long Lidasip Traibunel taim em i kamap lida bilong Yangoru Sausia.

Mista Dusava i tok em bai kotim ol dispela lain opis long mekim dispela pasin we i kosim em planti hevi na bagarap long nem na sindaun bilong em.

Nupela memba bilong Yangoru Sausia Bernard Hagoria i tokaut olsem dispela risal bilong kot i givim win long olgeta pipel bilong ilektoret bikos ol i bin nogat mausman long haus palamen long tupela krismas olgeta.

Sandaun pipel i no amamas long Mekere rausim Kumbakor

LEWA bilong Sandaun pipel i bruk tru long taim ol i kisim nius long pikinini bilong ol, Minista bilong Provinsel na Lokel Gavman Afeas Kumbakor, i lusim wok bilong em na i kamap minista bilong Koreksenel Sevises 2-pela wik i go pinis.

Ol i sutim tok long Sir Mekere i aipas long planti gutpela wok Kumbakor i bin mekim na i askim Sir Mekere long tokaut long Sandaun pipel. Watpo tru na em i no givim bikipela wok i go long Mista Kumbakor ol larim em i stap yet olsem Provinsel Afeas Minista.

Ol i lukim wok Mista Kumbakor i holim nau olsem "vot biling nogat bilip" long Sandaun.

Ol ripot Wantok i kisim i tok i gat planti samting i stap yet we ol i laik lukim Andrew Kumbakor i pinisim olsem Minista bilong Provinsel na Lokel Gavman Afeas bipo long ol i senisim em. Ripot i tok i gat planti paul pasin bilong paulim pablik mani i stap insait long Sandaun. Na planti ol minista bilong bipo i no mekim sampela samting maski ol ripot i stap pinis long opis bilong ol.

Ripot i tok: "Mipela i laikim Mista Kumbakor long stap yet olsem Minista bilong Provinsel na Lokel Gavman Afeas. Mipela i laikim em long stap inap em i klinik Sandaun provins long ol doti pasin. Dispela pasin i stap insait long pablik sevis na tu insait long wok politik.






Bikipela laik bilong pipel em long lukim ol asua lain i kamap long kot na kisim taim bihainim lo bilong kantri," Wegra Kenu olpela palamen memba na komyuniti lida bilong Vanimo i tokim Wantok.

Tasol ol woda bilong Vanimo banis kalabus i gat narapela tingting bilong ol yet. Ol i gat bikipela amamas long lukim memba bilong Nuku i kisim dispela ministri, na ol i autim bilip bilong ol long Andrew Kumbakor. Olsem Vanimo banis kalabus bai gat planti gutpela senis we longpela taim ol i wet long lukim.

Insait long wanpela pas Komanding Opisa bilong Vanimo banis kalabus, Inspekta Michael

Wundia i rait i go long Mista Kumbakor. Em i givim tok amamas long Mista Kumbakor i kisim dispela wok ministri na i tokaut olsem ol opisa long Vanimo i gat bikipela bilip long Mista Kumbakor.

Strongpela sapota bilong PDM na olpela Sandaun Provinsel Gavman memba na komyuniti lida Rex Namah i tok eksen Sir Mekere i kisim i 'daunim nem bilong Sandaun,' bikipela tru long taim em i no tokaut long as tru em i givim Koreksenel Sevises Ministri i go long Mista Kumbakor na watpo em i no inap moa long holim ministri bilong Provinsel na Lokel Gavman Afeas.



nius

Morobeen
BEEF
CRACKERS

125g Net
I Gat Kik!
BEEF
CRACKERS

HEPI BIRTHDAY

25%
MORE

5 BISKETS INSIDE-1 FREE

IGAT kick!

Madang United Sios opim nupela sios

MARTIN HAWEK i raitim

WANPELA wik i go pinis, Madang United Sios i opim May Memorial Elementeri skol (MMES), Kikirai Elementeri Skol (KES) na Bilia United Sios.

United Sios kongrigesen Minista, Reveren Siulangi Kavora i tok sios yet i bungim mani long wokim ol dispela skol.

Em i tok kos bilong wokim MMES em K12,000 na sios i putim K600 long helpim ol

pipel bilong ples long wokim Kikirai skol we ol yusim ol diwai na samting bilong bus long mekim.

Reveren Kavora i tok MMES i gat tripela klasrum, wanpela kindagaden, na tupela elementeri prep. Em i tok MMES i gat 60 sumatin na i wok long kamap bikpela skol. Em i tok planti ol papamama i wok long go kism toksave bilong dispela skol na tu putim ol pikinini bilong ol i long en.

Reveren Kavora i tok KES

em i stap long Ramu veil. Dispela skol em i no wankain long MMES. Tasol wanem samting i mekim dispela skol i spesel i olsem em wanpela boding skol. Planti ol pikinini i gat 5 yia i go inap long 15 yia i save go long dispela skol.

Em i tok wanpela as bilong dispela em bikos i no gat bikpela developmen i kamap long dispela eria bilong Madang provins olsem na planti pikinini i no go long skol. Na tu i nogat ol skol,

gutpela rot, haus na helt sevis we ol pipol i laikim tru.

Em i tok Kikirai i stap insait long bus tru na Madang Provinsel Gavman i givim baksait long ol dispela pipel. Jant na Madang Timbers tupela bikpela timba kampani long Madang tasol i wok long dispela eria.

Ol pipel bilong dispela eria i bin askim dispela ol kampani long helpim ol tasol ol dispela kampani i no wari long helpim ol.

Helpim ol tarangu

Tok i go pas

OL Katolik Bisop bilong Papua Niugini na Solomon Ailan i kamapim dispela 'Singaut Bilong Ol Tarangu' wanpela ten nain yia i go pinis. Dispela singaut bilong Karitas PNG nau i save kamap olgeta yia. Ol bisop i bin givim tok orait long dispela 'Singaut Bilong Tarangu' na Karitas PNG i strongim na skruim wok bilong ol bisop long askim olgeta Katolik manmeri long Papua Niugini long sapatim dispela gutpela wok marimari.

Sotpela Tok Klia

Karitas PNG em i wanpela hap han bilong ol Katolik Bisop Konferens bilong Papua Niugini na Solomon Ailan. Karitas PNG i bin stat long yia 1974, na i kism tok orait long... 'lukluk long ol hevi i save bagarapim gutpela sindaun bilong ol kristen manmeri insait long PNG.'

Long dispela astingting, ol bisop i tok orait na kamapim wanpela program ol kolim 'Integral Human Development.' Dispela i bhainim plen bilong Gavman, long strongim namba wan Nesenel Gol na Dairektiv Prinsipel bilong Mama Lo.

Long wankain spirit tasol, sios i kamapim wanpela kos bilong ol trena na awenes kos wantaim ol astingting i kam long ol program long skol bilong Katolik Sios. Astingting bilong dispela program em bilong helpim ol manmeri long save moa long ol yet na wanem samting ol inap wokim long kamap olsem ol manmeri God i wokim kamap olsem em yet, na givim spesel save na pawa. Ol pipol i kism tu save long mining bilong developmen bilong sios wea i helpim ol long luksave long olgeta manmeri, i no long luksave long ol wantok na ol man i gat biknem tasol.

Singaut Bilong Ol Tarangu
Long dispela wok bilong developmen long Papua Niugini na ol birua bilong graun na tu ol birua man yet i save kamapim. Ol bisop i luksave long dispela wok marimari long helpim ol pipol, olsem na ol i kamapim 'Singaut Bilong Ol Tarangu' long taim bilong Lent.

Bikpela astingting tru bilong dispela singaut em long strongim pasin bilong wok bung wantaim namel long ol kristen long helpim ol tarangu long taim bilong Lent. Lent em wanpela taim bilong soim laik pasin bilong yumi long ol brata na susa taim yumi

putim yumi yet baksait na lukluk long helpim ol manmeri i laikim tru helpim bilong yumi.

Papa Santu, Pop Jon Pol II, long toktok bilong em long yia i go pinis long wok bilong redim Jubili Yia 2000., i givim sampela klia toktok long bilip long Krai - TOKTOK BILONG KRAIS, Papa Santu i tok tu olsem "...dispela bilip long Krai i singautim yumi long kamap trupela witness long soim bilip long wok MARIMARI. Jisas i stap namel long ol manmeri i nogat strong, na ol dispela i stap tarangu. Wok bilong yumi i soim bilip bilong yumi. Sapos i nogat wok marimari, bilip bilong yumi bai i dai."

Husat Ol Tarangu?

Kantri bilong yumi i no painim yet bikpela bagarap wea ol manmeri i sindaun nogut tru. Tasol ol birua bilong graun na ol birua ol manmeri yet i kamapim, planti taim i save wok na bagarapim sindaun bilong planti manmeri. Long ol kain taim olsem, ol pipol i stap nogut tru i save laikim tru helpim bilong yumi long sait bilong kaikai, klos, haus na wara. Strongpela win Justine, strongpela san long 1997, tsunami long Sissano Aitape em sampela bilong ol dispela bagarap i kamap long PNG.

Long ol yia i go pinis, Karitas PNG i helpim ol manmeri i kism bagarap long maunten paia bilong Rabaul long 1994, ol manmeri i stap hangre long Rwanda (Africa), na ol pipel bilong Aitape husat i painim bagarap long bikpela solwara.

Karitas PNG nau i mekim bikpela singaut long ol bisnis ogenaisesen, ol Katolik manmeri na ol narapela kristen manmeri bilong daun pasin long soim marimari na helpim dispela singaut.

Yu ken salim kontribusen bilong yu i kam yusim Tarangu Boks o envelop em yu inap kism long daiosis o long peris bilong yu. Sapos ol dispela boks na envelop i pinis, yu ken salim i kam long Caritas PNG, Westpac Waigani, Account No: 717856801 Yu ken salim tu i kam long:

National Director
Caritas PNG
P.O. Box 6576,
Boroko, NCD
Caritas PNG i salim bikpela tok Tenkyu i go pas long helpim bilong yu Paul Lokei (Mr)
Deputi Dairekta, Caritas PNG



• Ol sampela yangpela manmeri husat i bin kism konfemesen blesing long Bethlem Luteran Sios long Madang las yia.

Pop tok sori

EM i namba wan taim insait long klostu 2000 yia bilong Kristen bilip, wanpela Katolik Pope bilong Rome i askim olgeta pipel bilong olgeta hap bilong graun long pogivim Katolik Sios long ol sin ol Katolik i bin mekim long ol yia i kam inap nau.

Insait long wanpela Misa

long haus lotu bilong Santu Peter long Rome, Pope John Paul II i kaunim ol meri, ol Jews, Gypsies, na ol arapela Kristen bilip manmeri na ol Katolik yet namel long ol arapela lain we ol Katolik sios lida na memba bilong sios i bin mekim rong long ol.

Toktok bilong pope i tok

sori i go long olgeta hap bilong graun, ol i autim long planti ol pulpit bilong ol Katolik haus lotu, insait long ol Misa long ol peris long Sande, na long sem taim ol lida bilong ol arapela husat i bin tok strong long Katolik Sios i mas tok sori long ol rong bilong en i kism dispela

tok sori bilong pope wantaim kain kain tingting.

Tok sori em wanpela bikpela wok misin Pope John Paul II yet i gat laik long mekim kwik insait long ol dispela yia i kam pinis. Pope i gat laik long klinim tingting bilong sios long stat bilong namba tri milenium.

PNGCC no amamas long Gavman

WENCESLAUS MAGUN i raitim

PAPUA Niugini Kaunsel Ov Sios Jenerel Seketeri Sophia Gegeyo i tok ol Kristen Sios i no amamas long Gavman bilong Prais Minista Sir Mekere Morauta long odaim ol long go kibung long Mosbi Park Royal Hotel long Mas 21 i go long 23.

Em i tok pasin Sir Mekere i mekim bilong odaim ol lida bilong ol Kristen Sios long go long kibung insait long wanpela sotpela taim, i soim olsem Sir Mekere i nogat

rispek long ol sios long dispela kantri.

Mis Gegeyo i tok tu olsem ol sios lida i no amamas tu long go long dispela kibung indastri bai kamapim long kantri tasol gavman i no harim toktok bilong ol na i go het na pasim lo bilong kamapim gaming board wantaim tok olsem dispela indastri bai sapatim wok bilong ol sios.

"Mipela i harim planti toktok olsem sampela lain i paulim mani bilong Gaming Board. Mipela i ting Palamen i no kism ripot bilong wan wan yia we ol memba bilong Gaming Board i mekim olsem

long baim Royal Park hotel long holim dispela kibung.

Em i tok ol sios i bin toktok strong tru long ol hevi gaming indastri bai kamapim long kantri tasol gavman i no harim toktok bilong ol na i go het na pasim lo bilong kamapim gaming board wantaim tok olsem dispela indastri bai sapatim wok bilong ol sios.

"Mipela i harim planti toktok olsem sampela lain i paulim mani bilong Gaming Board. Mipela i ting Palamen i no kism ripot bilong wan wan yia we ol memba bilong Gaming Board i mekim olsem

lo i tok ol i mas mekim," em i tok.

Em i tok ol sios i amamas na laik holim kibung wantaim Gavman tasol Gavman i mas bhainim stretpela rot long askim ol long go kibung wantaim ol.

"Gavman i noken givim oda long mipela. Mipela i no ol wok manmeri bilong Gavman. Na tru tumas i noken yusim mipela long yusim pablik mani we bai semim mipela long ai bilong ol pipel mipela i makim," Mis Gegeyo i tok.



Hailans Nius

Asples askim kompensesen long graun bruk long Simbu

JOHN SUPA i raitim

OL bisnis, kastoma na arapela servis na ol wok we i save yusim Hailans Haiwe abrusim Suave long Simbu provins bai bungim hevi long ol de i kam sapos gavman i no stretim graun bruk long Kaso ples klostu long Suave hariap.

askim bilong ol asples ya. Ol asples i laik kisim moa long tausen Kina long graun bruk we i bin kamap bipo na bagarapim ples na ol samting bilong ol.

Ol plisman bilong Simbu na lsten Hailans i go pinis long dispela hap graun i bruk long en tasol ol i no mekim wanpela samting bikos ol i wetim yet ol wokman bilong Woks dipatmen long go het long wok bilong ol.

stap long Kundiawa long baim ol asples.

Goroka plis i bin lusim dispela hap bilong graun bruk na go bek. Ol i tok ol i no inap rausim ol asples long hap bikos Simbu plis fos tu i no rausim ol asples.

Planti ka i bin kamap na stop long Goroka long dispela wik na i wok long wetim yet rot long klia. Planti manmeri na ol liklik pikinini i no inap go long ol arapela hailans provins na ol i go bung sindaun arere long Goroka plis stesin wantaim ol buai bek bilong ol.

Planti stua na ol bisnis long hailans tu i tokaut olsem ol pret bai bisnis bilong ol i no inap gat inap saplai bilong ol bikos ol i save kisim strong long ol kago na saplai i kam long haiwe rot.

Goroka plis i traim long yusim sief inspekta Jimmy Onopia husat i kam long dispela ples long toktok wantaim ol lain bilong em long larim ol mesin i go stretim na kliarim rot.

Opisa bilong Woks i tok ol praiwet kontrakta husat i bin mekim wok pastaim long kliarim rot blok na graun bruk long bipo i no bin kisim pe bilong ol yet.

Asaro grup askim long stapim pait

TUPELA haus lain insait long Asaro veli long lsten hailans provins i singaut long plis Minista Mathias Karani long lukim olsem ol plisman long provins i karimaut wok operesen bilong ol stret.

Dispela singaut i kam long tupela mausman bilong Kambienggu Foindiwe haus lain, Jerry Zaviro na James Genaboro bihainim wanpela wanbel bung wantaim Andafa haus lain las wik Fonde we i no kamap stret.

Dispela wanbel bung inap long pinisim wanpela longpela pait bilong graun we i stap 8-pela krismas ogeta namel long tupela haus lain ya.

Mista Zaviro na Genaboro i tok narapela haus lain ya i bin brukim na tromoi ol poin bilong toktok wantaim ol ajenda bilong wanbel bung. Narapela grup i wanbel long stretim ol toktok tasol narapela grup i no laikim. Olsem na dispela i kamapim moa pait gen. Tasol Mista Genaboro i tok tupela grup i bin laik stretim dispela hevi tasol i gat sampela ausait lain i wok long pusim na bagarapim ol rot bilong stretim dispelea hevi ya.

Mista Genaboro i singautim Mista Karani, memba bilong Daulo Ron Ganarofu na Plis Komisina John Wakon long sekim gut dispela hevi long Goroka bikos i gat toktok olsem ol bisnisman i wok long baim ol plisman long go insait long dispela hevi. Olsem na tupela bikman ya i singaut long ol namel man stret i mas stap insait long dispela bung bilong stretim ol hevi ya.

Tupela i askim long moa plisman i mas go insait long eria bilong ol long was long dispela trabel i no ken go bikpela moa.

Mista Genaboro i tok ol lida bilong tupela sait haus lain wantaim i orait long pinisim dispela hevi tasol sampela lain tasol i wok long kamapim na kisim gutpela samting insait long dispela trabel.

Dispela pait inap go bikpela na kisim Goroka na Simbu wantaim. Mipela i no laikim pait moa. Tupela haus lain wantaim i laikim gutpela sindaun. Olsem na ol memba bilong palamen i mas kam insait long pinisim dispela hevi hariap. Mista Genaboro i tok ol i laikim moa plisman long mekim wok. Mipela i askim Mista Ganarofu long singautim tupela haus lain wantaim long lusim ol samting bilong pait.

Dispela pait i stat long wanpela plentesen graun bilong ol lain Foindiwe haus lain. Wanpela bisnisman i bin kirapim bisnis bilong em i go antap long plentesen we wanpela menesing lokol kampani ol i kolim Goloshua i go pas long en. Dispela lokol kampani i bin askim planti taim long dispela bisnisman i mas rispektim plentesen bisnis bilong ol tasol nogat wanpela samting i kamap. Na dispela i kirapim kros na pait i go bikpela stat long 1991.

Mista Genaboro i tok tupela haus lain ya i bin kamap wantaim sampela gutpela rot bilong stretim trabel ya taim ol i bin sindaun toktok wantaim olupela Deputi Hailans Rijinol Plis Komanda Ludwig Kembu.

Long 1991, mipela i bin gat gutpela sindaun. Nogat pait. Dispela mun tasol, pait i kirap gen. Mipela i singaut long Minista bilong Plis long lukim olsem gutpela sindaun i ken kamap, Mista Genaboro i tok.

Planti stua na ol bisnis long hailans tu i tokaut olsem ol pret bai bisnis bilong ol i no inap gat inap saplai bilong ol bikos ol i save kisim strong long ol kago na saplai i kam long haiwe rot.

Maski Woks dipatmen i stretim dispela graun bruk long rot, ol pipel bilong Kaso papagraun i gat bikpela askim i stap yet long kisim kompensesen long graun bruk we i bin bagarapim ples na ol samting long bipo.

Simbu na lsten Hailans plis fos i no wanbel long ol pipel i blokim rot long dispela kompensesen tasol ol i stap isi na was nogut bai trabel i kamap long dispela

Wantok i askim sapos ol asples i ken larim ol mesin i stretim rot pastaim na bihain ol i ken askim long kompensesen bilong ol. Tasol tupela mausman i tok "ol (Woks dipatmen) i tok olsem na mipela i larim ol long kliarim rot las taim tasol ol i no bin baim mipela yet nau ol mas baim mipela pastaim bai ol i ken kliarim rot."

Wanpela Woks opisa i tokaut olsem i nogat kain mani olsem i

10% DISKAUN Dispela Wik Spesol

Baim Rufin Kapa long ol kain kain sais yu laikim long Carpenters Hardware na bai yu ken...



1kg Rufin nil long nilim kapa bilong yu.



Carpenters Hardware

Port Moresby
P.O. Box 6571
Boroko
NCD
Ph. 325 3655/3700
Fax. 325 3626

Madang Branch
P.O. Box 2100
Madang
Ph. 852 1699
Fax. 852 1482

Rabaul Branch
P.O. Box 1759
Vanapope
ENBP
Ph. 982 1418
Fax. 982 1419

Kokopo Branch
P.O. Box 1759
Kokopo
Vanapope ENBP
Ph. 982 8989
Fax. 982 8984



Madang Nius



Madang kotim Morobe long lukautim Teptep

BEN TAUMAI i raitim

MADANG Provinsel Administresen i kisim Nesenel Kot Oda bilong stapim Morobe Provinsel Administresen long go het na mekim wok long Teptep sab distrik insait long Saidor Distrik.

Dispela pasin i kamap bikos Morobe Administresen i bihain toktok ol i bin pasim

wantaim Madang Administresen insait long wanpela kibung we ol i mas luksave long Teptep olsem hap bilong Madang na i no Morobe na ol i no mas mekim wok long dispela hap.

Distrik Administreta bilong Saidor, Chapau Lili i makim Madang Administresen, na i givim dispela Kot Oda i go long Presiden bilong Yus Lokol Gavman Kaunsel

bilong Kabwum long Mande las wik long Teptep.

Madang Administresen i makim presiden bilong Yus olsem namba wan difenden, Morobe Administresen olsem namba tu difenden, na Memba bilong Kabwum olsem namba tri difenden, na Morobe Provinsel Gavman olsem namba foa difenden.

Dispela Kot Oda em bilong stapim ol long go het na

karim aut ol wok bilong haus na ol arapela infrastraksa developmen. Na tu stapim ol arapela plen na disain bilong presiden bilong Yus long Teptep inap Kot i mekim disisen.

I kam inap nau Madang Administresen i wokim pinis haus bilong wanpela wokman na i klinim graun bilong kirapim Yus Lokol Level Gavman long Teptep.

PNG Redress Asosiesen tenkim Gavman

WENCESLAUS MAGUN i raitim

MADANG brens siaman bilong PNG Redress Asosiesen, Thomas Igam i makim maus bilong Nesenel Siaman Gabriel Laku na olgeta memba bilong asosiesen long Papua Niugini na givim bikpela tok tenkyu i go long Sir Mekere Morauta na Deputi Prais Minista Mao Zeming, wantaim lairo Lasaro na Gavman long sapatim PNG Redress Asosiesen.

Mista Igam i tok PNG Redress Asosiesen i bin stat long 14 Ogos 1994 long Japan taim wanpela Katolik Sista bilong Japan Sista Simiju husat i wok wantaim Katolik Jastis na Pis Komisen bilong Japan i bringim dispela hevi i go long Gavman bilong Japan.

Em i tok long dispela taim Sista Simiju i kam long PNG na kisim Mista Laku wantaim papa bilong en, Peter Kambua i go long Japan long toktok long ol lapun bilong yumi husat i kisim bikpela bagarap long ol ami bilong Japan long Wol Woa II (1942 i go long 1945).

"Tasol i nogat wanpela

gavman i luksave long wok bilong PNG Redress Asosiesen na sapatim ol. Gavman bilong Skate i no bin sapatim ol i kam inap Sir Mekere i kisim gavman long Julai 1999. Insait long dispela 6-pela mun Gavman bilong Sir Mekere i luksave na i sapatim wok bilong ol lapun bilong yumi," em i tok.

Mista Igam i tok Sir Mekere i tok em bai go long Japan long toktok wantaim Prais Minista bilong Japan na Japan Gavman long long stretim dispela hevi bilong ol lapun bilong PNG.

Long dispela as, Mista Igam i askim olgeta memba bilong PNG Redress Asosiesen long stap isi na wetim Gavman.

"Nau wok i stap pinis long han bilong Gavman na olsem yumi mas stap isi na wetim Gavman," Mista Igam i tok.

Mista Igam i gat bikpela wari tru long ol lapun i mas kisim kompensesen mani bilong ol long gavman bilong Japan bikos ol ami bilong Japan i bagarapim nating ol pipel bilong PNG long Wol Woa II.

Madang i gat tripela nupela LLG

MADANG Gavana Jim Kas i tokaut olsem gavman bilong em i makim tripela nupela Lokol Gavman Kaunsel insait long provins long dispela yia. Dispela bai surukim namba bilong ol Lokol Level Gavman (LLG) insait long provins i go antap long 19 olgeta.

Ol dispela tripela nupela LLG em long Kovon long Sangapi long baksait bilong Simbai, Gama namel long Simbai na Bundi insait long Usino/Bundi ilektoret na Nayudo long Teptep insait long Saidor Distrik.

Mista Kas i tok insait long Baset bilong Madang Provinsel Gavman long dispela yia, ol i skelim K155,000 bilong kamapim Nayudo LLG, K105,000 bilong statim Gama LLG, na K170,000 bilong statim Kovon LLG.

Em i tok taim ol dispela LLG i kamap, em bai katim daun de bilong ol kaunsel long ol ples insait long dispela ol nupela LLG long wokaut long planti de na nait long go long kibung bilong ol long ol arapela LLG i stap bipo we ol i bin stap aninit long en.

Mista Kas i tokaut long dispela long las wik Tunde taim em i bin go long Simbai sab distrik long stap insait long kibung bilong Simbai LLG. Ol lain i go wantaim em em long Memba Usino/Bundi George Wan, Memba bilong Raikos Stahl Musa na Arabaka Presiden Joe Maira.

Mista Kas i tokim ol pipel bilong Simbai olsem gavman bilong em i tingting long kamapim narapela tripela



• Nesenel Gavman i tok orait long Environmen Plen bilong Highlands Pacific Limited, pepa bilong Ramu Nikel/Kobalt Main long Madang provins.

moa LLG bihainim Ogenik Lo bikos planti ol pipel baksait long Madang taun i no kisim gavman sevis long longpela taim. Em i tok sapos sampela lain i kisim, em i no inap olsem ol pipel i stap klostu long taun.

Em i tok gavman bilong em i gat tingting bilong kamapim ol dispela tripela LLG bikos ol pipel i stap long baksait bilong Madang taun i no bin kisim gavman savis olsem lo i tok ol i mas kisim olsem ol arapela lain. Em i tok dispela i no bin kamap long planti yia.

Em i tok insait long taim bilong em, em i laikim olgeta pipel bilong provins i mas kisim wankain sevis.

Mista Kas i tok gavman bilong em i bin bihainim lo long kamapim dispela tripela LLG aninit long Ogenik Lo tasol i bin kisim sampela taim long tokaut long dispela bikos wanpela gavman opisa long Mosbi i sindaun antap long dispela proposel long planti mun na i no bin givim i go long NEC na Gavana Jenerel long sainim.

Em i tok em bai go bek long

April 7 long brukim graun seremoni bilong Sangapi na bihain wokim wankain long Gama na Nayudo LLG.

"Taim ol dispela LLG i kamap, yupela i ken mekim ol plen na disisen na makim ol projek we i ken lukautim ol pipel bilong yupela. Yupela bai i gat inap mani we i ken go daun stret long yupela long Nesenel Gavman aninit long dispela nupela Ogenik Lo bilong rifom, bikos provinsel gavman i nogat inap mani nau olsem planti pipel i save ting," Mista Kas i tok.

Ol Simbai kisim salens long helpim ol yet

OL pipel bilong Simbai i kisim salens long noken askim Gavana bilong Madang long helpim ol tumas bikos em i bilong Simbai. Madang Gavana Jim Kas i tokim ol pipel bilong en long dispela long las wik Tunde.

Em i tok olsem gavana bilong provins, em i gat bikpela wok bilong lukautim olgeta pipel bilong provins maskim em i pikinini bilong Simbai. Tasol em i tenkim ol

pipel bilong en long sapatim em oltaim.

"Mi save kisim K500,000 tasol long wan wan yia i no olsem ol Open Memba. Ol i save kisim K1.5 milion. Dispela em i bikpela mani tru na olsem sapos ol i skelim gut dispela mani long ol projek, ating yupela inap long lukim sampela senis i kamap," Mista Kas i tok.

Em i tokim ol pipel bilong Simbai olsem em i save ol i

gat bikpela hevi bilong rot long wanem taim rot i pinis, ol i ken yusim bilong go salim ol samting bilong ol long maket.

"Olsem na yupela ol kaunsel i mas tok strong long ol lokol memba bilong yupela long skelim sampela mani i go long helpim Memba bilong Usino/Bundi George Wan long pinisim rot i go long Simbai," Mista Kas i tok.

Em i tok rot Mista Wan i

wok long mekim pastaim nau i kamap pinis long Ramu Wara klostu long Wanangtri na Apanam. Na i gat liklik hap tasol long hapsait bilong wara we i kos samting olsem K100,000 long pinisim. Taim dispela i pinis, dispela rot bai i go bungim Simbai/Alome rot na i go long Westen Hailens.

Mista Kas i tok em bai helpim long wanem kain liklik we em inap.

Melanesian Faundesen winim turis prais

BETHA SOMARE i raitim

MELANESIAN Faundesen, wanpela turis kampani long Madang husat i save yusim win mani bilong en long helpim ol pipel long ples i winim wanpela Pasifik awod bilong wok em i save mekim long strongim wok turis long Papua Niugini.


Pasifik Asia Turis Asosiesen (PATA) i givim dispela awod long papa bilong Melanesian Faundesen, Peter Barter long Hong Kong long dispela mun.

Melanesian Faundesen em wanpela bilong 5000 arapela kampani husat i

memba bilong PATA tasol em i winim ol long kisim dispela awod.

Mista Barter i tok, Melanesian Faundesen i save kisim mani ol turis i save givim bilong helpim ol pipel long ples. Em i tok dispela mani i no bilong helpim tasol ol pipel Melanesian Discoverer i save go long en tasol ol pipel long ol bus ples insait long Is Sepik na Madang, Trobrian Ailan na tu long Niu Ailan provins.

Em i tok faundesen bilong en i save wok wantaim ol sios long kirapim na ronim ol helt sevis, baim ol buk, sia na tebol bilong ol skul na ol arapela sevis.



Morobe baset stap bek long tupela wik

FRANCO NEBAS i raitm

TOK salens long floa bilong Morobe Tutumang long Trinde aste i surukim taim bilong brukim Morobe provinsal baset bilong dispela yia i go long tupela wik bihain. Totol baset bilong yia 2000 em K85 milien.

Dispela em bihain long wanpela mosen namba tu Praim Minista na memba bilong Tawai Siassi Mao Zeming i muvim long olgeta memba bilong Morobe provinsal asembli i mas lukim gut na stadi gut long dispela baset bikos em i ting baset ya i no gutpela tumas.

Memba bilong Makam na Minista

bilong Kalsa na Turism Andrew Baing tu i wanbel na sekenim dispela mosen we vot i kamap na 19 memba i vot long surukim baset i go long tupela bihain. 18 memba i vot long brukim baset long aste.

Long wankain taim tu Tutumang i bin go egensim Gavana Luther Wenge long makim olpela sief ov staf bilong em Bob Dadae olsem siaman bilong Fainens.

Tutumang i tok Mista Dadae i no wanpela kaurvil o memba we i winim ileksen na i stap insait long asembli.

Tutumang i saspem long 20 minit we Spika i go kism tok stia long loya long dispela samting. Evais i kam

long loya i tok dispela ol i no brukim lo olsem na toktok bilong baset i ken go het.

Memba bilong Menyamya Thomas Pelika i tok pait wantaim Gavana Luther Wenge olsem dispela provinsal baset i no gutpela bihain long mosen i muv long putim baset i go bek long tupela wik bihain.

Memba bilong Lae na Minista bilong Trenspot Bart Philemon i tokaut long taim bilong baset bai pas long Mas 31.

Tasol Spika i tok mosen i pas pinis we Tutumang bai bung gen bihain long tupelea wik.

Mumeng Bulolo rot bai op tude

PLENING na Monitoring Minista Moi Avei bai opim Mumeng Bulolo rot long Fonde tude. Dispela rot wok em gavman bilong Japan yet bin putim mani we kos olsem K34 milien.

Rot wok ya i olsem nambawan rot stret insait long kantri. Arapela K28 milien bai ol i putim long stretim kamap Bulolo na Wau seksen haiwe rot.

Wanpela kampani bilong Saina i bin winim pinis dispela kontrak na i wok long kism ol yut long Mumeng na Bulolo long wok long rot.

Planti ol komyuniti i stap long Mumeng Bulolo na Wau i amamas tru long lukim dispela rot i pinis we bai kamapim gut gen ol bisnis long eria.

Bulolo taun Meya Edward Ringao i tok dispela nupela rot bai givim sans long lukim taun i kamap gut gen. Bulolo long taim bilong ol koloniel o waitman i gat nem long planti ol balus i save go pundaun tasol nau long dispela taim, em nogat.

Samting olsem 6000 man-

meri i stap long liklik taun bilong Bulolo na planti bilong ol i holim yet ol nem ol waitman i givim long bipo.

Ringao i tok taun bilong Bulolo i bagarap long sampela yia i go pinis long ol raskol pasin tasol em i ken kamap gut gen.

Em i tok mipela ken kamapim gut taun wantaim ol nupela investmen na bisnis i kam insait wantaim gutpela lo na oda.

Distrik edministrata Bart Ipambonj i mekim wankain toktok olsem Lod Meye i tok.

Minista bilong Pleding Moi Avei bai opiseli opim dispela rot tude.

Ol arapela lain husat bai kamap tu em, Minista bilong Woks na memba bilong Finsafen Alfred Pogo.

Memba bilong Lae na Minista bilong Sivil Eviesen Bart Philemon, Bulolo memba Samson Napo Morobe Gavman Luther Wenge, Woks Seketeri Yaip Teine na Japan AEmbasa Tatsuo Tanaka bai kamap.

Huon distrik kamapim 5 Yia Plen



• Memba bilong Huon Gaip Tukape Masani i rausim karamap long sain bilong Morobe distrik 5 Yia Plen long Salamaua las wik. Foto: Franco Nebas.

PIPEL bilong Huon distrik long Morobe provins i mas wokbung wantaim sapos ol i laik lukim tru kaikai long pipel faiv yia developmen plen bilong ol. Namba tu Edministrata bilong Morobe provins Manasupe Zurenuoc long open de bilong faiv yia plen long Salamaua las wik i salensim ol pipel long bihainim ol rot long mekim dispela plen i wok gut.

Em i tok long mekim kamap dispela rifom sistem long provins. Em i stap long han bilong yupela ol pipel yet. "Dispela ol plen i stap long han bilong yupela ol pipel yet long mekim em kamap gut," em i tok.

Em i tok plen i kam wantaim mani na mas bihainim gutlong karim

kaikai. Zurenuoc i tok, nesanel gavman i nau luksave long ol liklik pipel long ples lon g mekim ol disisen we em bai i givim pawa i go long ol long mekim disisen na givim aut mani long ol pipel.

Em i tok, faiv yia plen i no bilong ol lida, kaunsila o memba, em bilong yupela yet. Yupela mekim na mas bihainim.

Em i tok dispela rifom sistem nau i mekim wok isi long mani i kam long nesanel levul i go stret lon g komyuniti levul. Mista Zurenuoc i salensim ol lida long skulim gut ol pipel bilong ol long dispela rifom.

Em i kam bek gen long yupela lida yu mas skulim gut ol pipel we ol i ken

save wanem samting i kamap lon g komyuniti. Em i tok long bipo nesanel gren i go long provins em liklik tasol planti developmen i save kamap.

Tasol long dispela taim em bikpela tru, aninit long Rifom Nesanel Gren i kam long provins em K45 milien we em i planti mani tru. Long 1980 na 1995 Nesanel Gren go long Morobe em K3.5 milien. Sapos dispela mani yumi yusim gut bai lukim planti ol developmen i kamap, em i tok.

Long 1990 na 1995 nesanel gren i go long Morobe provins K3.5 milien na nau aninit long Rifom, Morobe i kism K45 milien.

Ol mama lainim long lukautim kaikai

Samting olsem 33 mama insait long ol distrik long Morobe provins long las wik i pinisim wanpela woksop na kism setifikate.

Dispela wan wik woksop em FAO yet i sponsarim long lukim ol mama i kism skul long gutpela rot o we long lukautim kaikai.

Man i go pas long FAO Dokta Chris Dekuku i tok dispela kos em long helpim ol mama long luksave long ol kinkain kaikai we i gat o kinkain wok o helpim long ol.

Em i tok, planti bilong yumi save long kaikai tasol i no save long ol arapela rot dispela kaikai i ken helpim yumi.

Long dispela as mipela kamapim dispela woksop long lukim ol mama i ken luksave long wok bilong ol kaikai.

Morobe provinsel wimen kaunsel presiden Enike G Chiru i tok bikpela amamas i go long FAO long kamap wantaim dispela woksop.

Em i tok planti mama nau i luksave long ol kinkain we o rot long mekim kamap gutpela ol kaikai.

Dispela woksop em i nambawan tru long wanem em i helpim ol mama lainim planti nupela stail long mekim kaikai.

Em i tok insait long 9-pela distrik long provins, i gat 28 lokol level gavman kaunsel wimen asosisen presiden.

I gat tupela meri long wan LLGC save karim maus bilong ol dispela lain na insait long 38 LLGC i gat 477 wod grup we sampela bilong ol i no kamap klia yet.

Em i tok mipela i traim bes long panim ol dispela grup tasol hevi bilong mipela em long fans.

Em i singaut long gavman long putim moa mani i go insait long Hom Afes Dipatmen we ol i ken traim helpim ol dispela mama.

Yupela i mas save olsem ol mama i stap na save gat kaikai, nogat yupela i no inap gat kaikai, em i tok.

Em i tok long dispela as, gavman bilong Morobe mas traim gat luksave long DAL na divisen bilong HOm Afes long givim moa fans i go long dispela tupela divisen.

Long wanem dispela tupela divisen em i save wok wantaim laip bilong ol man. Sapos nogat kaikai na gutpela we long lukautim kaikai bai yumi kism bagarap.

Misis Chiru i singaut strong tu long Morobe Gavman long raim givim sapot long helpim ol mama kamapim nupela risos senta bilong provinsel wimen kaunsel.

Long wankain taim tu Morobe wimen asosisen i lon-sim nupela agrikasa program bilongol.

Planti samting bai kamap long Lae

LAE siti long dispela wiken bai lukim planti samting tru i kamap.

Bikpela samting tru we bai pulim planti pipel long Lae na ausait i kam em PNG Trade Fair we bai kamap long Sir Ignatius Kilage Stadium.

Long dispela taim tu bai Praim Minista bilong kantri Sir Mekere Morauta bai kam opim nupela Umi Bris long Makham ausait long Lae.

Sir Mekere tu bai stap long witenim Trade Fair opening.

Arapela bikman tu bai kamap long dispela taim em Minista bilong Tred na Industri Michael Nali na arapela gavman opisel.

Dairekta bilong Trade Fair Jean Westercross i tok dispela mun i bin bisit taim bilong em i traim long stretim ol samting bilong dispela so.

Long dispela wik ol kampani putim las wok bilong ol long stretim ol samting bai ol i putim long so.

Long wankain tu bal greduesen bilong Yunivesiti bilong Teknoloji long Lae.

Ol Hotel na Ges Haus i pulap pinis long ol visita i kam insait long lukim ol dispela samting we bai kamap long Lae.

SAUTEN RIJON

Sia bilong Sentrel Gavana i hot yet

YAKAM KELO i raitim


PAIT bilong senisim Gavana bilong Sentrel Provinsal Gavman i wok long go het yet bihain long Gavana Opa Taureka i stapim asembli kibung long las wik. Gavana i bin stapim kibung bikos i nogat inap namba bilong ol memba long holim asembli bung. Dispela pait i stap namel long Mista Taureka na Sentrel rijinol memba Ted Diro.

Tasol ol sapota na provinsal memba husat i sanap wantaim Ted Diro i tok dispela em wok bilong Gavana long kamapim namba bilong mekim miting i kamap.

Bikos ol i olsem gavman sait gavman i mas kamapim namba olgeta taim long larim ol asembli miting i go het.

Dispela asembli miting long las wik tu inap kamapim bikpela salens bilong vot i nogat bilip long Gavana Opa Taureka.

Ted Diro i wok long toktok strong long kisim bek dispela sia bilong Gavana bilong Sentrel Provinsal Gavman bihain long Praisin Ministri Sir Mekere Morauta i bin rausim em long Ministri bilong wok Agrikalsa na Laivstok. Mista Diro i bin Gavana bipo long 1997 i kam inap taim Sir Mekere i kisim gavman long las yia Julai, na i makim



•Ted Diro

Ted Diro olsem Agrikalsa na Laivstok Ministri.

Mista Diro i tokaut olsem nau em i no laikim nesanel politiks moa na i laik wok tasol long Provinsal Gavman level.

Mista Diro i gat ol arapela nesanel lida bilong Sentrel provins olsem Moi Avei, Ajax Bia na Kilroy Genia i stap wantaim em na ol arapela provinsal memba.

Tasol ol arapela sapota na lain bilong Gavana Opa Taureka i tokaut olsem pasin Ted Diro i mekim olsem wanpela hangre man tru long pawa. Em i go pinis long nesanel politiks olsem na em i mas stap long hap na pait long

interes bilong Sentrel provins long nesanel level. Na larim provinsal politiks i stap long han na lukaut bilong ol kaunsil lida long provinsal level.

Gavana Taureka i no tokaut klia long wanem taim bai Sentrel Provinsal Gavman bai holim asembli kibung bilong ol gen.


Tasol ol sapota na lain bilong Mista Diro i tokaut olsem las wik miting i soim klia olsem Gavana Taureka i nogat namba long lukautim gavman bikos ol i no soim dispela namba long las wik miting. Olsem na ol i mas givim rum nau long lain bilong Diro i go insait na lukautim gavman bilong provins.

Plis prosekyuta tok i gat inap evidens long kotim Bill Skate

KOT disisen bilong NCD rijinol memba Bill Skate bai kamap long neks wik Fonde bihain long longpela taim kot salens long sas bilong insurens mani i paul i bin kamap namel long Mista Skate na Plis.

Loya bilong Mista Skate, Alois Jerowai i tokim kot long dispela wik olsem plis i mas soim evidens pepa bilong insurens mani i paul wantaim sek pepa we i ken soim dispela mani i go long wanem hap.

Tasol loya bilong plis, Thomas Eluh i tokim kot olsem dispela sas bilong Bill Skate igat inap evidens na ol dispela evidens inap long sanapim Mista Skate long Nesanel Kot.



• Bill Skate

Long neks wik tu bai kot i tokaut long narapela sas bilong

Mista Skate we plis i tokaut olsem em i bin laik paulim K5000 bilong Nesanel Kapitel Distrik Komisnin (NCDC).

Dispela kot i stap longpela taim i kam na long neks wik Fonde bai kot i tokaut long olgeta ripot na toktok em i harim na tokaut long wanem disisen kot i kamap wantaim.

Bill Skate em rijinol memba bilong Nesanel Kapitel Distrik (NCD) na i bin Gavana bilong NCDC long 1996 inap 1997 taim em i kamap Praisin Ministri bilong Papua Niugini. Long 1998 Julai, em i bin risain long sia bilong Praisin Ministri na nau i stap olsem Oposisen lida long nesanel palamen.

Rot bilong Motu Koita i no klia long rifom, loman i tok

MOTU Koita Kaunsil insait long Nesanel Kapital Distrik i nogat dispela luksave olsem em i save gat bipo.

Dispela luksave i kamap taim wanpela biknem loya na lo tisa bilong Yunivesiti, Eric Kwa i tokaut olsem strong na pawa bilong Motu Koita kaunsil i no sanap klia. Pawa bilong skelim mani i go long mekim wok developmen na sevis, pawa bilong i gat moa mausman long NCDC na baset bilong ol tu ino klia moa. Ol i lusim strong na luksave bilong ol.

Mista Kwa i tok long bipo Motu Koita kaunsil i save gat 10-pela kaunsil memba insait long NCDC o asembli long makim maus bilong ol pipel bilong ol. Bikos Motu Koita i stap insait long Mosbi siti we planti bikpela wok bilong gavman i sanap long graun bilong ol, ol i save gat luksave long toktok long wanem kain hevi na sindaun bilong ol.

Mista Kwa i tok nau Motu Koita kaunsil i gat tasol tripela mausman long NCDC na dispela i daunim tru

planti samting ol inap kisim long lukautim ol.

Em i tok long skelim wok bilong rifom i go long Motu Koita kaunsil eria, i nogat luksave nau long wok administresen bilong ol bai kisim sapot long sevis na helpim olsem wanem. Bai amamas mani ol i ken kisim long baset bilong ol na husat i gat pawa long kisim dispela mani bilong Motu Koita kaunsil. Ol dispela samting i mas klia bikos planti bikpela developmen na sevis bilong kantri na NCDC i sanap antap long graun bilong ol dispela lain.

Mista Kwa i tok strong olsem i mas gat luksave nau na glasim gen lo bilong rifom long luksave wanem kain rot em Motu Koita kaunsil na ol pipel bilong em i stap long en na ol sevis na developmen bai go long ol long wanem kain rot.

Insait long NCD i gat tripela ilektoret we i karamapim Mosbi Not Is, Mosbi Saut na Mosbi Wes. Motu Koita i stap insait tu long NCD wantaim ol dispela tripela ilektoret.

Sauten rijon bai kisim moa ren na hai wara

BIKPELA ren we i kamapim hai wara na solwara long kirap i bin kamap long hap bilong Westen provins na sampela hap bilong Milen Be provins long las tupela wik. Na dispela i soim sain long Mosbi na Sentrel provins we hai wara i kirap na karamapim ol samting na ples. Ausait tasol long Mosbi long stesin ol i kolim Laloki, ren i kamapim bikpela hai wara na karamapim pinis ol


gaden kaikai na ol ples ol manmeri bai raun long en na mekim wok.

Nesanel Weda Opis long Mosbi i tok sampela taim bihain bai i gat ol bikpela ren na hai wara i kirap bikos ol graun nau long Sauten rijon i gat wara aninit pinis long taim bikpela ren i wok long pundaun sampela taim i go pinis.

Ripot i tok tu olsem Bomana

haus kalabus i bungim hevi pinis long hai wara igo insait long ples slip na ol eria bilong haus kalabus na ol woda i bin mumiv ol kalabus lain i go long narapela banis we i antap na drai long wara i go.

Weda opis i tok bai i gat ren i pundaun yet long Mosbi siti na ol arere stesin ausait long siti bikos long kirap bilong wara long Westen na Milen Be provins.



Roots Rice 10kg	K11.72
Roots Rice 1kg	K1.27
Ox & Palm Taper 340gr	K3.19
Plain Flour 1kg	K1.22
Maggie Noodles 85gr	K0.45
Sanitarium Weet Bix 375gr	K3.90



Arrow Beef Cracker 85gr	K .40
Fabulous Corned Beef 340gr	K2.99
Globe Curry Chicken 300gr	K2.70
Sunshine Liquid Milk 11lre	K1.50
Ilimo Kwikkai 900gr	K4.98
Ilimo Choice pieces 900gr	K5.38

Planti moa kaikai prais i go daun long en!

Ph: 325 7566, 325 0863 Fax: 325 7096

NESENEL WIMENS DE

Mak bilong developmen bilong ol meri long PNG

Long makim Nesenel Wimens De bilong yia 2000 long Mas 24, YWCA i givim dispela ol toktok.

MAK bilong developmen bilong ol meri insait long Papua Niugini i stap aninit long ol narapela kantri yet bikos long pasin tumbuna we ol meri i nogat namba.

Tasol yumi ol meri bilong Papua Niugini i no ken larim dispela pasin tumbuna i pasim yumi long mekim ol samting yumi laik mekim long laip bilong yumi bai yumi i ken kamap tru.

Maski i gat sampela meri husat i mekim na sindaun bilong yumi i no gutpela, dispela em ino min olsem yumi ol meri i birua long wanpela narapela. Nogat dispela i min olsem i gat bikpela resist tru long yumi ol meri imas sanap na soim olsem yumi tu i gat namba.

Yumi ol meri i ken kamap na maski i hat long painim ol sans long putim nem bilong yumi antap yumi mas putim yet long kisim strong, kamap lida na mekim ol disisen insait long famili, komyniti na kantri bilong yumi.

Krai bilong yumi ol meri bai kamap long nupela mileniyum na inap long taim ol man bilong yumi bai senisim ol tingting bilong ol bai yumi i ken lukim sampela senis.

Ol man bai tingting planti long wanem? Bikos ol i stap olsem het, ol i stap olsem ol lain husat i save makim disisen.

Ol sampela bikpela samting i stap pasim go het bilong ol meri insait long Papua Niugini em long ol Meri insait

long ples bilong wok, Pait egensim ol meri, Ol meri i nogat politikel sapot, na ol ino nap long mekim didisen long pasin bilong gutpela helt na karim ol pikinini.

• Ol meri insait long wokfos (ples bilong wok)

Insait long 1990 nesenel senses 47 pesen bilong ol meri long Papua Niugini i stap olsem ol sabsistens fama, ol i kamapim kaikai bilong ol wantaim ol famili bilong ol long kaikai na ol meri bilong painim ol pis. Ol dispela meri i save moa long dispela wok bilong ol tasol laip bilong ol i no kamap gut yet na i gat planti ol risen i stap.

These women are experts in their own right yet their lives have not improved for many reasons.

• I nogat ol gutpela rot bai ol i ken karim ol kaikai bilong gaden na pis i go long maket long salim na kisim liklik mani. Ol maket i stap long we tumas long ol ples bilong ol na pe bilong trenspot i antap tumas.

• No gat gutpela treining bilong ol dispela meri baiol i ken kamapim moa long ol dispela kaikai na developim ol dispela industri.

• Planti pipel insait long ol ples i no kisim gutpela helpim. Planti long ol rot i no gutpela na ol kar i no nap long ron long ol.

• Long ol hauslain bilong ol ol meri istap bilong kamapim na lukautim ol pikinini tasol.

• Planti ol inopmesen bilong developmen i save go long ol man husat i no save mekim ol gaden na kamapim ol kaikai.

Insait long fomol sekta yu bai painim samting olsem foa pesen bilong wokfos, 38 pesen bilong ol i ken mekim ol pepa wok bilong opis, 19 pesen i stap olsem ol save meri na 14 pesen i stap olsem sevis woka.

I gat ol narapela meri husat i stap antap tasol ol i no stap long hap bilong tokaut long wanem samting i mas kamap.

Planti long ol meri insait long ol bikpela kampani tu i no nap yet long mekim ol disisen bilong ol yet. Planti i luksave pinis olsem ol man husat i stap holim pawa i no laik larim ol meri i kisim ol dispela wok, olsem na ol meri i kamap olsem ol i nogat namba.

Long dispela as yumi lukim olsem namba bilong ol meri bai kamap moa yet sapos ol man i senisim ol tingting bilong ol na givim gutpela sapot.

Long nau yet insait long edukesen sistem yumi lukim planti pikinini meri i mekim gut tru na i kisim gutpela save na ol bikpela meri i stap antap i mas givim helpim na sapot long ol dispela pikinini bai ol i ken go het moa wantaim skul bilong ol.

Tasol gavman i mas luksave long dispela na helpim tu.

• Ol meri long politiks

Long sait bilong politiks ol meri i painim hat tru namba bilong ol meri i stap tambolo tru. I gat tupela meri memba tasol insait long palamen bilong Papua Niugini.

Long ol narapela level olsem insait long provins na long lokel level gav-

man yumi lukim sampela meri.

Long taim bilong ileksen tu ol meri i nogat sans long makim wanem meri ol yet i laikim, nogat ol man i save laik tokim ol long makim long laik bilong ol (man) na dispela i no gutpela.

Ol meri i mas lukluk strong nau long helpim ol yet insait long resist bilong politiks. Ol yangpela i mas soim moa interes long stap insait long ol politikel pati na sanap makim maus bilong ol meri insait long Papua Niugini. Ating nau yumi mas luksave pinis husat i wok hat na husat i mekim gut wok na ino giaman nabaut, ol man o ol meri.

• Pait egensim ol meri.

Dispela em i wanpela bikpela as tru long stapim ol meri long edvens na mekim olsem laik bilong ol yet na em i wanpela bikpela asua insait long Papua Niugini.

Planti ol meri insait long Papua Niugini i stap aninit long ol kainkain hevi olsem wantaim ol man, insait long famili na long ol ples bilong wok tu.

Olgeta de yumi harim long ol nius ripot olsem wanpela meri i kisim sampela kain bagarap long ol man. Nogat wanpela samting i kamap long stretim dispela hevi na planti taim ol i tok em rong bilong mipela ol meri long werim ol klos i soim ol sampela hap bodi bilong mipela o mipela i askim long dispela birua.

Dispela pasin bilong ol man long bagarapim meri em i soim olsem ol

man i laikim strong bilong ol i mas stap long ples klaia.

Mipela i ting olsem gavman i slek tru long mekim sampela samting long helpim mipela.

Nau yet sapos ol meri i laik kisim sampela helpim olsem painim ol ligel sevis nabaut i gat foapela grup:

• Ol bisnis meri husat i gat mani na ol i ken baim ligel sevis.

• Ol save na wok meri husat i kisim samting olsem K5000 na ol i ken mekim nambawan pemen long kisim ligel sevis tasol bihain ol bai painim hat na giv ap.

• Ol wok meri husat i kisim samting olsem K500 na go daun na ino nap long baim ligel sevis.

• Ol meri husat i no gat wok. Ol mama bilong ol ples ol setelmen husat i nogat save long ol dispela rot bilong kisim ligel sevis.

Maski ol ligel sevis na ol kot istap long helpim ol meri, kos bilong ol i moa yet na hat tumas long ol meri long painim mani long kisim ol dispela sevis.

Long Papua Niugini tu dispela pasin bilong pe bek i stap na ino helpim dispela sindaun bilong ol meri. Planti taim ol meri i kisim taim aninit long dispela pasin.

Long dispela taim yet bai yumi askim olsem wanem tru na bai yumi i kem helpim ol meri long kamap moa na i gat namba long kantri bilong yumi Papua Niugini?

STORI BILONG RUT

Ol famili bilong Naomi i dai long kantri Moap

Taim ol hetman i bosim ol Israel, bikpela hangre i kamap. Na wanpela man bilong taun Bethehem, long hap bilong lain Juda, em i go i stap sampela yia long kantri Moap. Dispela man i go wantaim meri na tupela pikinini man bilong en. Nem bilong dispela man, em Elimelek, na nem bilong meri bilong en, em Naomi, na nem bilong tupela pikinini bilong en, em Malon na Kilion. Ol i bilong lain Efrata, na ol i kam long taun Bethehem long hap bilong lain Juda. Ol i go sindaun long Moap tasol Elimelek i dai, na Naomi tasol i stap wantaim tupela pikinini bilong en. Bihain tupela pikinini i maritim tupela meri Moap. Nem bilong tupela meri, em Orpa na Rut. Ol i stap inap 16-pela yia samting, orait Malon tupela Kilion i dai tu. Nau Naomi wanpela tasol i stap. Man bilong en wantaim tupela pikinini bilong en ol i dai pinis.

Rut i mekim gutpela pasin long Naomi

Naomi i harim tok olsem, Bikpela i givim pinis gutpela taim bilong kaikai long ol manmeri bilong en. Olsem na em wantaim tupela tambu meri bilong en ol i redi long lusim hap bilong Moap.

Naomi wantaim dispela tupela meri ol i kirap na ol i go bek long graun bilong lain Juda.

Tasol ol i stap yet long rot na Naomi i tokim tupela olsem, "Yutupela i bin mekim gut long mi na long ol dispela man i dai pinis, na olsem tasol bai Bikpela i ken mekim gut long yutupela. Na bai Bikpela i ken helpim yutupela na yutupela i ken marit gen na yutupela i ken i stap gut."

Naomi i gutbai long tupela meri, tasol tupela i krai nogut tru, na i tokim Naomi olsem, "Nogat. Yumi olgeta i go bek long lain bilong yu."

Tasol Naomi i tok, "Mobeta yutupela i go bek.

Tasol Rut i tok, "Yu no ken tokim mi long lusim yu na yu no ken pasim mi long i go wantaim yu. Olgeta ples yu go long en, mi tu bai mi go long en. Olgeta ples yu stap long en, mi tu bai mi stap long en. Lain bilong yu bai i kamap lain bilong mi. Na God bilong yu bai i kamap God bilong mi. Ples yu dai long en, mi tu bai mi dai long en, na ol i ken planim mi long dispela ples. Mi no ken larim wanpela samting i brukim mitupela. Dai tasol i ken brukim mitupela. Tru antap, sapos mi no bihainim olgeta dispela tok nau mi mekim, orait God i ken mekim save tru long mi." Naomi i lukim Rut i strong tumas long i go wantaim em, olsem na em i no gat tok. Na tupela i wokabaut i go kamap long Bethehem.

Tupela i kamap long Bethehem long taim bilong katim rais bali.

Boas em i wanpela bikman bilong lain bilong Elimelek, em man bilong Naomi bipo. Orait Rut i kirap na tokim Naomi olsem, "Mi laik i go long gaden na bungim ol het bilong rais bali, ol man bilong katim i lusim i stap. Sapos ol wokman i orait, bai mi bihainim ol na bungim ol pikinini bali."

Boas i mekim gutpela pasin long Rut

Orait Rut i go long gaden na i bihainim ol wokman na i wok long bungim ol het bali i pundaun i stap. Em i no save olsem, dispela em i gaden bilong Boas, wanblut bilong



Elimelek.

Boas i lusim Bethehem na i kam kamap long ol wokman bilong en, na em i tok gude long olsem, "Bikpela i ken i stap wantaim yupela." Na ol i bekim tok olsem, "Bikpela i ken mekim gut long yu." Na Boas i askim bosman olsem, "Dispela yangpela meri i bilong wanem lain?" Bosman i bekim tok olsem, "Dispela em i meri bilong narapela ples i bin kam wantaim Naomi. Tupela i lusim Moap na i kam."

Na Rut i brukim skru na putim pes i go daun long graun na i tokim Boas olsem, "Mi meri bilong narapela ples. Olsem wanem na yu lukluk long mi na yu mekim gut long mi?"

Boas i bekim tok olsem, "Mi harim tok pinis long olgeta samting yu bin mekim long tambu mama bilong yu taim man bilong yu i dai. Na mi save, yu lusim papamama na ples bilong yu, na yu kam i stap wantaim ol lain manmeri yu no bin save long ol bipo. Yu bin kam long God, Bikpela bilong Israel, bilong em i lukautim yu. Na em i lukim pinis olgeta gutpela pasin yu bin mekim na em i ken givim gutpela pe long yu. Em i kem givim yu planti gutpela samting."

Naomi i laik painim man bilong Rut

Naomi i tokim Rut olsem, "Tambu, harim. Mi mas painim wanpela man bilong maritim yu na lukautim yu bai yu ken i stap gut. Na bihain Boas i tokim ol hetman na ol manmeri olsem, "Yupela olgeta lukim. Pastaim Naomi i holim olgeta samting bilong Elimelek na Kilion na Malon. Tasol nau mi baim pinis dispela olgeta samting. Na mi gat wanpela tok moa. Mi laik kisim Rut bai em i kamap meri bilong mi. Rut em dispela meri Moap Malon i bin maritim, na Malon i dai na lusim em. Mi laik maritim Rut, na hap graun bilong Malon bai i stap long lain bilong en."

Rut i karim tumbuna pikinini bilong Naomi

Orait Boas i maritim Rut, na Bikpela i mekim gut long tupela. Rut i gat bel na bihain em i karim wanpela pikinini man. Na ol meri i tokim Naomi olsem, "Litimapim nem bilong Bikpela. Nau em i givim wanpela pikinini man long yu. Dispela pikinini em i tumbuna bilong yu na em bai i lukautim yu. Em i ken kisim biknem long ol lain bilong Israel. Tambu bilong yu i laikim yu tumas, na yu save laikim em tu. Sapos yu bin i gat 7-pela pikinini man, yu no inap laikim ol olsem yu save laikim dispela tambu meri bilong yu. Olsem na dispela pikinini man nau em i karim, em bai i helpim sindaun bilong yu na was gut long yu long taim yu kamap lapun."

Orait Naomi i kisim pikinini na i holim em klostu na lukautim em. Ol meri bilong dispela ples i tok, "Naomi i holim pikinini man pinis." Na ol i givim nem long pikinini na ol i kolim em Obet. Na bihain Obet i kamap papa bilong Jesi, na Jesi em i papa bilong Devit.

Liklik hap stori bilong Rut

Bible House Koke
P.O. Box 335, Port Moresby
Phone: 321 7893 - Facsimile: 321 4544



6 Street, Lae
P.O. Box 1017
Phone/Fax: 472 4849

NESENEL WIMENS DE

Nupela de i stat

BARBARA MASIKE i raitim

NUPELA de i stat. Taim kakaruk i kra i isi tasol kirap na i kam aut long ol saksak na kunai haus bilong ol long redim ol wok bilong narapela nupela i de taim. Ol mekim paia, na smuk bilong paia i go antap na korpela win bilong moning i hat. Ol meri bilong ol ples insait long Papua Niugini i kirap gen long narapela nupela de. Ol i save planti wok i wetim ol i stap.


Long narapela ples olsem taun, ol narapela meri tu i kirap isi tasol taim kra i bilong alam klok i pairap.

Ol i kirap na putim sampela wara long stov o ol bai putim wara insait long jag bai i boil.

Wanem kain ples ol i stap long em na wanem kain sindaun bilong ol. Ol meri bilong Papua Niugini na tu long dispela graun i gat planti wok long mekim long wanpela de.

Ol meri long ol ples, maski em gat ol klos, sospen na ol narapela samting bilong wasim istap long wara i stap long we long haus, em mas go raun long gaden bilong em tu long planim kaikai na sapos em i gat sampela pik long lukautim, em mas givim kaikai long ol tu ya.

Em mas kisim paiawud tu na em mas gat inap kaikai long haus bilong ol hauslain bilong em, nogut ol i go



• Wanwan ol meri long PNG i wokim ol kain wok we ol man tasol i save holim olsem dispela tupela meri.

hangre. Sapos i gat planti kaikai, em bai salim long maket na kisim liklik moni.

Tasol pastaim long olgeta samting em mas mekim kaikai bilong moning

bilong ol pikinini, man bilong em na ol narapela hauslain. Ating long dispela de namel long olgeta wok bilong em em bai pulim olgeta pikinini wantaim em. Tasol sapos i gat sampela

lapun i stap bek long ples, orait ol pikinini i ken stap bek long ples na em bai mekim ol wok em yet.

Long ples long taun, ol narapela susa bilong em tu i wok long redi long

mekim ol wok bilong ol. Ating ol i gat ol samting olsem ol masin long helpim ol long wasim ol klos.

Na ol no inap long tuhat na mekim paia, nogat stov i stap ol bai kuk long em.

Tasol wanpela samting em, maski wanem hap ol meri i stap, ol i gat planti wok long mekim tu i stap.

Long wanem ol i stap ol meri i save mekim ol samting i kamap.

Ol i planim ol gaden ol i lukautim ol gaden na taim kaikai i kamap ol i amamas long kaikai wantaim ol lain bilong ol.

Ol meri i stap olsem ol lain bilong go tasol, ol i stap olsem ol lain bilong mekim ol samting i kamap na ol i stap olsem ol lain bilong kisim ol samting i kam klostu.

Maski wanem samting ol i mekim ol i putim kaikai long tebol na famili i kaikai.

Taim ol pikinini i kisim bagarap ol mama i save kra i wantaim ol, taim ol i amamas ol mama i save lap wantaim ol.

Ol i save kis long dispela liklik so long pinga bilong yu na em bai orait tasol na taim bel bilong yu i hangre ol i givim yu long kaikai na bel bilong yu i pulap na taim nek bilong yu i drai ol i givim yu long wara na yu dring.

Long olgeta hap bilong graun na wol, ol meri i lukautim ol famili na ol i stap olsem tasol.

I gat ol planti narapela de we yu ken amamasim ol meri na ol mama olsem Mothers day o long betde bilong ol.

Tasol long dispela Fraide em i Nesenel Wimens De na yumi laik tok hepi nesenel de i go long olgeta meri insait long Papua Niugini.

God blesim olgeta meri na mama insait long Papua Niugini long dispela nesenel de bilong ol.

ADVETESMEN



Opis bilong Memba bilong Kokopo open
Tuktok bilong Memba bilong Kokopo
(Rt. Hon. Sir Rabbi Namaliu, KCMG, MP)

Long makim National Women's Day 24th, 2000

Kantri mas luksave long ol wok bilong ol meri

Wanpela bikpela wok em PNG i wok long bungim long nau em long larim bambai ol meri long wokim ol samting wankain olsem ol man long olgeta kain sindaun bilong mipela.

National Womens Day long wanwan olgeta yia em save kamap long luksave long ol samting em ol meri i wokim na long tingting strong long wokim bambai olgeta meri long olgeta hap bilong graun i ken wokim ol samting wankain olsem ol man olsem long skul, wok, bisnis, spot, long laip long komyuniti and bikpela tru long olgeta level bilong gavman.

Long Papua Niugini long Independence i kam inap na, i no gat gutpela samting em i bin kamap long ol meri long PNG.

Ol namba bilong ol meri long pablik opis, nesenal, provinsal, komyuniti na gavman level, long wok na long ol samting olsem long bisnis, long skul em ol bikpela skul, long spot and no long ol arapela samting long komyuniti i wok long stap liklik yet.

Long PNG, wok bilong kirapim ol meri emi i no bilong wokim bambai ol i ken lus tingting long wok tru bilong ol. Nogat. Ol meri em bikpela samting long laip insait long famili na ol narapela samting tu.

Ol meri i ken wokim bikpela samting long halivim

kantri na ol wanwan komyuniti. Taim ol wok olsem, ol i no inap bagarapim ol lus tingting long wok bilong ol insait long famili na haus.

Tru sapos mipela larim ol meri long go pas long ol sampela wok bilong kantri, ating dispela bai strongim famili na tu bai mipela i respektem ol moa.

Wanpela bikpela pasin em save kamap long meri na i bagarapim tru ol em long pasin bilong pulim meri na ol narapela wankain pasin em save kamap insait long ol taun na long komyuniti bilong mipela.

Ol kot i mas traim long mekim save gut long ol kriminol husat i save bagarapim ol meri na i no ken givim liklik mekim save long ol.

Tasol wok bilong kirapim ol meri insait long PNG em wok bilong olgeta bisnis, lida, profesenal grup, lotu, ogenaisesen na ol komyuniti.

Long sampela kantri, ol program long kirapim ol wok bilong ol meri em wanpela bikpela samting. Rot mipela mas bihainim long bringim kamap dispela i mas stap long ol samting olsem tax incentives na tu ol lida i mas traim long kirapim sampela kain program bilong strongim ol meri long go het long wok. Long halivim dispela ol program, mipela mas karim aut ol edukesen kampen long ol man na ol meri


wantaim ol yangpela long nau long toksave long ol wok bilong meri an ol rait bilong ol. Tu mipela i mas tok save long ol wok bilong ol meri long faming.

Wok bilong kirapim ol meri i no bin ron gut tumas bilong wanem ol gavman i no bin go het tumas long go pas long dispela. Gavman em mi bin go pas long en long 1988 na 1992 tu i no bin wokim ol kain samting olsem. Mipela i bin stat tasol mipela i no bin go het tumas wankain olsem ol narapela gavman.

Long nambawan nesenol day bilong ol meri bilong dispela millennium, mipela mas lukluk bek long wok we mipela olsem kantri na komyuniti insait long kantri i no bin wokim halivim long kirapim ol meri bilong mipela.

I gat planti samting em mipela i mas wokim. Na mipela i mas wok bung wantaim olsem ol politikal lida, mausman bilong ol komyuniti, bisnis manmeri, lida long ol spot grup, sios lida, ol man nating long wokim bambai ol meri bilong mipela long PNG i ken kamap na wokim ol samting em ol i gat rait long wokim olsem long yusim ol save na skul bilong ol long kirapim ol yet, ol famili bilong ol na kantri bilong yumi.

Tete, dispela i mas kamap olsem wanpela bikpela wok em mipela i mas hamamas long wokim.



Telikom bai train winim pes gren fainel spot

FRANCO NEBAS i raitim

TELIKOM komets bai train long winim pes gren fainel spot long lae wimen 'A' gret sofbal resis.

Telikom bai bungim maina primia Hero Bismark long Sarere long lukim husat tru bai go pas long wetim gren fainel.

Bismark i bin malolo gut las wiken na bai sambai tasol long bungim maina primia Hero Bismark long Sarere long lukim husat tru bai go pas long wetim gren fainel.

Bismark i bin malolo gut las wiken na bai sambai tasol long bungim Telikom.

Telikom husat i pait moa strong long dispela sisen i lukim ol i kamap i stap insait long fainel faiv.

Las wiken ol i mekim save gen ong Admiralty Marlins 6-2 ong go bungim Bismark.

Tupela sait i luk wankain

LAE WIMEN SOFBAL RIPOT

long strong wantaim ol yang-pela na ekprens pilaia we bai lukim dispela gem i strong moa.

Bismark pita na Intanesenel Pauline Bulamaris bai go pas long pita wok wantaim ketsa Hidy Aitikus.

Tupela i eksprens pilaia we ol pilai wantaim ong taim na save aut long stail bilong ol yet.

Ol arapela pilaia hsut bin givim sapat long infil eria em; Tina, Joyce Tau, Maire Seri, Geraldine Pajvu na Elizabeth.

Ol dispela lain i bin pilai wantaim na i save gut ol stail bilong yet we bai givim Telikom hat taim.

Tasol ol Telefon meri tu i gat stail tu long mekim sidnaun bagarap sapos ol biru a no was gut.

Pitsa Jenifer Kodiwa wantaim ketsa Vivian Yawing i bin pilaim bikpela:rol long karim tim i kam antap.

Las-wiken Kodiwa i givim 6-pela straik aut na bai mekim wankain gen.

Long infil, Claire Augwi, bai stap long ps bes, Dixie Philip, Carol Yawing na Urusula Wanana.

Ol dispela lain em strongpela difens we bai stapim beta i go long bes.

Dispela gem bai wanpela strongpela-gem we ol sapatas i no inap sindaun gut long stat i go pinis bilong inings.

Long arapela gems bilong ol meri long du o dai, Island Shipping Manalos bai train rausim sket bilong Admiralty Marlins.

Long resis bilong ol man A gret, BHP Brown Eagles bai skelim strong wantaim maina primia Karanas long pes gren fainel ples na NGI bai wip wantaim Bre long du o dai.

Credit Corporation winim taitel long dispela yia

PM's GOLF SALENS RIPOT

CREDIT Coporation i winim Praim Minista Golf Challenge we i bin kamap long Pot Mosbi Golf klab long Fraide.

Sempion bilong las yia, PNGBC, i no laki tumas bilong ol lain Credit Corporation i minim tru long winim dispela taitel ya.

Dispela gol salens ya i pulim 36 tim olgeta i kam long ol bisnis kampani husat i paim K2,500 long putim tim.

Praim Minista Sir Mekere Morauta i statim dispela tonamen tasol em i no stap long pilai bikos em i gat sampela bikpela wok long mekim. Tasol long Sir Mekere i stap long taim bilong presen-tesen.

Bipo long em i statim pilai em i tok olsem em i amamas tru long ol kampani i kam na givim han long sapatim PNG tim i go long Olimpik long Sidni, Australia long Septemba.

"Mi laik tok tenk yu long dispela olgeta lain kampani husat i givim taim bilong ol long stap insait long dispela resis." Praim Minista i tok.



Wanpela tim i sanap resis wantaim Praim Minista Sir Mekere Morauta bipo long tonamen. Foto: Francis Benny

Miria bai makim PNG long Telstra trails

RIKU Miria bai makim PNG long Telstra pri-Olimpik trailis long Sydney, Australia long Mas 26-27.

Miria i brukim rekot bilong 90kg we em i setim las yia na kamapim nupela rekot bilong apim 95kg long Namba 24 Trukai nesanel sempionsip long Pot Mosbi i no longtaim i go pinis.

Presiden bilong Weitlifting Frank Robby i tok em i amamas tru long ol risait bilong weitlifting i kamap long sempionsip.

PNG WEITLIFTING RIPOT

"Mi ken tok olsem mi amamas tru long ol lifta i kamap gutpela pilai long dispela sempionsip," Robby i tok.

Pearce Wesley bilong Pot Mosbi tu i setim nupela rekot long 125kg.

Robby i tok Miria wanpela tasol bai go stap insait long dispela divisen bikos divisen bilong em long 75kg tasol i gat nem long pilai.

Wesley em i stap aninit long 62kg, na em bai i no inap go long Sydney tasol em bai go

stap insait long Nu Saut Wels sempionsip long Epril 15.

PNG Weitlifting bai tingting long salim tripela o foapela weitlifta long dispela sempionsip.

Wok redi nau i go het long salim 14 lifta (7-pela man na 7-pela meri) long stap insait long Osenia sempionsip long Apia, Samoa long Me 11-13. Dispela em long train winim wanpela spes bilong man na meri long go stap insait long Sidney Olimpik Gems long Septemba.

Solomon bai holim Melanesia basketbal sempionsip

NAMBA TU Melanesian Basketbal tonamen bai kamap long Honiara, Solomon Ailans long Novemba long dispela yia.

Dispela basketbal resis i pulim tim i kam long Fiji, Vanuatu, Nu Kaledonia na Solomon Ailan yet.

Wankain tonamen bilong Polynesia na-Micronesia tu bai kamap long dispela yia. Tonamen bilong Micronesia bai kamap long Julai long Marshall Ailan na bilong Polynesia bai kamap long Cook Ailan o Tonga.

Namba wan Melanesian Basketbal tonamen long 1998 i bin kamap long Port Vila,

BASKETBAL RIPOT

Vanuatu we PNG wimens tim i winim gol medal. Na tim bilong man i bin winim bronz.

Aisa Nao husat i memba bilong Osenia Basketbal Komprens i tokaut olsem PNG bai painim hat long salensim ol liklik kantri. Sapos dispela win bilong gol medal i tru, orait ol i mas soim ol arapela kantri long train winim bek taitel.

Tim bilong man i bin stap namba 7 ples bhain long ol i bin sindaun long namba 6 ples long Saut Pasifik Gems.

Insait long 1991 Saut Pasifik Gems, PNG i pinis namba

wan. Tasol dispela tupela tim bilong man na meri i no bin stap long 1995 South Pasifik Gems long Tahiti.

Nau ol pilaia i mas wok hat liklik long train senisim dispela ples we tim i sindaun. Bikpela samting tru nau em long 2003 SP Gems long Fiji.

Mista Nao i tok long helpim ol tim, Osenia Basketbal Federaton bai holim wanpela Level 2 Basketbal Kosing kos long Pot Mosbi. Dispela kos ya bai kamap long Julai 3-7.

Dispela kos ya bai toktok long kankain ol toktok bilong kamapim strong basketbal insait long kantri.

Elcom givim blekaut long Hawks

ELCOM i statim gut kempen bilong Pot Mosbi sofbal taitel wantaim gutpela win stret taim ol i nekim Hawks 9-4 long Sarere.

Dispela lus i min Hawks nau i aut long fainels.

Hawks i lus bikos kosa bilong Elcom Isikiel Tovia i yusim tripela pita olgeta we i paulim ol beta bilong Hawks.

Na arapela samting em pita bilong Hawks Connie Kiritia i no pits gut insait long namba seven ining.

Namba wan pita bilong Elcom Tony William givim hat taim stret long beta bilong Hawks long paitim bal. Olsem na ol Hawks i skroim tupela ran tasol taim Kiritia i painim wanpela hom ran long bringim em yet wantaim Sialis Taman.

Bihain long dispela hom ran, Tovia i senisim William na putim namba

POM MENS SOFBAL RIPOT

tu pita bilong em Alistar Tavol. Em boi ros ya em i stapim ol Hawks pilai long noken mekim wanpela ran liklik ya.

Taim ol i wokim dispela senis i stap, Elcom i skroim tupela hom i kam long Demas Tovia na Clement Tukana. Tukana i skoa taim ol infil pilaia bilong Hawks i mas paul liklik ya.

Long namba five ining, Hawks i skorim tupela ran. Tasol dispela skoa i stap liklik taim we Demas Tovia i skoa namb tu taim. Skoa nau i sanap olsem Hawks 4 na Elcom 3.

Sans bilong Hawks i win i stap taim pita tru bilong Elcom John Ilam i tekova long Tavol.

Tripela ran i kam long Ilam, Simon Daniel na Tavol husat i kisim ful bes na kam hom.

Orait arapela tripela

ran gen i kamap long John Cambele, Demas Tovia na Konel taim Ilam paitim wanpela gutpela bal.

Elcom nau bai bungim NGI long namba tu elimi-nesen fainel.

NGI i wankain we ol i lus nogut tru long AB Bears 7-0

Bears i skorim poin long Mark Simon (2), Bobby Bais (2), Anselam Bunbun, Robin Penias na hom ran i kam long Joe Avuchulas (jnr).

Bears nau bai bungim Gazelle long dispela wiken long painim aut husat bai wetim gren-fainel.

Insait long B gret, MSC i autim Kopex 8-3. MSC nau bai bungim Gazelle husat i lus long Brown Eagles 10-8. Eagles nau bai salensim Tisa Jets long train winim namba wan grenfainel bilong ol.



IKEN WOKIM GUTPELA SAMTING LONG YU

ANZ Yunivesiti winim FPK Kap

YUNIVESITI soka klab long Pot Mosbi i amamasim sponsa ANZ Benk long winim namba wan kik resis, Fiocco Posman na Kua Lawyers Kap insait long pri-sisen gren fainel long Pot Mosbi las wik.

Ol i winim namba wan birua bilong ol, Rapatona long penalti 6-2.

SP Brewary i winim namba tri prais taim em i autim biknem tim, Lae Bisket Defence 1-0.

Long skelim prais, Yunivesiti kisim K1000, Rapatona k750, SP Brewary K500 na Defence 350.

Na long kik resis bilong ol meri, Telikom husat i wilwilim stret Cosmos 5-0 i winim K750 na Cosmos i kisim K500. Yunivesiti meri husat i waraim stret ol susa long Kula i kisim K350 na Kula i kisim K200.

Gem bilong Yunivesiti na Rapatona i kamap gut tru tasol tupela wantaim i dro 2-2. Long ekstra taim ol i no skoa olsem ol

PMS SOKA RIPOT

i kisim penalti we Yunivesiti i skorim 4-pela gol na Rapatona nogat stret.

Nupela golkipa bilong Yunivesiti Willie Bera i soim tru ol boi Rapatona olsem em i namba wan golkipa yet long Pot Mosbi taim em i sevim planti ol penalti kik bilong tim bilong em.

Tupela tim wantaim i kamapim gutpela defensiv futbol, tasol Rapatona husat i gat moa sans long winim gem i no skoa.

Ol i traim sut tasol nupela golkipa bilong Yunivesiti, Bera, i sanap strong tru long sevim planti ol gol.

Gem i wok long strong tru na kepten bilong Yunivesiti Joe Aisa i kisim yelo kat. Em i kisim kat taim em i mekim rap pilai egen-sim pilaia bilong Yunivesiti John Mark bilong Vanuatu.

Samting olsem 5 minit i stap, Yunivesiti i skorim namba wan

gol taim Steven Mali i setim Ben Lakasa.

Insait long namba tu hap, Rapatona i stat long kamapim gutpela pilai taim ol pilaia olsem Peter Punau, Mark, Francis Moyap na Clinton Kaleb i wok long sut long mak bilong Yunivesiti.

Mali wantaim Hans Gewambing i bung gen long kamapim gutpela pilai long setim Desmond Waku long sutim namba tu gol bilong ol Yunivesiti.

Rapatona i no giv ap. Ol i wok long pilai strong yet na ol i bekim dispela tupela gol bilong tim.

Olgeta tupela gol bilong Rapatona i kamap long kona kik.

Namba wan em John Mark i kisim na kikim we Clinton Caleb i hetim na go insait. Orait long namba tu gol i kam yet long lapun Geoffrey Emang.

Sisen tru bilong PMSA bai stat long dispela wiken.

Brothers autim Dobo Warriios

PRL RIPOT

TOYOTA Brothers i kamapim wanpela strongpela gem stret long winim Eda Ranu Dobo Warriors 26-22 insait long bikpela gem bilong Pot Mosbi ragbi lig long Sande.

Gem i ya strong tru na tupela tim wantaim i gat sans long winim dispela gem ya.

Samting olsem wanpela minit i stap, skoa i sanap olsem Dobo Warriors 22 na Brothers 20 tasol gutpela tingting bilong Nelson Wanga em i kisim wanpela sip-kik na bihain em i kisim bal na skorim trai aninit stret long golpos.

Brothers i go pas wantaim skoa 16-6 long haptaim. Orait ol Dobo Warriors i kambek na kamapim strongpela pilai long abrusim ol.

Alois Gray bilong Defence bipo i joinim nau Warriors na kamapim gutpela gem stret i putim wanpela trai na arapela i kam yet long Paul Noi long levelim skoa 16-16.

Brothers nau i tingting planti nau olsem habbek Richard Sinamo i kamapim wanpela gutpela gem long winim ol difens bilong Warriors na setim Paul Kamane long putim dispela trai.

Tasol Warriors i no wari. Ol tu i

kamapim gutpela gem stret we Lapar Endique i go pas long setim ol trai bilong Warriors.

Ehdique i setim Obet Batia na konvesen i go insait na Warriors nau i go pas long skoa 20-16.

Wanga i lukim olsem na em i tingting planti tru na yusim eksperiens bilong em long skorim dispela trai.

Warriors tu i gat sans tasol ol i no kamapim gutpela gem long winim dispela gem.

Brothers i skoa pas taim Sparks Lingenio i skoa.

Orait sampela minit gen, Kome Lupari skoa long surkim skoa long surikim skoa bilong Brothers i go 12-0. Raphael Kora bilong Dobo Warriors i bekim na kikim konvesen i go insait long mekim skoa i stap olsem 12-6.

Lupari i skorim namba tu trai tasim em i kisim wanpela bal na givim siksti i go long putim wanpela kona trai.

Insait long arapela gem, Royals winim Gerehu United 42-4, Paga Panthers autim Post Pumas 32-14, Waliya winim Tarangau 30-18, Magani nekim Defence 24-19 na Souths memeim stret Wests 38-18.



• Pilaia bilong Yunivesiti i kisim taim long han bilong ol pilaia bilong Fincorp las Sande. Yuni warrim Fincorp 39-0.

Madang statim pri-sisen

MARTIN HAWEK i raitim

MADANG Soka Asosiesen (MSA) i statim pinis pri-sisen bilong las wik.

Presiden bilong MSA Peter Angassa i tok samting olsem wanpela ten siks (16) klab i givim nem long stat insait long kompetisen bilong dispela ya.

Em i tok MSA i no holim sisen hariap bikos ol i nogat ples bilong pila bikos soka long Laiwaden oval em tas ragbi i bin yusim. Tasol bihain long wanpela miting wantaim ol opisel bilong Madang Tas Asosiesen, ol i wanbel long soka i ken yusim fil.

MADANG SOKA RIPOT

Angassa i tok em i amamas tru long nupela klab olsem Godowan, Gagisi, Furan na arapela tupela i givim nem pinis long stap insait long Madang soka resis.

MSA nau i lukluk long traim kamapim namba wan divisen long givim sans long ol nupela tim long soim save bilong ol.

Presiden i tok MSA bai putim 10-pela tim tasol long primia, na olgeta arapela tim bai pilai long ol divisen i stap aninit. Ol primia tim bilong dispela ya em PX, Newtown, Mimlon, Diwai,

Nabassa, Dofuns, Momase, Kalibobo Blues, Watabag na Royals.

MSA pri-sisen bai ran inap long tupela wik

Angassa i singaut long olgeta klab long baim K350 afiliesen fi, na tu K10 (sinia pilaia) na K5 (junia pilaia).

Presiden i tok ol klab husat i gat hevi long pasin disiplin bai no inap kisim fil inap olgeta tok-tok bilong eksekutiv i stret pastaim.

Em i tok olsem Madang Distrik bai holim soka tonamen bilong ol long ista wiken na em wantaim ol komiti bilong em bai traim stretim program ya.

Goroka statim 7-asait soka resis long kirapim intares

YAMES KAY i raitim

GOROKA Soka Asosiesen bai statim 7-asait soka kompetisen bilong em dispela wiken long traim kirapim intares bilong ol manmeri insait long taun.

Presiden bilong GSA, Dimirit Mileng i tok olsem dispela kompetisen ol i laik statim em bikpela as tru em long traim kirapim intares bilong ol manmeri long go bek long pilai soka.

Mileng i tok tu olsem dispela 7-asait kompetisen em bilong husat ol lain intares manmeri long statim tim na pilai.

"Husat ol manmeri i intares i ken kisim 12-pela ol pilaia na peim tasol K50 nominesin fi na pilai long kompetisen," Mileng i tok.

Las yia soka kompetisen long Goroka i no bin pinis gut bikos planti ol tim i no bin peim nominesin fi bilong ol long pilai. Dispela i mekim na ol eksekutiv bilong GSA i bin bung na tok long stopim kompetisen namel tasol. Kompetisen i bin stop long pinis bilong mun Ogas.

Mileng i tok olsem nau yet asosiesen i tingting long kirapim 7-asait resis long pilai insait long

GOROKA SOKA RIPOT

samting olsem 6-pela wiken. Em i tok tu olsem ol i tingting tu long pilaim dispela kompetisen insait long 3-pela wiken sapos gem i kamap long Sarere as Sande wantaim.

Em i tok namba bilong tim long stap long hamas pul insait long dispela komptisen bai stap long namba bilong hamas tim i givim nem na nominet long pilai. Olgeta dispela tim i mas peim K50 nominesin fi.

Mileng i tok klia tu olsem dispela ol nominsin fi ol wanwan tim i peim bai helpim tu long peim graun we pilai bai kamap long en. GSA i save yusim graun long Nesenel Spots Institut (NSI).

Kos bilong yusim grun long wanwan wiken em K50. Dispela mani i save kam long ol nominesin fi GSA i kisim long ol tim husat i pilai insait long asosiesen.

Mileng i tok olsem nominesin i op yet long husat ol tim i intares long pilai insait long dispela 7-asait resis. Ol tim i ken go lukim em long NSI na givim nem bilong ol na peim K50 na pilai.



IKEN WOKIM GUTPELA SAMTING LONG YU

Lafanama givim K80,000 long spots

GAVANA bilong Isten Hailens Peti Lafanama i bin givim K80,000 long mekim na strongim wok bilong spots insait long provins.

Long semtaim tu, gavana i kamapim Isten Hailens Spots Kaunsil long go pas long mekim dispela wok bilong lukautim spots.

Lafanama i tokaut olsem em save lukim spots olsem wanpela rot long bungim olgeta pipel wantaim. Em i laik ol pipel insait long Isten Hailens i mas pilai olgeta kankain spot insait long wol tasol noken

pilai hoki, skijng na skating.

Gavana tu i tokaut olsem em i laik Isten Hailens i mas kamap olsem sempion provins insait long kantri. Sapos Goroka Laharis i ken winim SP Kap, ating ol arapela spot tu i ken mekim wankain pasin.

Em i tingim tu ragbi union tim Apo Red na Apo Blue husat i kamap long fainels bilong nesanel ragbi sevens tonamen long Lae las mun.

Dispela mani ya, K80,000 em i namba wan taim provinsal asembli i oraitim long

PNGRFL RIPOT

PNGRFL Bot i kibung long Mosbi

PAPUA Niugini Ragbi Futbol Lig (PNGRFL) bai holim wanpela bikpela miting bilong olgeta bot ov dairekta long Gateway Hotel insait long Pot Mosbi long dispela wiken.

Wanpela bikpela toktok bai kamap long dispela miting em polisi bilong makim ol pilai insait long Kumul tim.

Jenerel menesa bilong PNGRFL Kevin Murphy i tokaut olsem nau yet i no gat wanpela kila polisi long rot bilong makim Kumul tim.

PNGRFL i no gat gupela o kila polisi long makim ol kumul pilai husat i pilai long ovasis bikos nau yet planti ol pilai i wok long go pilai long Australia na tu long Yurop kantri.

Murphy i tok dispela em i bikpela samting tru bikos dispela i ken helpim ol selekta long makim ol pilai i no long ovasis klab tasol nogat long ol SP inta siti kompetisen tu wantaim.

Dispela em i namba wan miting bihain long bikpela jenerel miting i bin kamap long Pot Mosbi las mun.

Ol sikspela dairekta em siman John Numapo, Rod Pearce, David Tantu, Don Fox, Jack Gopave na Yapsie Tvengkofa. Ol arapela memba em John Wagambie, Patrick Kolta, Jim Robins na Gavin Ross.

Insait long dispela miting tu, Bot bai toktok long 2000 SP Kap kompetisen we bai stat long Me 21.

Dispela em long painim aut sapos ol inta siti tim i baim afiliesen fi pinis o nogat.

Arapela samting tu em long makim komiti long lukautim na ranim dispela kompetisen ya.

Wanpela bikpela samting tu em EMTV i bai i no inap soim inta ragbi resis long neks yia na PNGRFL Bot bai mekim planti ol toktok long dispela yia.

Ol arapela toktok we bai kamap em long makim komiti bilong ol dispela eria fainens, judiseri, seleksn, kosing developmen, referi developmen, skuls na junia developmen, afiliesen, registresn na kwalifikesen.

PNG Kumuls tim menesmen i bung tude

PAPUA Niugini Kumuls i statim wok redi bilong 2000 Wol Kap resis pinis wantaim namba wan miting bilong ol memba bilong tim menesmen.

Dispela em i namba wan taim ol i kibung bihain long ol i kisim wok olsem kosa, tim menesa, tim dokta na physio.

Dispela miting bilong ol bai kamap long Pot Mosbi we namba tu siaman na tu tour menesa Rod Pearce bai go pas long em. Kibung ya em bilong toktok long ol long wanem kain wok ol bai mekim.

Ol nupela tim menesmen em Peter Barnaga, kosa Bob Bennett, trenna George Kele, physio Mathew Natusch na tim dokta Ken Boone.

Natush em i no nupela long PNG bikos em i bilong holim wok wantaim ol Kumuls na tu Pot Mosbi Vipers olsem physio. Nupela memba bilong tim menesmen tasol em Dr Boone.

Wanwan memba bilong dispela tim menesmen bai sindaun skelim ol pilai bilong ol wanwan pilai.

Dispela 2000 Wol Kap ya bai kamap long Oktoba 28 i go inap long Novemba 25 na ol gems ya bai kamap long

England, Wels na Ireland. Samting olsem 16 tim olgeta bai kamap long dispela bikpela resis bilong ragbi lig.

Na sampela bilong ol kantri em Australia, Great Britain, New Zealand, Cook Ailan, Fiji, Samoa, New Zealand Maori, Ireland, Russia, Scotland, Wales na Lebanon.

Papua Niugini Kumuls i stap long wankain pul olsem France, South Africa na Tonga. Kumuls i mas pinis insait long top tu ples we em i ken go insait long kwata fainel we bai kamap long Inglan.

Jenerel menesa Kevin Murphy i tok dispela miting em bilong bungim ol tim menesmen pastaim na bihan ol i ken sindaun wantaim ol tim.

I tru olsem nogat kumul tim yet, dispela em i namba wan samting we tim menesmen i mas save gut long wok bilong ol pastaim orait bihain tim i ken bung.

Ol bai makim Kumul tim long SP Kap inta siti kompetisen na tu ol sampela pilai long ovasis.

Na ripot bilong dispela miting bai go stret long PNGRFL Bot miting long dispela wiken.

ISTEN HAILENS SPOTS RIPOT

sapotim wok bilong spot long provins.

Em i tokaut long ol dispela tingting insait long grenfainel bilong Goroka sofbal resis las wik long Nesanel Spots Institut.

Lafanama i givim K5,000 i go long Goroka Sofbal Asosiesen long redim tim long go pilai long nesanel sempionsip long Rabaul long Ista wiken.

"Mi save olsem Gorokabai go resis long sempionsip olsem na mei givim K3,000 pastaim na bihain bai mi pinisim dispela K5,000," em i tok.

Gavana i salensim ol lain Goroka long traim bringim bek taitel i kambek gen long Isten Hailens.

Plis ministra Mathias Karani tu i bin stap long was long tim bilong em Degi Telikom Bullets i pilai long grenfainel.

Degi em nem bilong ples bilong Karani husat i sponsarim tim Telikom.

PNGAU RIPOT

Tupela rana tren gut

TUPELA rana husat i trening long Australia na Amerika i wok long kamapim gutpela trening stret.

Ann Mooney husat i hatim trening long Australia na Clement Abai i kilim skin stret long Amerika.

Presiden bilong PNG Atletik Yunion Tony Green i tok olsem Mooney long las Fraide i kamapim gutpela taim long resis bilong 200m na 400m.

Taim bilong em long 200m i stap olsem 25.21 na i kamap namba 4. Na dispela taim i gutpela tru insait long rekot bilong PNG atletik wankain olsem sampela ol biknem rana bilong bipo olsem Elanga Buala (24.82), Rosa Maira (24.99) na Naomi Polum (25.07).

Polum nau i save mekim wok kosing wantaim ol atletik insait long Pot Mosbi Atletik Asosiesen.

Abai i mekim namba wan ran bilong em arasait long haus las wiken long Southern Mississippi.

Em i bihainim toktok bilong kosa na em i ran strong tru long 600m na bihain em i pinisim arapela 200m. Dispela kain resis ya em long helpim kosa long painim aut wanem hap em i save painim hat long ran.

Clement i kamap namba tri insait long dispela ran long taim 1: 52.63sec. Dispela em wan na hap seken arasait long mak em i setim olsem nesanel rekot long SP Gems long Guam. Taim bilong SP Gems long Guam i sanap olsem 1: 51.13sec.

Bikpela tingting bilong em nau em long traim daunim yet taim i kam long 1.48 long kwalifai long NCCA (nesanel) sempionsip long namel bilong dispela yia.

The Independent i sponsarim tennis



• Ektng edita bilong Independent Neville Choi (lephan) i givim sek mani i go long Vere Tere na presiden bilong Pot Mosbi Tennis Asosiesen David Gole. Sanap wantaim Choi em ektng bos bilong Edvetaising Jock Oberleuter. Foto: HENRY MORABANG

SUSA pepa bilong Wantok Niuspepa, The Independent, i givim K2,500 long sapotim Pot Mosbi Tennis Asosiesen long holim PNG Open Tennis sempionsip we bai kamap long Ista wiken. Nem bilong sempionsip nau bai senis olsem The Independent PNG Open Tennis

sempionsip bikos long sapot o mani Pot Mosbi Tennis Asosiesen i kisim long dispela niuspepa ya. Dispela em i namba tu taim The Independent niuspepa i givim kain sapot i go long Pot Mosbi Tennis Asosiesen. Namba wan taim em i givim mani em las yia.

Dispela PNG Open Tennis sempionsip i save pulim planti ol intanesenel pilai long kam pilai. Planti bilong ol dispela pilai nau i winim skolasip na skul insait long ol kantri olsem Fiji long Intanesenel Tennis Federesen skolasip.

POM ragbi statim namba tu raun

POT MOSBI Ragbi Yunion bai statim namba tu raun bilong pri-sisen long dispela wiken long Bava Pak. Primia tim Harlequins i no paia yet na Defence i soim olsem ol i minim bisnis long winim ol las wiken 11-5. Ol soldia i gat ol pilai olsem Andrew Vele, Able Tore na John Larry husat i soim gutpela pasin long brukim stret difens bilong Harlies.


Long Sarere, Defence bai bungim Skailain. Sapos ol i skelim gut gem ya, i luk olsem Defence bai mekim save stret long ol skailain.

I bin gat bikpela senis tru tim bilong Defence bikos planti ol junia pilai nau i pilai long sinia gret ya. Skailain i mas senisim kain stail bilong ol sapos ol i laik win. Bikos las wik, Wanderers i bagarapim tru sindaun bilong ol wantaim bikpela skoa 39-0. Wanderers husat i rekotim bikpela win egensin Skailain nau bai bungim primia tim, Harlequins. Wanderers i gat ol pilai olsem Paul

POM YUNION RIPOT

Pomoso, Malcom Kulu, Charters Tongia, Claude Arioa na yangpela Rocky Isou husat bai go pas long givim namba tu lus i go long Harlequins. Na Harlequins i gat ol pilai olsem Kevin Rooney, Carl Hoots na Anthony Pangkatana husat bai go pas long tim.

Billy Rapiila wantaim Joe Kautu bai go pas long beklain long traim winim dispela gem. Sapos nogat ol bai kisim bikpela sem long Sarere ya. Long Sande, Telikom husat i gat bikpela fowat pack tru bai salensim 1PIR Taurama Bareks. Ol fowat bilong Telikom em Geoffrey Puipui, Terence Kede, James Pomat na Peter Senat. Ol boi Taurama em ol nupela tim tasol ol i save kirapim paia stret long ragbi union oval ya. Na Royals bai salensim Yunivesiti long bikpela gem long Sande.



• Veva Hoki bilong Yunivesiti i winim lain-aut egensim Fincorp tim long Pot Mosbi ragbi yunion kompetisen. Yuni wilwilim stret Fincorp 42-0.



• Winga bilong SP Brewery i putim ai tasol long bal. Oi i winim taim ol i autim Defence 1-0.




• Sait: Sempion tim bilong NCD Pablik Seven Kopetisen, Defence i sanap kism poto bipo long kik-op.

• Daunbilo: Tupela pilaia bilong Brothers i dabolim pilaia bilong Dobo Warriors insait long Pot Mosbi ragbi lig A gret kopetisen Brothers win 26-22.



• Selon Elizah bilong Defence i traim trikim pilaia bilong SP Brewery tim long faines bilong FPK kap resis long Pot Mosbi. SP Brewery win 1-0 long winim namba tri prais.



Nauru kamap olsem paradais bilong ol drag na doti mani dila

Nauru:

Liklik ris ailan kantri long Pasifik, Nauru we sais bilong em inap long 21,3 skwea kilomita i kamapim bikpela hevi long ol lain i karimaut investigesen long ol kriminal long wol.

Nauru em liklik Sentrel pasifik Ailan kantri we i bin kamap ris long fosfeit o fetelaisa main i gat 11,000 pipel tasol long en. Tasol em wok long gat biknem olsem ples we ol intenesenel drag smagla o lain i hait na salim ol drag na deti mani long pulim bikpela mani long en.

Ol ripot bilong anuel Nakotiks Kontrol Strateji wantaim US Stet Dipatmen i tok sampela memba bilong Rasia mafia i wok long yusim Nauru olsem ples bilong salim ol drag mani long en.

Long ripot bilong Rasia Sentrel beng las yia, ol beng long Nauru i bin kisim US\$80 bilien (K241.3 bilien).

Wanpela tok piksa em 40 fainensel grup i bin givim wanpela edres tasol long Nauru we i soim

long ples klia wok bilong salim mani long en.

Nauru i wok long kisim nem olsem ples hait we ol biklain i wok long go long en na kirapim na skruim strong ol wok bisnis na benking wantaim nogat takis ol i peim long en.

Nauru i bin kamap ris long mani bilong mainim na salim fetelaisa i go long Australia na Nu Silan. Tasol fetelaisa i wok long pinis na kantri i mas painim narapela rot long pulim ausait mani i go long en.

Ripot i tok Cayman Ailan long Karibien i wanpela kantri long wol we ol bikpela bisnis na ol arapela i no save peim takis long en na i gat planti ausait bisnis kampani i go insait long en. Ailan ya i gat ol lo long tok hamas mani na ol bisnis kampani i ken go insait long kantri long wan wan yia. Tasol Nauru i nogat kontrol long dispela samting.

Gavmasn bilong Amerika i tok strong long Nauru long kamapim ol strik lo we bai i egensim ol anti mani salim na baim lo we i beis long ol intenesenel stended long en.

Hevi long kantri namel long ol Malaita na Guadalkanal go bikpela

Honiara, Solomon Ailan:

Solomon Ailans klostu taim bai i bungim bikpela hevi, ol ripot i tok.

Dispela i bihainim hevi namel long ol pipel bilong Guadalkanal na Malaita. Hevi i bin stat long mun Mas las yia taim ol Guadalkanal pipel i egensim ol Malaita lain bikos ol i tok ol Malaita i bosim olgeta bikpela wok long gavman na ol arapela eria moa.

Kapitel bilong Solomon Ailan am Honiara i stap long Guadalkanal. Na ol pipel long hap i no amamas bikos ol i tok ol Malaita pipel tasol i holim ol gutpela wok na ol nogat. Olsem na ol paitman bilong Guadalkanal i kamapim hevi na rausim ol Malaita pipel long Honiara.

Nau yet, tupela grup i pait long ol bus na plantesen klostu long Honiara long Guadalkanal Ailan, ol ripot i tok.

Hevi i bin kamap long Honiara i no long pela taim i go pinis we ol plis riot skwat i bin tromoi teages long sampela lain i laik tromoim

ston long wanpela; a gavman bilding. Dispela i bin bihainim dai bilong wanpela plisman na narapela man bilong ailan.

Ol ripot i tok kantri i gat 300,000 pipel long en. Na 20,000 i ronawe lusim Honiara bikos long dispela hevi.

Long nau, 12-pela plisman bilong Fiji i stap na lukautim Honiara i stap. Ol dispela Fiji lain ya i toktok long tupela grup long stap isi n a kamapim bel isi na sekan pasin.

Long las yia Mas, wanpela rebel paitman grup i kolim ol yet Guadalkanal Revoluseneri Ami na nau ol i senisim nem i go long Isatabu Fridom Faita i bin fomim ol yet long rausim ol Malaita pipel long Guadalkanal Ailan.

Long dispela yia Janueri, ol Malaita paitman i bin fomim Malaita Eagle Fos na go insait long plis stesen, stilim 34 rafel na ol grenet lonsa.

Ol ripot i tok hevi i wok long go bikpela na samting bai i go nogut sapos gavman i no wokim samting hariap long stapim.

Wokabout bilong Pop John Paul bai skruim wok bilong painim gutpela sindaun long Midel Is



• Pop John Paul 2 long lukluk raun bilong em long PNG long 1995.

Amman:

HETMAN bilong Katolik Sios long wol Pop John Paul 2 i wokim wanpela wik wokabout i go long Jordan na Holien long dispela wik.

Long dispela wokabout Pop bai pre long gutpela sindaun long Midel Is we i karim hevi moa long 50 krismas, bihainim pait na hevi namel long Israel na ol Arab kantri.

Dispela em namba wan taim we wanpela Pop i lukluk raun i go long rijen stat yet long 1964.

Pop bai go wokim lotu na lukluk long ol tambu ples we ol Kristen, Muslim na Jews i gat bikpela luksave long ol.

Pop John Paul bai statim his-

torikel wokabout bilong em long Jordan we em i go visitim na wokim prea antap long Maun Nebo, memoriel bilong Moses we God i bin givim 10-pela komanmen i go long en. Long Sande, em bin wokim Misa Lotu long Sios bilong Holi Sepulka long Jerusalem we ol i bilipim olsem ol bin planim Jisas long en.

Mausman bilong Vatiken Joaquim Navarro-Valls i tok Pop i laikim dispela wokabout long kamapim na skruim gutpela sindaun na gutpela pasin long rijen we dispela samting i no stap.

Tasol em i tok Pop i nogat ansa long daunim dispela hevi we i kamap namel long ol

Muslim, Kristen na ol Jew. Tasol ol bikman long tripela sios ya ibung wantaim long long kamapim gutpela toktokt namel long ol.

Pater Navarro-Valls i tok Pop i tok i moabeta long tripela lotu ya i wokim samting long skruim dispela wok.

Ol lida bilong Israel na ol Arab kantri i tok Pop i ken helpim long painim na kamapim gutpela sindaun i go long Midel Is.

Seketeri bilong gavman bilong Israel Yitzhak Herzog i lukim dispela wokabout bilong Pop olsem wanpela bikpela samting we bai skruim strong wok bilong kamapim historik pis long rijen long dispela yia.

TANIR LOKOL LEVEL GAVMAN NU AILAN PROVINSEL GAVMAN

TOK AMAMAS, LUKSAVE NA TENKYU MV FENI DISASTA 30TH JENUARI 2000

Long makim ol lain i dai long birua bilong sip MV Feni taim em i go daun long solwara long Rasese viles, Namatanai long Sande apinun 30, 2000, Siaman bilong Tanir Lokol Level Gavman Hon Leo Toarmanil, Seketeri na ol wokman, ol papamama na famili husat i stap long kra i na tu ol pipel long ol ailan bilong Tanga na Anir i laik luksave na tok bikpela amamas i go long ol dispela lain:


HON PAUL TOHIAN QPM, MP	- Gavana Nu Ailan Provins
COL. LIMA DOTAONA (Ret'd)	- Provinsel Edministreta, Nu Ailan Provinsel Admin.
MISTA EREMAS BULUMARIS	- Distrik Edministreta, Namatanai Distrik
WDC/VPC	- Rasese Viles, Namatanai LLG
WDC/VPC	- Napanatah Viles, Namatanai LLG
WDC/VPC	- Namatanai Viles, Namatanai LLG
BISOP AMBROSE KAIPSENI	- Katolik Daiosis Kaving na Lorengau, Kavieng
OL SIOS GRUP	- Kavieng, Namatanai/PNG olgeta
SIR JULIUS CHAN CBE CCMG	- Olpela memba Namatanai Open Iektoret
OL BISNIS GRUP	- Namatanai/Kavieng
ALBERT WONG na FABIEN TADOI	- Tupela daiva, Rabaul, Is Nu Briten Provins
HON. SIALIS SABAGAS MPA	- Siaman, Sentral Nu Ailan LLG
HON. FRANCIS WASSAU MPA	- Siaman, Namatanai LLG
HON. MORRIS UKU MPA	- Siaman Konoagil LLG

Long ol brata na susa nem bilong ol i no kamap long hia, mipela i surukim bikpela tok tenkyu bilong mipela i go long yu tu. Ol helpim yu givim, bikpela o liklik, bilong strongim bodi o bilip bai i stap olsem dinau long bel bilong mipela. Mipela prea Bikpela God Papa bai was gut long yu insait long Holi banis bilong em. Mipela ol pipel bilong TANIR i tok TENKYU, YOKO NA BIKPELA GOD PAPA I BLESIM YUPELA.

HON. LEO TOARMANIL MPA,
Siaman bilong Tanir LLG

Mipela i laik toksave long ol gutpela brata na susa i stap long Nu Ailan provins, long arapela provins na tu long ovasis olsem Tanga na Anir komyuniti husat i stap insait na arere long Kavieng i opim wanpela pasbuk akaun wantaim Papua New Guinea Banking Corporation (PNGBC) long Kavieng. Dispela pasbuk em bilong helpim long stretim sindaun na tingting bilong ol sumatin husat i stap laip long dispela birua. Planti bilong ol em ol skul manki long ol skul olsem hai skul, teknikel skul, na vokesenel skul long meinlen bilong Nu Ailan.

Sapos yu laik salim ol helpim bilong yu, pasbuk namba em: No 6133110.
Long kisim moa toksave, toktok wantaim MISTA ANDREW NEMAR long
telepon namba: 984 1170 o 984 2075; Fax namba: 984 1160 o 984 2462.



BIPO BIPO tru long taim bilong ol tumbuna i gat wanpela masalai i save stap long wanpela maunten. Na nem bilong dispela maunten em Aiwiap. Em i stap yet long hap bilong Kandrian distrik, Wes Niu Britren provins. Na nem bilong masalai em Hong Kong.

Orait Hong Kong i bin kilim olgeta manmeri long dispela hap na pinisim ol gut tru. Taim em i kilim ol em i save kaikaim ol. Orait wanpela meri tasol em i ronawe na i go hait long hul bilong wanpela ston i stap. Em i stap longwe liklik long dispela masalai hia.

Turangu meri hia em masalai i kilim man bilong en tu. Olsem na em i ronawe wantaim bel na go hait i stap inap sampela mun. Em i karim tupela pikinini twins na dispela twins em tupela pikinini man.


Wanpela nem bilong en em Panpan na narapela em Hambi.

Orait taim tupela i kamap bikpela i pinis mama bilong ol i stori long dispela masalai we i save kilim ol manmeri. Olsem na taim tupela i groa bikpela ol i gat bikpela strong. Tupela i tokim mama bilong ol long tripela i mas sapim wanpela garamut bilong tupela.

Na tu ol palang na spia bilong tupela long pait wantaim dispela masalai. Taim tripela i redim ol samting pinis, orait mama bilong tupela i tokim ol long hau masalai i save kilim ol man na kaikaim ol.

Orait em i toktok long tupela pinis na tripela i stat long wokim bikpela banis raunim dispela maus bilong ston we tripela i

Tupela brata kilim masalai wantaim mumu ston



stap long en. orait long dispela taim mama bilong tupela i lainim tupela long singsing pinis na tupela i stat long singsing nau.

I no long taim na masalai i harim na em i stat long wok-abaut lusim dispela maunten Aiwiap na go long dispela hap we tripela i stap long en. Orait mama bilong tupela boi hia i stat long wokim bikpela paia na kukim 2-pela bikpela ston. Orait tupela boi hia i kirap na askim mama sapos masalai i kam bai i gat sain o nogat. Na mama i tokim tupela olsem, "Yes sapos masalai i laik go long kaikaim ol man o yumi em bai gat sain na dispela sain em olsem. Bai bikpela win na ren bai kamap na

graun bai seksek." Orait i no long taim na tripela i hipim ol samting bilong pait na sanap stret long banis we bai masalai i kam antap long en. I no long taim ol i harim nek bilong masalai i singaut olsem, "Olo, man dispela em i gutpela abus bilong mi tru."

Olsem na mama bilong tupela i tokim tupela olsem bai wanpela i sanap long sait bilong banis na narapela long narapela sait bilong banis. Na mama bilong tupela em i go insait long hul bilong ston na hait i stap. I no long taim masalai hia i kam antap nau.

Taim em brukim banis na em i laik kam insait em i tuleit.

Panpan i planim wanpela spia long nek bilong em stret.

Taim em i laik tanim em, Hambi i planim narapela spia long bros bilong en stret. Taim masalai i singaut na tanim i stap, tupela i kam kisim wanpela ston na tromoi i go insait i stret long maus bilong masalai em nau em idai olgeta. Bihain ol i lusim dispela hap na go bek long ples we ol i stap nau long en.

Thomas T. Sipang
Brown Sector
Police Kimbe, Wes Niu Britren provins.



Nem: Soarehan Rararua Kuso
Krismas: 19 man
Adres: Mungkuo VIII, MAF, P.O. Box 3491, Lae, Morobe Province.
Save laikim: Mekim kaur na musik, raun long sampela hap ples na provins, raun long ples na siti olsem Kimbe, Manus, Kavieng Ailan na Daru na salim poto na present i go i kam. Mi maritim wanpela meri long yia 2000. Mi bai amamas tasol long wanem manmeri i raitem pas na bai mi bekim tasol.

Nem: Issac Lems
Krismas: 18 (man)
Adres: Pangia Asoli Memorial High School, P.O. Box 610, Mendi, Southern Highlands Province.
Save laikim: Pilai volibal, serim stori bilong papa God na harim gospel musik.

Nem: Roger Pumbu
Krismas: 17 (man)
Adres: Pangia Asoli Memorial High School, P.O. Box 610, Mendi, Southern Highlands Province.
Save laikim: Pilai volibal, serim stori bilong papa God na harim gospel musik.

Nem: Ferdicks Lapua
Krismas: 16 (man)
Adres: Pangia Asoli Memorial High School, P.O. Box 610, Mendi, Southern Highlands Province.
Save laikim: Pilai volibal, serim stori bilong papa God na harim gospel musik.

Nem: John Mesen
Krismas: 18 (man)
Adres: Pangia Asoli Memorial High School, P.O. Box 610, Mendi, Southern Highlands Province.
Save laikim: Pilai volibal, serim stori bilong papa God na harim gospel musik.

Nem: Mark Awei
Krismas: 17 (man)
Adres: Pangia Asoli Memorial High School, P.O. Box 610, Mendi, Southern Highlands Province.
Save laikim: Pilai volibal, serim stori bilong papa God na harim gospel musik.

Nem: Bruce Koran, Kye Acheampong
Krismas: 17 (man)
Adres: Asuansi Technical Institute, P.O. Box 162, Cape Coast.
Save laikim: Pilai futbol, ritim megesin na harim musik.

Nem: Dan Leboaz Crentsil
Krismas: 16 (man)
Adres: Asuansi Technical Institute, P.O. Box 162, Cape Coast.
Save laikim: Senisim poto na presens, harim musik na pilai hoki bal.

Nem: George De-Graft Tetteh Jnr
Krismas: 20 (man)
Adres: Mail Box 50 8394, Community 7, Tema, Ghana.
Save laikim: Kalsa, wokim poroman na marit na senisim ol presens na pas.

Nem: Grace Yaro
Krismas: 18 (meri)
Adres: P.O. Box 1406, Cape Coast, Ghana.
Save laikim: Salim na senisim ol pas, mani na T-shirts.

Nem: Haiara Ahmed
Krismas: 16 (meri)
Adres: P.O. Box 1406, Cape Coast, Ghana.
Save laikim: Senisim ol letas, na pilai volibal, netbal senisim mani na poto.

Nem: Nana Ama Amisah
Krismas: 26 (meri)
Adres: P.O. Box CT 260, Tantri Road, Cape Coast, Ghana, W/A.
Save laikim: Kuk, musik, spots, raun long ovasis na danis.



Mi bungim hevi bikos mi wanpela kristen

save tok bilas na tok pilai long yu?

Oi Kristen i save bihainim wanem kain pasin? Long Matyu Saptu 25 ves 31 inap long 46, Jisas i tokim ol manmeri long jasmen. Long dispela, em i tok klia long rot we ol aposel bilong em i bihainim na ol samting we ol i save wokim. Ol i givim kaikai long ol lain i hangre, kisim ol ausait manmeri i go lukautim long haus bilong ol, givim klos long ol dispela i sot, lukautim ol sik na raun lukim ol kalabus lain. Narapela taim gen, Jisas i tok "Sapos yupela i laikim wanpela arapela, ol man bai i luksave long yupela olsem ol aposel bilong mi." (Jon 13:35).

Oi bai lukim pasin Kristen long ol gutpela samting we yumi save wokim na ol samting nogut we yumi no save wokim. Oi wanwok na ol lain long flet i luksave long yu ols, me wanpela gutpela man long helpim ol arapela? Yu save wokim gutpela pasin long ol na helpim ol? O yu save tokim ol olsem ol samting we ol i wokim i no stret.

Tru planti taim ol Kristen i no save mekim ol samting we ol arapela manmeri i wokim. Efeses Saptu 5: ves 18 i tok, "noken spak wantaim wain we

bai bagarapim yu." I gat planti Kristen husat i bilip olsem em i no rong long dring liklik tasol long kantri bilong yumi we planti pipel i save dring long spak, i gutpela yu tok nogat long dring wantaim ol poroman bilong yu. Na yu gat strongpela tingting tu long tok nogat long ol.

Planti yangpela pipel long tude i save bungim bikpela presa olsem dispela yu bungim long ol poroman. Ating wanpela samting we ol poroman bilong yu i laik strongim yu long dring wantaim ol em pasin bilong yu (long no dring) i mekim ol i sem. Na long lewa bilong ol, ol i save olsem em i rong long dring. Na long taim yu les long dring wantaim ol, tingting bilong ol i no gutpela na ol i gat belkros wantaim yu. Ol i ting olsem sapos yu dring wantaim ol, tingting nogut bilong ol bai pinis.

Sapos ol i pilim olsem, bai samting i go nogut sapos yu autim strong bilip bilong yu olsem as long yu les long dring. Sanap strong long bilip bilong yu tasol yu mas toktok isi long ol taim yu tok nogat. Sapos ol i givim yu ol narapela dring we i no strongpela, ating yu ken kisim tasol sapos nogat, tokim ol isi tasol olsem yu no laik.

Bai yu painaut olsem pasin bilong ronawe long hevi na wok

i no inap long stretim hevi. Maski long wanem hap yu go long en, i gat ol pipel we bai no inap wanbel long ol Kristen pasin bilong yu. Na bai yu bungim yuet wankain hevi.

I gat sampela lain we i no save dring long ples we yu wok o stap long en? Inap yu painim sampela samting long wokim long nait, olsem korespondens skul? Inap yu painim narapela ples long stap long en, olsem ol Kristen pren na ol hauslain long taun? O yu ken askim wanpela Kristen pren long serim rum wantaim yu long hostel.

Maski yu karim hevi long ol tok bilas nabaut, yu mas amamas olsem yu bihainim gutpela tingting na yu wokim samting we Kristen laip bilong yu i laikim. Noken lus tingting olsem ol pipel bilong em yet em ol Jew i bin wokim ol tok bilas long Bikpela Jisas.

Rot long kamap gutpela long wok na pasin em long bungim hevi na ino long ronawe. Jisas i no bin promis olsem laip bilong ol Kristen bai i isi. Lukim long Gospel bilong Jon Ves 15, saptu 18-21 tasol em promis olsem em bai givim helpim na gutpela stia. Lukim gen long Gospel bilong Jon Saptu 14 ves 27.

Laipain



Dia Laiplain

Laip i hat bikos ol wanwok na ol lain we mi slip wantaim ol long hostel i save tok bilas long mi long pasin Kristen bilong mi. Ol i save wokim ol kain toktok long mi taim ol i askim mi long dring wantaim ol long sampela nait na mi no laik.

Mi nogat gutpela pren na mi wari. Wok bilong mi i gutpela, mi kisim gutpela pe na mi save amamas tasol mi laik risain.

Wanem rot bai mi bihainim long abrusim hevi ya.

DISCOURAGED

Yu tok olsem ol poroman bilong yu i save tok bilas long yu. Na eksampel yu givim em ol i mekim olsem bikos yu save les long dring wantaim ol. Wanem narapela Kristen pasin gen ol i

KANAGE



Kanage i wok olsem gaden boi long haus bilong wanpela waitman long Mosbi. Em i save stat wok long 5am na pinis long 6pm. Long wanpela apinun em i pinisim wok bilong em na wok-abaut arere long rot i kam. Tupela ka i kam bamp klostu tru long ples we Kanage i wokabaut long en. Kanage guria nogut tru na bikmaus strong tru. Taim em i mekim olsem i stap wan tu tasol plis ka i kam kamap long ples we 8-pela ka i bamp long en. Taim Kanage lukim ol plis ka i lain hap na stop klostu long em, em i pret nogut na skin lek han guria wantaim lukluk strong long pes bilong ol plisman ya. Ol plis ya kam ausait long ka na askim Mista Kanage. Tupela ka ya, bamp olsem wanem? Yangpela Kanage ya kirap nogut na tok, "am mi tasol," olsem yu tokim mipela stret, hau tupela ka ya i bamp? Yang Kanage ya i tok. Wanpela ka mas siksti kam olsem. wanpela ka mas siksti kam olsem. Tupela mas bamba, draiva mas dai. Taim ol plis i harim dispela ol i aut nogut tru na tekov.

Gore Rodney Boroko

Kanage i bilong Sandaun, Kanage i stap na lukluk long pailot na ol ami i wok long flai long Parasut kam daun. Na Kanage i laikim tru parasut bai em tu taim. Wanpela taim paps Kanage i tokim Misis bilong em na tupela i go raun long taun tupela raun long olgeta stua painim parasut i go na em i lukim ambrela na em i kisim wanpela na wantaim Misis bilong em i go haus kisim 4-pela bikipela ston hangamapim long 4-pela kona bilong ambrela. Kanage i tokim Misis bilong em long kilnim wanpela longpela kokonas.

Kanage i karim ambrela na i go antap long kokonas holim em yet pinis em i tokim Misis kolim 1, 2, 3, bai em i kalap i go daun. Orait paps Kanage i stat 1, 2, 3, go em i kalap wantaim ambrela i kam daun wantaim 4-pela bikipela ston. Sori tru paps Kanage idai pinis Misis i krai na i go long haus.

Bill Matson Vanimo

Kanage em i wanpela lapun man bilong ples long Angoram distrik. Wanpela moning lapun Kanage i sindaun long haus boi i stap. Na ol liklik manki i pilai pilai i kam long rot na ol i lukim lapun Kanage i sindaun long paia i stap.

Na wanpela liklik boi i tok, mipela i go insait sindaun wantaim em. Ol i go insait sindaun wantaim em. Na boi ya i askim lapun Kanage sapos em i gat

sampela stori. Na lapun Kanage i tok, o liklik boi, mi gat planti stori long tokim. Na lapun Kanage i stori long taim bipo em i bin yangpela.

Taim em i stori pinis em i laitim liklik hap bilong Mutrus. Na em i laik pulim tasol em i kik long lapun Kanage.

Em i kus na i kus nogut tru na i tok. Holim Misis Sakias is paiting the is mother. Em nau ol liklik manki i lap na i lap na wanpela boi i kapupuk.

Na lapun Kanage i tok. Yakaiya plis, Japan i pairapim bom bilong em nau. Yagana i ronawe go long haus bilong yupela. Na olgeta manki i kirap na ronawe go nabaut long haus bilong ol.

Kenneth Baiyet Ambunti

Wanpela moning Kanage i go raun long maket long Vanimo yet.

Em i go raun i stap na em i harim ol mama na ol yangpela meri i wok long bung na toktok i go i kam long mining bilong Y2K. Sampela ol mama na yangpela meri ol i tok minin bilong Y2K em olsem "Year 2000 kingdom," na sampela ol i tok "Yes To Kina," na sampela ol i tok "years 2 kam."

Kanage i harim i go na em bel-hat nogut tru na em i tokim ol olsem.

Yupela i givim em i no tru. Mining bilong Y2K em i isi tru. Ok yupela ol longlong mama na meri, harim na bai mi tokim yupela mining bilong Y2K. Mining bilong Y2K em i olsem yes to Kanage.

Na taim ol i harim olsem ol lap nogut tru na tokim Kanage olsem yu wanpela paps stret. Na

Kanage harim olsem na bekim long ol olsem "You all look like me" na em tekov.

Rassel Sap Vanimo

Kanage i save wok olsem ambulens draiva long Hagen haus sik long wanpela nait wanpela wasman bilong wanpela sik meri, em i nogat rum bilong slip. Em i go, insait long ambulens na kilim skin long slip i stap. Nau long 4 kilok moning wanpela telipon i kam long ples balus Kagamuga olsem wanpela mama i laik karim.

Dokta i tokim Kanage long ron i go long Kagumua na Kanage siksti i go daun na long namel long rot wasman ya kirap long slip na em i mekim nais. Kanage lukim pinis long glas visen mira na em i save olsem wanpela devol o tambaran i mas stap insait long ambulens.

Em i stopim ka na kalap i kamaut. Na semtaim wasman i ting olsem i gat rot blok long rot na em i bihainim Kanage na tupela i ron long dabol kofi plentesen i go daun long haus bilong ol meri Yamuga. Kanage i brukim dua bilong wanpela haus na go insait na wasman bilong haus sik i bihainim em i kam insait na kwiktaim em i kisim tamiok na i laik katim em, tasol em i tok em i no tambaran na Kanage i krosim em nogut tru, em lusim em long hap na draivim long Rembo.

Em i bungim gelpren bilong en, na kwiktaim meri putim han bilong en long trausis poket bilong en tasol poket i go daun moa yet na meri i holim malio na kwiktaim. Em i rausim han bilong en.


Kanage kirap na tokim meri yu kisim mani ahi! Meri ya sem pipia na tekov.

John Pi Mt Hagen

Kanage bilong Hagen. Dispela taim em taim bilong bikipela drai sisen ya na tupela Junia i laik mumu. Tupela kukim ston na painim sampela kaikai long moning. Ston redi long hot san stret na tupela kam bek long mumu ples. Junia pilim pekpek na em i no toksave, nogat, em go toilet long as bilong banana klostu long mumu ples. Paps Kanage i no save. Em redim olgeta samting pinis san hat stret nau na em pilim hat na laik malolo liklik. Em go stret long we Junia toilet long en. Paps Kanage go sindaun pinis na laik putim han long graun beksait long em long kisim gut win. Tasol em pilim olsem em holim wanpela samting hat, malomalo na wel long en, em ting wanem na kisim na lukim, kirap nogut em singaut. "Kaiye pekpek ya, em kam we?" Taim Kanage lukim pekpek em les tru na em i laik klinim hariap olsem na em lus tingting olgeta long hat ston klostu long em. Kanage klinim antap long hat ston stret na han bilong em paia lait.

Em painim wara long kolii: han tasol drai taim na nogat wara klostu. Kanage pilim bikipela pen na em pasim ai na subim han long maus na dastim long bikipela wara. Sori paps Kanage, neks moning em stap long haus sik wantaim hangre na pen bikos em yet asua.

Gabriel Jack Minj, WHP.



Nogat kaikai bilong rifom sistem long Hagen

Dia Edita,
Mi wanpela lokol level gavman kaunsela. Na mi laik autim wari bilong mi long gaiman bilong tude. Wari bilong mi i go olsem, gavman i wokim bikpela giaman politikis na tok long rifom. Na tu rifom bai go stret long ol LLG kaunsel eria.

Tasol kaikai bilong en i no kamap yet.

Las tupela yia i go pinis nating na mipela long Dei LLG bilong WHP i no kisim wanpela samting.

Na long dispela yia sapos wankain samting i kamap bai mipela olgeta kaunselas bilong Dei LLG bai lusim wok long WH Gavman. Long wanem WH provins Gavman tu i no givim helpim long mipela Dei LLG. Mi yet mi wanpela kaunsela na mi tok strong

bikos, las tupela yia baset bilong Dei i go antap long K2 milien em bilong 97, 98, 99.

Tasol nogat kaikai na tu mipela i no kisim wanpela toksave long PEC long WHP olsem na mi tok gavman bilong Pater Robert Lak i no bihainim gut lo bilong rifom o nesanel gavman i no bihainim gut lo bilong rifom.

Olsem na mi askim gavana bilong WHP Pater Lak long bekim dispela pas bilong mi.

Sapos Pater Lak i nogat plen bilong rifom. Wanem taim bai em i wokim gut plen bilong WHP rifom plen.

Em tasol na mi askim olgeta pipel bilong Dei long sapatim pas bilong mi.

**Kaunsela John Ruri
Dei LLG, Mt Hagen**

Giaman long awenes

Dia Edita,
Mi wanpela stail mangi, ol i save kolim Robin Kungfu man, na mi laik autim wari bilong mi i go olsem. Long las yia i bin gat wan wan grup bilong awenes. Ol i bin holim long ol ples insait long Buka, na ol i bin toktok long:

1. Noken dring hombru moa;
2. Yumi mas noken pilai laki pinis na pinis; na
3. Yumi mas luksave long narapela na bel gut long em.

Ol dispela toktok i no liklik toktok long awenes. Ol bikpela toktok tasol ka bilong ol awenes grup i bin bam olsem na olgeta lain i kisim bagarap

long dring hombru, pilai laki bek. Na tok long awenes gen i go bam. Ol lain i save mekim awenes yet i go het na dring hombru, pilai laki, na kros pait.

Na mipela i save tingting olsem, we stapim dispela tok tambu ol awenes grup i bin putim. Mi toktok long wanem insait long ailan "Letana" tok tambu bin stap tasol popaia na i bam. Mi no save long narapela provins, ating ol i bihainim gut ol awenes tok-tok bilong ol. Tenkyu.

**Diey Jay
Haku Area**

VAT em as bilong olgeta hevi long kantri

Dia Edita,
PLIS inap yu givim mi spes long pepa bai na mi i ken autim wari bilong mi long niuspepa na publik i ken lukim na autim tingting bilong ol.

Mi wanpela grasruts man long ples o bik bus long Nebilyer ausait long Mt Hagen siti, WHP.

Wari bilong mi i go olsem. Taim VAT bilong Gavman i kam insait long yangpela kantri Papua Niugini em i bringim moa hevi antap long olpela hevi we strong bilong kina i pundaun. Bikos yangpela kantri Papua Niugini i no redi gut yet long kisim dispela kain taxis.

Dispela VAT i kilim mipela ol turangu lain o grasruts manmeri wansait stret. Mipela pilim bikpela pen olsem mama i pilin pen long karim pikinini. Mipela pilim pen long prais bilong ol kaikai long stua i go antap moa yet long olgeta de, mun na yia, skul fi bilong ol pikinini i suruk i go antap yet. Rot blok long olgeta hap kona bilong rot. Olgeta tred stua long ples i pas o bruk daun.

Banis kakaruk nau i wok long sot olgeta. Lo na oda hevi i go bikpela. As em VAT tasol i kamapim. Gavman i mas long-long pinis ya. Hevi bilong strong bilong kina i pundaun pinis na mipela kisim taim stret.

Tasol wai na Gavman bringim narapela hevi olsem VAT na kilim mipela ol grasruts manmeri long ples.

Mi bilip dispela VAT i no bilong ol bisnis manmeri.

Em bilong mipela ol turangu lain o grasruts manmeri long ples. Dispela hevi em bikpela hevi na gavman i no marimari long mipela liklik. Wanem taim bai wanpela gavman i mekim mipela amamas liklik. Olgeta gavman kam i go i wan kain tasol. Mi yet mi lukim long ai bilong mi long ples na mi wari tru na tu mi sori tru long husat pikinini i winim spes long hai skul i no go bikos long hevi bilong skul fi. Ol trad stua i bruk daun o pas bikos long prais i go antap. Na tu long ol banis kakaruk, rot blok long PMV ka na kisim ol kago

bilong ol pasendia.

Dispela hevi em VAT tasol em i as tru long olgeta hevi. Mi askim Morobe Gavana Luther Wenge long pait strong na rausim dispela sik nogut tru we i laik kilim olgeta liklik manmeri long ples.

Na tu mi askim olpela Prais Minista Bill Skate.

Taim yu stap Prais Minista yu tok promis olsem dispela Gavman bilong yu em Gavman bilong ol grasruts manmeri? Tru o laka? Nogut yu giaman. VAT i kam long sevim mipela grasruts o gavman? Save i stap long yu. Mi ting dispela VAT em bilong mi stret ya.

VAT i bagarapim sindaun bilong mi na mi rait i kam long Wantok Niuspepa. Na yu husat brata, susa na kandre i laik bekim pas em i laik tasol, rait i go long Wantok na bai mi lukim na amamas.

**Tano Wati
Mt Hagen**

Apim pe

Dia Edita,
Mi laik sapatim pas bilong brata ya, Victor Pongan em i bin rait long las wik Wantok Niuspepa.

Yes brata Pongan Victor mi sapatim pas bilong yu, na mi laik toktok long ol gavman i mas lukluk long pe bilong ol grasruts wokmanmeri long olgeta provins. Na apim pe. Pe bilong ol i mas i go antap liklik olsem K150 o K200 em i moa gutpela. Na tu prais bilong ol kaikai i go antap tumas na ol wokman ol i kisim liklik mani tumas. So ol gavman yupela i mas tingim ol turangu ol grasruts lain ol i save painim hat tru long baim ol skul fi long ol skul mangi bilong ol.

Sapos yu husat i laik sapatim mi, rait tasol long Wantok Niuspepa.

**Sebastian Kolwom
Lumi, Sandaun provins**

Holim strong wok, pris bruta na sista

Dia Edita,
Mi yet mi pikinini Sepik. Mi lukim olsem, ol pris bruta na sista, i no holim strong wok bilong ol.

Plis ol brata na susa, yu ting dispela em singaut bilong God long bel bilong yu, holim na inapim inap taim yu dai. Sapos yu ting singaut bilong God long yu marit. Okay noken sanap long ai bilong mipela ol publik na mekim promis.

Na bihain yu lusim dispela gutpela waitpela kolos. Las tok, noken bosim yu yet na bihain yu painim olsem dispela i no singaut bilong God long yu.

Tenkyu. Mi amamas tasol long lukim na bekim bilong yupela.

**Stanley Kumu
Wewak**

Morobe Savings na Loan bai pas gen

Dia Edita,
Mi wanpela mangi long ples na mi laik sapatim pas bilong brata Kunai Bwai i bin kamap long Wantok Niuspepa long 9/12/99.

Yes, brata ya i tok em i no amamas long lukim olpela menesa bilong Lae Industrial Savings na Loan Sosaiti nau i kam menesa long nupela Morobe Savings na Loan Sosaiti gen. Mipela planti grasruts manmeri long Morobe i lukim na harim long nius olsem.

Dispela nupela Savings na Loan Sosaiti

ya i bilong ol Morobe pipel. Na mipela i laik tok olsem kain toktok olsem brata ya i bin tok i mekim mipela sampela pipel bilong Morobe i pret. Mi laik autim wari bilong mi i go long Gavana bilong Morobe olsem. Yu mas lukluk gut na makim man long lukautim dispela Savings na Loan Sosaiti. Mi ting olsem ating dispela Savings na Loan i kirap long pasin politik na bai pas gen long pasin bilong politik tasol. Gavana bilong Morobe i mas senisim menesa bilong Savings na Loan Sosaiti.

Markham Kunai

Luther Wenge kisim salens

Dia Edita,
Mi askim Wantok Niuspepa long givim mi spes long putim wari na tingting bilong mi.

Wari bilong mi i olsem, Gavana bilong Morobe Luther Wenge i bin givim toktok bilong en long krisimas na bilong niu yia long radio Morobe.

Gutpela toktok bilong en long ol pipel bilong Morobe i ken harim na hamamas tasol mi yet wantaim ol arapela i no hamamas long skelim bilong mani bilong en i go long misin/sios insait long Morobe provins.

Gavana Wenge i tokaut olsem, em i givim K100,000 i go long Luteran sios na K10,000 putim i go long wanwan kaunsel long ol arapela sios i ken yuseim long wanem lotu program i ken ranim.

Dispela skelim bilong mani bilong gavman i go long ol sios i no stret.

Sapos Gavana laik givim mani mi ting, em i mas givim wankain mani long wanwan sios o misin we i gat nem Luteran, Katolik, Foursquare, SDA o wanem misin i stap long Morobe.

Dispela K10,000 putim i go long wanwan kaunsel eria na sampela misin tasol i kisim na sampela bal nogat em bai olsem wanem? Em wari bilong mi.

Husat brata o susa i laik sapatim o i no laikim dispela tingting na wari bilong mi, yu rait tasol i kam long Wantok na mi ken lukim.

**Mansi Ku
Wau**



• Lent em taim bilong sori long sin pasin, tanim bel na go bek long God.

Ol Sandaun lida kisim salens

Dia Edita,
Mi wanpela mangi lsewany mix Tumolbil long Telefomin distrik tasol nau yet mi skul i stap hia long Tabubil. Mi skelim pasin bilong olgeta memba bilong Sandaun i mekim i no stret long ia bilong ol open memba na Gavman wantaim.

Bipo ol i no kamap memba yet ol kirap na krai krai long ol manmeri olsem sapos yupela votim mipela na mipela kamap memba em bai mipela wokim boda haiwe long Vanimo i kam olgeta long Telefomin na i go olgeta long Iran Jaya na kam go olgeta

long Tabubil na go olgeta long Sauten Hailans. Tasol dispela plan ol bin mekim long wokim dispela haiwe ya em no kamap na ol papamama bilong mi i no ron long ka yet.

Mi laik askim ol memba long sore long ol papamama bilong mi i bin hat wok nating long votim yupela long bikpela san.

Ol dispela memba i bin krai ya em Robert Sakias wantaim John Tekwie, Andrew Kumbakor Plis yupela ol dispela memba ya tingting gut pastaim na kamap memba bilong pipel.

So sapos yupela laik kisim samting kam insait long provins, yupela mas wokim olsem ol memba bilong narapela provins i save wokim. Yupela mas kisim kain man olsem Sir Mekere Morauta nambaut kam long provins bilong yupela na tokim em olsem mipela laikim dispela kain samting mas kamap long provins bilong mipela.

Sapos yu husat laik sapatim o egensim rait tasol kam long Wantok Niuspepa.

**Natex Aturam
Tabubil**

Philemon Embel kisim sapot

Dia Edita,
Mi save ritim Wantok niuspepa olgeta Fonde na amamas long lukim ol tumbuna stori, Kanage stori, na laiplain tu. Tasol mi laik serim dispela liklik hevi bilong mi hia olsem.

Planti toksave pulumapim stret bilong memba Philemon Embel i no wokim sampela samting long ilektoret.

Mi laik tok olsem husat yupela save raitim pas i no save i stap gut long ples na glasim gut wok bilong memba pas-taim na toktok.

Sapos yu laik komplem okay noken i stap long narapela provins o distrik bilong PNG.

Sapos memba i no wokim wok long 15 yia em rong man. Wai na yupela pasim ai long votim em. Ol man save wok na kisim kaikai long gaden. Yupela Nipa Kutubu wok tasol wanem taim tru bai yupela kamautim

kaikai?
Nipa Kutubu plis traim na stap isi long ples. Memba em sem long pasin bikhet bilong yupela pinis. Mi bilip Philemon Embel bai tingim yupela so lusim bikhet pasin long rot na ples.

Bikman-antap i mas les long yupela bai kisim sevis bilong Gavman bikos pasin ol bikhet man i save mekim long pablik i no gutpela tumas. Bikhet bilong Nipa mekim na ol Tari, Kopiago, Koroba, Mendi, Margarima na PNG save kisim taim.

Sapos yupela i no wanbel long memba nau yet orait yupela i ken painim nupela man long 2002. Ki bilong go long hausman long Mosbi em ol ples lain i holim. Harim Philemon i ken kamap memba bilong ol Kekeeni, Tolai, Kerema, Australia

Matt Dedeboit Oleya Banz, EHP.

Sapos yu laik salim ol pas bilong yu i kam long dispela niuspepa. Salim i kam long dispela adres:

**THE EDITOR
WANTOK
NEWSPAPER
PO BOX
1982,
BOROKO,
NCD.**

Noken komplem tumas long sevis

Dia Edita,
INAP yu orait long mi ken putim dispela liklik wari bilong mi insait long pepa bilong yu?

Mi wanpela manki Pangia insait long Sauten Hailens provins na nau mi stap long Wopa kantri. Mi laik bekim pas bilong sampela brata husat i save rait insait long Wantok niuspepa na komplem tumas long memba bilong yumi. Mista Roy Yaki i no blokim rot i go daun long Pangia.

Plis, yumi i noken putim dispela kain wari gen bikos Roy Yaki i no manki bilong yu na bai harim tok

bilong yu. Em bikman tumas na em bai harim toktok bilong ol bikman tasol.

Yumi ol manmeri bilong Pangia, yumi mas yusim gut het bilong yumi na makim wanpela rait lida na bai yumi kisim gutpela sevis. Yumi i noken tingting tumas long bel. Yumi mas tingting long ol gutpela sevis olsem rot, bris na ol arapela sevis long laip bilong yumi.

Sapos yumi bin yusim gut het bilong yumi, em yumi i no inap long komplem olsem nau. Yumi wok long wokim i stap. Na tu ol

saveman bilong Pangia, yupela i noken paulim ol manmeri.

Larim wanpela o tupela man i mas sanap long 2002 na givim sans long ol nupela man.

Olsem na yumi i noken komplem tumas, bikos rong i no i stap long Mista Roy Yaki, rong i stap long yumi, olsem na yumi wok long krai long gutpela sevis.

Husat yu laik surukim moa liklik, em orait long yu ken mekim.

**W. JKay. Pangeeps
Lae, MP.**

Rausim nupela bos bilong Lae Industrial Savings na Loan Sosaiti

Dia Edita,
Mi laik autim wari bilong mi i go long pablik olsem. Dispela wankain menesa tasol em i bin paulim na bagarapim ol pipel bilong Morobe i kam bosim Morobe Savings na Loan Sosaiti gen.

Mipela olgeta pipel bilong Morobe bipo i bin memba wantaim Lae Industrial Savings Loan Sosaiti bai yusim memba sip kat bilong olpela long kisim dinau manki long dispela nupela Morobe Savings na Loan Sosaiti. Long wanem wankain menesa

na em i mas save long win mani bilong mipela long olpela Lae Industrial Saving na Loan Sosaiti. Nogut em bai bringim olgeta pipia bilong olpela Saving Loan i kam bungim wanpela nupela Saving Loan na bagarapim wok bilong dispela nupela Savings na Loan Sosaiti. Insait long kantri olgeta i gat planti kon man i stap. Yu husat i laik sapatim o egensim rait tasol long Wantok Niuspepa.

**M. Alex
Lae**

Memba bilong Aitape Lumi kisim salens

Dia Edita,
Mi i no amamas long memba bilong Aitape Lumi Open Eddie Saweni long wanem em i tok promis long Aitape Lumi Open olsem em bai mekim sampela wok kamap.

Tasol em i no mekim sampela wok kamap insait long dispela 2-pela yia 1998-1999 na nau 2000 i painim mipela nau na i nogat sampela developmen i kamap long Aitape na Lumi.

Orait mi apil long yupela ol votas bilong Aitape Lumi Open olsem long 2002, Gavman i laik makim nupela memba o kendidet plis yu noken tru long toromoi wanpela x bilong yu long wanpela bilong ol dispela kendidet, inap dispela kendidet i kam baim dispela X bilong yu orait yu i ken makim X bilong yu sapos nogat em nogat.

Na yumi wanwan votas bai yumi askim wanwan kendidet long baim X bilong yumi long dispela mak mani. Em long K100 bikos dispela X bilong yumi ol votas bai givim em bai gat gutpela sindaun na em bai lus tingting long mipela ol pipel bilong em na em bai i no inap mekim sampela wok kamap.

Sapos yu husat i sapatim dispela tingting bilong mi orait yu rait na sapatim mi long dispela.

**Raphael Wex
Wewak, ESP.**

Watpo Lutheran Siping i no mekim ron long Aitape na Vanimo

Dia Edita,
Mi wanpela manki Sandaun tasol nau mi i stap long Lae siti.

Na nau mi laik sapatim pas bilong brata ya Michael Yifei em i tok long ol sip i no save ron namel long Aitape na Vanimo.

Em long Rita na Momase. Long wanem as na yupela ol gavman na siping kampani i no save lukluk long mipela ol boda pipel. Ating yupela ting mipela i nogat inap manmeri ya.

So mi laikim bai yupela ol gavman na siping kampani long tok wanem long mipela nau. So mipela Sandaun pipel save painim hat tru long i go bek long ples o provins bilong mipela. Long

wanem kago sip olsem Umboi na Nagada i no save mekim ron i go long Aitape na Vanimo.

Olsem na mipela save painim hat tru long i go kam.

So em tasol liklik wari bilong mi. Na yu husat laik sapatim o egensim em mi amamas tasol long lukim na ritim.

**Austin Wolinin
Lae**

Daunim prais

... bilong Besta tin pis

Dia Edita,
INAP yu givim mi wanpela liklik spes long Wantok Niuspepa long putim kamap wanpela komplem bilong mi.

Mi laik putim dispela komplem bilong mi i go long PNG gavman na ol kampani bilong wokim tinpis besta na ol Konsumas Afes bilong kantri olsem. Nau yet mipela planti o pipel kantri em ol grasruts na ol i nogat mani bilong baim tinpis moa taim prais bilong besta i go antap tumas. Besta em wanpela abus bilong ol grasruts i save baim long stua na mipela ol grasruts i safu tumas. Dispela i luk olsem gavman i no wari na tingim ol turangu ol grasruts.

Mi yet mi save olsem Besta ol i save wokim long PNG. Yet bilong wanem wai na prais bilong em i go antap tumas? Olsem na mi laik askim PNG gavman sapos em inap long daunim prais bilong Besta. Yu husat grasruts man o meri i laik sapatim dispela tingting. Yu welkam tasol long rait long edita bilong Wantok Niuspepa.

**Willie Chris
Nuku, Sandaun**

... bilong ol kaikai


Dia Edita,
Mi sapatim pas bilong brata Gnansong G long Wantok Januari 27, 2000 em i tok em i gat hevi long ol prais bilong ol samting long stua. Em i tru mipela olgeta Papua Niugini laikim dispela senis mas kamap. Plis ol memba bilong mipela long palamen harim krai na singaut bilong mipela pipel.

Gavana bilong Morobe Luther Wenge tasol harim krai bilong pipel na tok pait wantaim gavman i stap. Plis ol narapela Gavana tu mas sapatim Mista Wenge na pait hat long dispela samting.

Nau long sili, o taun, na ples tu planti raskol pasin bikpela tru long wanem as em prais bilong olgeta samting i go antap. Na tu planti rot blok long haiwe rot, stilim ol kago, mani na brukim haus na kisim ol samting long ples tu. Olsem gavman bilong mipela plis harim krai na helpim pipel.

Em tasol liklik wari bilong mi husat laik sapatim o egensim rait tasol long Wantok Niuspepa na bai mi lukim.

**Timon Batupako
Lae**



• Projek Menesa bilong Highland Pacific Limited bilong Madang i soim riha-bilitesen wok long Kurumbukari. Husat bai sapatim dispela progrem taim kampani i go bek long kantri bilong ol.

God na laip

Dia Edita,
LAIP bilong dispela graun em planti ol kain kain hevi i save bungim em, Job 5:5-6, 7:7.

Hevi bilong sik, sua, birua, wari, taim nogut, dai, kaikai i sot, nogat mani, nogat kolos, tingting paul, na planti moa ol arapela hevi nogut.

Long sait bilong God em ol dispela kain ol hevi nogut olsem i nogat stret.

I tru God i save salim ol dispela kain hevi long daunim pasin nogut bilong sin long laip

bilong manmeri, Genesis 6. God tu i gat olgeta bikpela strongpela pawa tru na olgeta kain save we save manmeri bilong dispela graun i nogat.

Olsem na God i ken helpim yumi husat ol manmeri i save bungim ol dispela kain hevi nogut tru, Matyu 11:28.

God tasol i bin wokim laip na em i save gut tumas long seve saintis dokta long putim laip long rait hap olgeta taim, Genesis 2:7.

Olsem na bilong wanem bai

laip bilong yumi i painim ol bikpela kain hevi, na yet yumi i no kisim i go long God bikpela Jisas long stretim na pinisim, Jon 14:6.

I nogat wanpela hevi i save daunim God nogat. God tasol i save daunim ol kain kain ol hevi long laip bilong ol manmeri na pikinini.

So go long Jisas wantaim hevi yu i gat long en tude.

**Philip A Prais
Vanimo**

Noken sekim Sauten Hailans Gavman

Dia Edita,
Mi wanpela mangi long Sauten Hailans tasol nau mi i stap long Lae, Morobe provins.

Wari bilong mi olsem, mi harim long niuspepa olsem Minsita bilong Provinsel na lokal gavman bai sekim Sauten Hailans na mi wari tru long dispela nius sekim Sauten Hailans gavman. Long wanem bipo long 1975 i kam inap 1996 mi no bin lukim sampela senis long provins bilong mi long nau 1997 i kam inap long 2000 i gat planti senis i kamap long Sauten Hailans Provinsel Gavman olsem na mi bilip olsem Gavana bilong mi Mista Anderson Agiru wantaim gavman bilong em mekim pipel bilong Sauten Hailans hamamas tru. Na mi bilip olsem ol memba bilong mipela, ol lain bilong harim krai bilong pipel na kirapim Sauten Hailans na tu long Papua Niugini wantaim. Mipela harim Minista bai sekim Sauten Hailans Provinsel Gavman na mipela wari long dispela nius. Olsem na Minista bilong provinsel na lokal gavman plis harim wari na krai bilong mipela pipel bilong SHP wantaim PNG tu wan kain.

Em tasol na sapos husat laik sapatim o egensim rait tasol long Wantok Niuspepa.

**Timon Batupako
Lae**



MADANG EBEN LOKOL LEVEL GAVMAN

Madang Urban Local Level Government, PO Box 2107, Madang Province

Dia Meya,

RE: TOK ORAIT LONG OL LO BILONG MADANG EBEN LOKOL LEVEL GAVMAN

Mi yet, Andrew Kumbakor, Minista bilong Provinsel na Lokol Level Gavman Afeas wantaim pawa bilong mi olsem minista insait long Mama Lo bilong Provinsel na Lokol Level Gavman i tokaut olsem aninit long seksen 140 mi tok orait long ol nupela lo bilong ol Madang Eben Lokol Level Gavman. Ol dispela lo em bai stat long taim yupela i kisim dispela leta.

1. Lo bilong tromoi Pipia
2. Lo bilong salim samting long pablik ples
3. Lo bilong Sanitesin na rausim Rabis
4. Helt Inspeksen Lo
5. Lo bilong kontrolim ol kar long ol Paks
6. Lo bilong putim namba long haus na nem bilong strit
7. Lo bilong Katim Gras long ai bilong haus na ples bilong wokabaut
8. Lo bilong registarim ol dok
9. Lo bilong kamapim trabel long pablik hap
10. Lo bilong registarim na putim namba long ol haus wantaim ol man husat i stap long en na wok bilong ol
11. Lo bilong Kontrolim na lukautim ol matmat
12. Lo bilong lukautim ol ges na ol arapela samting i save paia lait
13. Lo bilong lukautim ol pablik propeti
14. Lo bilong Registarim ol boding haus, ol flet na ol arapela biding
15. Lo bilong spot fains
16. Lo bilong Kontrolim na lukautim Ples bilong tromoi pipia
17. Lo bilong yusim ol pablik strit na risev graun
18. Lo bilong kontrolim ol buai maket na long kaikai buai
19. Lo bilong Takis bilong graun
20. Lo bilong Takis bilong haus

Ol fain i noken abrusim K100 na taim bilong stap long kalabus i no ken abrusim sikspela mun.

HON. ANDREW KUMBAKOR, MP,

ANTON YAGAMA, Town Clerk,

HON. STEVEN AMANASIK, Mayor



Wiken Spot Dro

PORT MORESBY RUGBY UNION

PRE-SEASON 15'S

Bava Park

Saturday March 25, 2000

11.00	Wanderers vs Harlequins	(Team 2)
12.15	Defence vs Skallain	(Team 2)
01.30	Wanderers vs Harlequins	(Team 1)
03.00	Defence vs Skallain	(Team 1)

Sunday March 26, 2000

11.00	Uni vs Royals	(Team 2)
12.15	FinPac vs Telkom	(Team 2)
01.30	Uni vs Royals	(Team 1)
03.00	1RPIR vs Telkom	(Team 1)

NATIONAL CAPITAL DISTRICT VOLLEYBALL ASSOCIATION

YEAR 2000 PRE-SEASON FINALS

Sir John Guise Indoor Hall

Saturday March 25, 2000

Court 1		
09.00	Elvai vs Telkom	WAR
11.00	U-MI-Yet vs Raukele	WAR
01.00	U-MI-Yet vs Scorpions	WA
03.00	NCDC vs Telkom	WA

Court 2		
09.00	Raukele vs U-MI-Yet	MAR
11.00	Mixtures vs Scorpions	MAR
01.00	Elvai vs U-MI-Yet	MA
03.00	Raukele vs Scorpions	MA

- Notes:
 (1). Teams to provide match balls. (Court 2)
 (2). Gate fees K2.00 per head.

HOHOLA SUPER 13 TOUCH COMPETITION

Round 17

Saturday March 25, 2000

Time	Grades	Teams	Referee
09.00am	B	Doggs vs Flames	Ramsy Ou - Texas
10.00am	B	Darkstreet vs Koki	Anthony Haro - Texas
11.00am	B	Paradise vs Ebony	Polex - Darkstreet
12.00pm	B	B.S. Kunai vs Bodalain	D. Lahari - Paradise
01.00pm	B	Cotaga vs Zombies	D. Waituka - Paradise
02.00pm	A	Paradise vs Ebony	Toren Toks - MBA
03.00pm	A	B. S Kunai vs Bodalain	Danny - 3 Mile
04.00pm	A	Darkstreet vs Koki	N. Assiba - Bodalain
05.00pm	A	Doggs vs Flames	Fishy - Sangandes

Sunday March 26, 2000

09.00am	B	Crusaders vs Hoks 3	Tiksie - MBA
10.00am	B	3 Mile vs Zerupi	Kaian - Crusaders
11.00am	B	MBA vs Storms	Danny - 3 Mile
12.00pm	B	McKay vs Texas	D. Lahari - Paradise
01.00pm	A	3 Mile vs Zerupi	Robin - Hoks 3
02.00pm	A	Crusaders vs Hoks 3	Scotty - Cotaga
03.00pm	A	MBA vs Storms	Tati - Zombies
04.00pm	A	Cotaga vs Zombies	Robin - Hoks 3
05.00pm	A	McKay vs Texas	Benny - MBA

OROGEN SCHOOLS SOCCER ASSOCIATION

Saturday March 25, 2000

Opening day march past 8:30 to 9:45

Under 7		
Oval 3		
10:00	Murray Int A vs Murray Int B	
10:40	St Josephs vs Ela Beach	
11:20	East Boroko vs Gordons Int	

12:00	Dame Kekedo vs Bambi
-------	----------------------

Under 8	
Oval 8	
10:00	Murray vs St Josephs
10:40	Noblette vs Ela Beach
11:20	East Boroko vs Gordons Int
12:00	Bambi vs Dame Kekedo

Under 9	
Oval 4	
10:00	Koroboseavs Murray
10:40	Gordons Int vs St Josephs
11:20	Noblette vs Ela Beach
12:00	East Boroko vs St Peters

Under 10	
Oval 10	
10:00	Koroboseavs Murray
10:50	St Josephs vs Noblette
11:40	Bomana vs Ela Beach
12:30	St Peters vs Bambi

Under 11	
Oval 11 A	
10:00	Koroboseavs Murray
10:50	St Josephs vs Dela Salle
11:40	Bomana vs Ela Beach
12:30	St Peter vs Dame Kekedo

Under 11 B	
Oval 11	
1:20	Koroboseavs Ward Strip
2:10	Gordons vs Bambi

Oval 10	
1:20	Pom Grammar vs TBA
2:10	TBA vs TBA

Under 12A	
Oval 2/1	
10:00	Koroboseavs Holy Rosary
10:50	Murray vs Sevese Morea
11:40	St Josephs vs Boreboa
12:30	Bomana vs St Peters

Under 12B	
Oval 2/2	
10:00	Korobosea vs Coronation
10:50	Gerehu CA vs Ward Strip
11:40	Gordons vs Pom Grammar
12:30	TBA vs TBA

Under 13A	
Oval 6	
10:00	Korobosea vs Butuka
11:00	Murray vs St Josephs
12:00	Moitaka vs Bomana
01:00	Holy Rosary vs St Peters

Under 13B	
Oval 6	
02:00	Korobosea vs Ted Diro?
03:00	Ward Strip vs Gordons

Oval 7	
02:00	Philip Aravure vs Waigani Pri
03:00	TBA vs TBA

Under 14A	
Oval 7	
10:00	Waigani vs Korobosea
11:00	St Josephs vs Sevese Morea
12:00	Moitaka vs Bomana

01:00	POMIS vs St Johns
-------	-------------------

Under 14B	
Oval 2	
02:00	Ward Strip vs Philip Aravure
03:00	Coronation vs Ela United
04:00	St Peters vs Holy Rosary
03:00	Bambi vs Gordons (main stadium)

Under 15A Boys	
Oval 1	
10:00	Waigani vs Korobosea
11:00	Boreboa vs Sevese Morea
12:00	Holy Rosary vs MM Lawyers
01:00	Ward Strip vs Gerehu CA

Under 15B boys	
Oval 1	
02:00	St Peters vs Ward Strip
03:00	Philip Aravure vs Ted Diro?
04:00	Waigani Pri vs TBA
04:00	TBA vs TBA (oval 7)

Under 16A boys	
Oval 1/S	
10:00	Waigani vs Hohola Youth
11:00	Moitaka vs St Johns
12:00	MM Lawyers vs Dela Salle
01:00	Bomana vs POMIS

Under 16B boys	
Oval 1/S	
02:00	Kila Kila Sec vs Holy Rosary
03:00	Ela United vs Ward Strip
04:00	St Peters vs Don Bosco
04:00	Gordons Sec vs Goldie River (oval 6)

Sunday 26th, March 2000

Under 17A Boys	
Ground 1	
08:00	Butuka vs Maino Heduru
09:00	Laloki HS vs Hohola Youth
10:00	St Peters vs Dela Salle
11:00	POMIS vs Coronation

Under 17B Boys	
Ground 1	
12:00	Ted Diro? vs Holy Rosary
01:00	Don Bosco vs Gordons Sec
02:00	Goldie River vs Kila Kila Sec?
03:00	Ward Strip vs Tokarara HS

Under 17A Girls	
Ground 2	
08:00	Ward Strip vs Hohola Youth
09:00	Boreboa vs Sevese Morea
10:00	POMIS vs St Peters
11:00	Coronation vs Gordons Sec

Under 17B Girls	
Ground 2	
12:00	Ted Diro? vs Kila Kila Sec?
01:00	Laloki HS vs Hohola Catholic Secondary
02:00	TBA vs TBA
03:00	TBA vs TBA

Under 15 Girls	
Main Stadium	
08:00	Korobosea vs Sevese Morea
09:00	Bomana Pri vs Butuka Pri
10:00	Ward Strip A vs Pom Grammar
11:00	Ward Strip B vs TBA





WANTOK SPOT



BOUGENVIL SOKA RIPOT

Bougenvil wari long PNGFA i no luksave long en

FRANCO NEBAS i raitim

BOGENVIL Soka Asosiesen (BSA) i laik save long wanem rot tru Papua Niugini Futbol Asosiesen (PNGFA) i bin makim nesene tim bilong ol.

Teknikol Edvaisa bilong (BSA) Justin Helele i mekim dispela singaut bihain long PNGFA i no luksave long ol pilaia bilong Bogenvil Soka Asosiesen.

Mista Helele i tokim Wantok long dispela wik ol olsem, long wanem rot tru PNGFA i makim ol skwat bilong ol.

Em i tok Bogenvil i bin kamap namba tu long resis bilong PNGFA Kap we ol i eksekutiv o selekta i bin makim sampela pilaia long stap long skwat.

Tasol bihain long skwat i go long trena kem, ol i painimaut olsem dispela ol pilaia ol i makim i no i stap insait long dispela trening kem.

Dispela i lukim ol eksekutiv bilong Bogenvil Soka Asosiesen i no amamas.

Helele i tok ol i westim bikpela mani tru long kamap long dispela PNGFA Kap resis long Lae long winim hap diwai we i no gat gutpela kes prais.

Na wanem samting PNGFA i mekim. Bilong wanem ol i kisim ol pilaia bilong mipela em ol i redi long kamap long trening kem, na kirap nogut olsem ol i no stap long lista.

Bogenvil eksekutiv i askim PNGFA long tok gut long wanem rot tru ol i makim ol pilaia long Lae na Mosbi tasol.

"Sapos Bogenvil i kam salim skwat i kam long PNGFA tonamen, mipela i no lukim em wanpela hevi long PNGFA kisim ol pilaia bilong mipela i kam long trening kem, em i tok.

O sapos dispela PNGFA nesene tim bilong ol anda 23 tasol, bilong wanem holim ol tonamen. Dispela em westim taim na mani.

Mista Helele i tok long dispela hevi ol eksekutiv bilong Bogenvil Soka Asosiesen i tingting long i no affiliate i go long PNGFA long dispela ol i ting bai westim taim na mani long wanem nogat gutpela luksave long ol pilaia bilong ol.

Long wankain taim yet, Helele i tok ol i painim ol sampela rot pinis long pilai wantaim ol arapela Pasifik Ailan provinsal tonamen.

Helele i tok sapos PNGFA i tingting long developim soka na kamap strongpela tim em taim na ol i mas pulim sok na mekim samting stret.

PNGFA makim Melanesian soka skwat

HENRY MORABANG i raitim

TRIPLELA nupela pilaia bai soim pes namba wan taim long makim PNG long kik insait long ol intanesenel soka tonamen.

Ol pilaia em Jacob Awat (Kimbe), Vincent Sili (Kimbe) na Tapas Posman (Pot Mosbi) husat i stap insait long 20-man soka skwat bilong makim PNG long Melanesian Kap soka resis long Fiji.

Ful skwat em David Aua, Tapas Posman (golkipa) Hans Fred, Clinton Caleb, Douglas Ririan, Masi Ngaya, Peter Paliwa, Itaupe Heai (difenda), Geoff Emang, Joe Aisa, Richard Daniel, Steven Mali, Ken

PNGFA RIPOT

Gule, Jacob Amat, Taku Niebo, Paulo Patterson, Paulo Patterson (midfil) John Kaling, Isaiiah Jonah, Vincent Sili, Mayap Francis (straika)

Nesene kosa na ol selekta i singautim bek Peter Paliwa bilong Guria klab long Lae. Paliwa em wanpela gutpela pilaia husat i kisim ples bilong Duri Yarawi husat i aut long tim.

Yarawi em wanpela strongpela pilaia husat i save holim beklain bilong Rapatona soka tim long Pot Mosbi, tasol dispela yia, em i no laki tumas long ai bilong ol selekta na nesene kosa John Davani.

Arapela bikpela senis tu em Willie Bera, wanpela sempion golkipa insait long kantri em i aut. Ol nesene selekta i makim tupela yangpela golkipa David Aua na Tapas Posman bikos ol i ting dispela tupela pilaia bai karim nem long bihain taim. Tapas em yangpela brata bilong olupela nesene kosa kosa Kisaku Posman.

I bin i gat planti ol toktok i kamap long seleksen bilong Francis Moyap. Wanpela soka sapota i ting Moyap i no save pilai gut olsem bipo bikos long bagarap long lek bilong em ya.

Em i tok olsem Moyap na wanem ol pilaia husat i hatim ol bagarap long skin bai raun olsem pasindia i go holide long Fiji.

Bipo PNGFA i mekim wankain pasin taim Moyap husat i kisim bagarap bihain long namba wan gem egensim Nu Silan we PNG i win 1-0 long stap insait long tim i go long Nu Silan na Fiji.

Insait long ripot we Wantok i bin kisim, Moyap i no bin kamapim gutpela pilai we i ken helpim PNG i winim ol gem bikos em i kisim bagarap long skru bilong em.

Na tu long Melanesian Kap long Vanuatu, Moyap i no pilai gut tumas we PNG inap winim planti ol gutpela gem tasol em i save danis na i no save skorim gol.

Dispela soka sapota i tok Francis Moyap em i gutpela pilaia tasol ol selekta i mas traim lukluk long ol sampela yangpela pilaia tu.

PNGFA i makim Max Foster bilong Lae olsem kosa bilong ol golkipa na tu namba tu tim menesa. Bipo PNGFA i save givim dispela wok long Robert Popat husat i save holim wok olsem namba tu kosa long ol nesene tim.


Robert Popat nau bai kisim wok olsem kosa bilong ol meri. Tasol Popat i wetim yet wanpela pas i kam long PNGFA long soim olsem ol i gat laik long kisim em olsem wimens kosa.

Kosa Davani i tok tim bilong em i yangpela na tu i gat eksperiens. Planti ol pilaia em bilong anda 23 tim na tu ol sinia pilaia.

Ol yangpela pilaia olsem Gule, Awat, Tapas, Jonah, Sili na Patterson bai stap pilai namel long ol bikman olsem Emang, Aisa, Paliwa na Moyap.

Davani i tok em i no laik mekim planti toktok tasol PNG bai traim kamapim gutpela pilai long mekim PNG i amamas.

Dispela nesene tim ya bai holim fainel trening bilong ol long Pot Mosbi na bihain ol bai lusim kantri long Epril 4 na go olsem long Brisbane, Australia na bihain go long Fiji.




• Bikpela fowat bilong Brothers Fobin "Fitten" Kafie i taitim bun long brukim defens bilong De'obo Warriors insait long Pot Mosbi ragbi lig resis las Sande. Brothers win 26-22. Lukim stori long pes 14. Foto: Isaac Ikuavi.

Em i Gutpela Em i Tuna Em i bilong PNG stret...



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tim.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.



25th & 26th MARCH 2000

SIR IGNATIUS KILAGE

SPORTS COMPLEX LAE

BAIM PNG MADE

KAMAPIM MOA WOK

Trade Fair bai i kamap gutpela - Golding

THEO THOMAS i raitim

PRESIDEN bilong Manufacturers Council bilong PNG Wayne Golding tok em save olsem dispela Trade Fair em stat long tomoro bai i kamap gutpela stret.

Mista Golding tok dispela trade fair bai ron aninit long nem Manufacturing Beyond 2000.

Long taim tred fe i bin stat, ol i save holim long Pot Mosbi tasol. Tasol long las yia, ol dairekta bilong Manufacturers Council i bin bung na pasim tok long holim trade fair bilong 2000 long Lae.

"Dispela desisen bilong holim Trade Fair long Lae em ol dairekta bilong Manufacturers Council i bin wokim," Mista Golding tok.

Mista Golding tok ol i bin wokim olsem bilong wokim isi long ol kamapani husat i stap long Momase na Ailan rijen long kam na soim ol samting em ol i save wokim.

Na tu em tok kaunsel i wokim dispela desisen long soim olsem

em i luksave long ol kampani long Momase na Ailan rijen.

Mista Golding tok taim Trade Fair i stat i kam inap nau ol i lukim olsem olgeta krismas, bung bilong trade fair i wok long kamap bikpela. Namba bilong ol lain husat i kam long lukim i wok long go antap yet na tu ol kampani husat i save kam long soim ol samting em ol save wokim i wok long suriksulik i go antap.

"Long lukluk bilong mipela, Trade Fair i wok long kamap gut tru," Mista Golding tok.

"Olgeta yia, ol mani em mipela kisim long geit i wok long go antap. Long 1992, 12,000 manmeri i bin kam long lukim Trade Fair tasol long 1998 moa long 30,000 manmeri i bin kam."

Em tok em bilip olsem dispela mak bai wok long go antap yet. Em tok dispela i soim olsem ol manmeri i gat bikpela laik long lukim ol samting em ol kampani long PNG i save wokim.

Tu em tok ol kampani husat i

save kam long soim ol samting ol i save wokim long Trade Fair i wok long senis senis na dispela i soim olsem ol kampani ya i luksave pinis olsem trade fair em wanpela gutpela so.

Narapela gutpela samting em toktok long en em long ol samting em i wok long kamap insait long Manufacturing Industrial Sector.

"Bikpela sapat na intares i wok long kam long Small to Medium Enterprises (SMEs) husat i stap aninit long Manufacturing Industrial Sector," Mista Golding tok.

Mista Golding tok long dispela as tasol na kaunsel i kamapim wanpela tingting em long givim presen ol kolim long Encouragement Award long ol lain kampani husat i stap insait long dispela grup. Dispela presen em Industrial Center Development Corporation (ICDC) bai baim.

Memba bilong Lae na ministra bilong Transport na Civil Aviation, Bart Philemon bai givim dispela presen i go long wanem kampani


em win long tomoro nait.

Mista Golding tok dispela kain pasin bilong hamamasim ol kampani na sutim bel bilong ol long go het yet long wokim ol wok em wanpela bikpela as tingting bilong kaunsel. Na em tok kaunsel bai traim hat yet long luksave long kainkain rot bilong halivim ol lain insait long indastri.

"Kaunsel i bin wokim kamap pinis planti ol gutpela samting bilong ol memba bilong em na i save wari tru long olgeta memba bilong em maski ol i liklik o bikpela.

"Long nau, kaunsel i gat tingting long kirapim ples we ol kampani long PNG husat i save wokim ol samting i ken go het long wokim ol wok bilong ol na luksave gut long wanem kain strong ol i gat. Dispela em wanpela bikpela tingting bilong kaunsel na kaunsel bai lukluk yet long dispela," em tok.

Ol narapela samting em kaunsel i wok long lukluk long nau long stretim wantaim gavman em long Vocational training, import moni-



• Presiden bilong Manufacturers Kaunsel bilong PNG Wayne Golding.

toring na kirapim gutpela rot bilong wok gut wantaim ol gavman institusen olsem NAQIA, CAC, na NISIT.

Long tomoro nait, Minista bilong Tred na Indastri Micheal Nali bai opim trade fair.

Narapela tupela memba bilong palamen husat bai i stap wantaim em long tomoro nait em Mista Moi Avei na Bart Philemon.

Mista Moi Avei bai givim presen bilong ol kampani husat i win long Best New Product, Best Indoor and Outdoor Exhibit na Bart Philemon bai givim prais bilong Encouragement Award na School's competition.



NIUGINI ELECTRICAL CO. LIMITED

P.O. BOX 1813 Lae, Morobe Pro. 411,
Papua New Guinea
Ph: 472 4787 A/H: 472 37 22
Fax: 472 1461 Fax: 472 5428
Fax: 472 8094

MIPELA SAVE GUT LONG OL PAWA SAMTING

Mipela i gat planti divisen bilong lukautim ol samting olsem:

- Electrical Wholesale**
- Electrical Contracting**
- Switchboard Design and Construction**
- Consultative Services**
- Rewinding and Servicing of Electric motors**
- Generator Repair and Servicing**
- Air conditioning Installation and Servicing**
- Industrial Breakdown Repairs and Maintenance**
- 24 Hour Electrical and Refrigeration Service**

ELECTRICAL HOLSEL

Mipela i hamamas long tok olsem mipela i save wok bung wantaim ol kwaliti saplaias insait long elektrik indastri:-

- Baldor Motor Drives**
- Genaust Power**
- Olex Cables**
- Western Electric Motors**
- Seimens Switchgear**
- Cutler Hammer Circuit Breakers**
- B&R Products**
- Cabac Electrical Products**
- Mitsubishi Contactors & Circuit Breakers**

Niugini Electrical i salim tok hamamas bilong em i go long Trade Fair komiti bilong kamapim PNG Made Trade Fair long Lae long nambawan taim long yia 2000!

Lae i hamamas long holim Trade Fair

THEO THOMAS i raitim

LAE Semba ov Komes na Industri (Lae Chamber of Commerce and Industry) i tok em bai i hamamas tasol long stap insait long PNG Made Trade Fair we bai kamap long Lae long tomoro igo inap Sande.

Presiden bilong Semba, Alan McLay tok em i hamamas long dispela disesen em ol lain husat i save ronim Tred Fe i bin wokim long holim fe long Lae bikos Lae em ples we i stap klostu long Hailans, Mornase na Ailans rjon.

"Long bipo ol i bin holim ol Trade Fair long Pot Mosbi tasol na dispela i bin wokim hat tru long ol kampani husat i save wokim ol samting nam-baut long Lae, Madang na Hailans long go na soim olgeta samting em ol save wokim," Mista McLay tok.

Tu ol planti manmeri i no bin gat sans long lukim ol kainkain samting em ol kampani long PNG i save wokim o inap long wokim.

"Ol manmeri long ol dispela ples tu i

no lukim wanem kain ol samting em ol kampani long PNG inap wokim," Mista McLay tok.

Tasol Mista McLay tok long nau taim ol i holim dispela Trade Fair long Lae, ol manmeri bai luksave olsem PNG i gat planti ol kampani husat i save wokim ol kainkain samting na tu mipela i no pas tumas long ol narapela kantri long kisim ol samting em ol wokim.

"Em i tru olsem ol namba bilong ol kampani husat i save wokim ol samting i wok long kamap bikpela. PNG ino pas tumas long ol narapela kantri long kisim ol samting.

"Planti bilong ol samting em mipela i gat em ol kampani insait long PNG yet i save wokim," Mista McLay tok.

Mista McLay tok ol lain husat i save wok long mekim ol kainkain samting i save wok hat tru. Sapos ol i no stap, mipela bai i no gat kain industri olsem.

Long wankain taim tasol, Mista McLay i salim tok hamamas bilong em i go long ol lain husat i wok long kamapim Trade Fair.

"Mi save olsem wok bilong kamapim Trade Fair i no isi na i hat tru tasol mi laik tokim yupela ol lain husat i go pas long kamapim dispela bung olsem wok yupela wokim i namba wan stret," Presiden bilong Semba tok.

Mista McLay tu i salim toktok hamamas bilong em i go long gavman bilong ol halivim em i bin givim long dispela Trade Fair.

"Nau ken mi hamamas long lukim dispela pasin bilong wok bung wantaim i kam long gavman na long Lae Siti Kaunsel long wokim bai Trade Fair i ken kamap wanpela gutpela na samting em ol manmeri i ken tingim long longpela taim," Mista McLay tok.

"Mi ino kirap nogut long lukim dispela kain halivim i kam long gavman bilong wanem mipela i save pinis olsem ol inap na i save givim bikpela halivim long mipela.

"Ol memba bilong mi na mi i laik tok olsem mipela hamamas tasol long Trade Fair na save olsem em bai kamap wanpela gutpela stret."

Lae Biscuit i amamas long stap gen long Trade Fair

Lae Biscuit Company i stap long Papua Niugini i nap long 29 yia, na ol i save wokim gutpela bisket tru. Dispela ol bisket, Lae Biscuit, ol i save wokim i nap long ol kondisen bilong ol ples bilong PNG.

Olsem trupela lokal kampani, Lae Biscuit save wok long mekim ol gutpela bisket i gat kainkain stail tru, tasol prais bilong ol i liklik.

Dispela kampani tu i save hamamas long wok wantaim ol sios, grup bilong ol mama, yut grup na ol narapela ogenisasen i save wokim long Nasenal Developmen.

Em save halivim wantaim edukasen bilong ol man-meri taim em i save givim ol sampela halivim.

Lae Biscuit long wokim halivim kantri long kisim ol man-meri long wok. Na emi save wokim ol kaikai bai ol man-meri inap long baim.



Lae Biscuit i save olsem helt sevis long PNG i impotent tru long strongim na wokim komuniti i kamap gutpela moa. Na emi save halivim ol hausik taim ol i askim long halivim.

Olsem na long dispela yia, Lae Biscuit i halivim long peim fee bilong Angau Memorial Hospital bai emi stap long Trade Fair bilong dispela yia.

Trade Fair em i taim bilong olgeta kampani long PNG long soim wanem kain ol prodak ol save wokim.

Olsem na Lae Biscuit i hamamas long stap gen long Trade Fair bilong dispela yia.

There's No Place Like



Be smart
and spend
your next
holiday
right here.

**Paradise
Live**
PAPUA NEW GUINEA

For more fascinating facts about Papua New Guinea holidays, contact your Travel agent or the Papua New Guinea Tourism Promotion Authority.

Telephone: 3200 211
Facsimile: 3200 223
Email: tounsmpng@dg.com.pg
Website: www.paradiselive.org.pg

Komiti kamapim nupela awod

ROSALYN ALBAN-IEL i raitim

LONG makim namba 8 Trade Fair we i bai kamap long Lae, ol komiti memba bilong Lae i kamapim wan-

pela nupela awod ol i kolim long "Encouragement Award".

Ol i kamapim dispela prais long givim luksave na amamas bilong ol long ol liklik bisnis manmeri husat i

tek pat long dispela bikpela so we bai kamap long Lae long Mas 24 i go inap long Mas 26.

Bos meri husat i go pas long wokim kamap dispela Trade Fair, Jean Westerhout, i tok

aut olsem ol i kamapim dispela prais bilong wanem em i nam-bawan taim tru we dispela so i pulim stret planti ol liklik bisnis.

Mis Westerhout i tok olsem komiti long Lae husat i go pas long dis-

pela Trade Show i bin wok hat tru long taim long enkarisim na pulim ol dispela ol lain manmeri bilong wanem ol i bilip tru olsem em i wanpela rot we i bai helpim ol long wokim bisnis bilong ol i gro na kamap bikpela moa.

Mis Westerhout i tok tu olsem dispela nupela prais bilong givim luksave ino wankain olsem dispela we PNG Manufacturers Council i save givim aut long olgeta yia, bilong wanem dispela i sut stret long ol liklik bisnis tasol na ino ol biknem insait long dispela indastri.

Olgeta liklik bisnis husat i tek pat bai inap long tek pat long dispela resis long kisim luksave.

Ol jas bai i lukluk

long ol kain samting olsem wok wanwan liklik bisnis ya i wok long wokim, amas man i wok long en na kain samting olsem mak bilong ol samting we ol i save yusim we i bilong PNG stet. Sapos mak ya i antap o i liklik.

Komiti bilong Lae i tok tu olsem ol i laikim olsem dispela "Encouragement Award" i bai stap long ol arapela Tred Fe we i bai kamap long taim bihain tu. Na ino bilong dispela long Lae tasol.

Industrial Centre Development Corporation (ICDC) i go pas long sponsorim dispela awod.

Makim maus bilong dispela ogenaisesen menesa bilong Malahang Industrial Centre, Jimmy Orea, i tok ol i hamamas tasol

long sponsorim dispela nupela awod.

Mista Orea i tok olsem em i laik bai dispela awod we i helpim long givim luksave long ol liklik na miem bisnis bai enkarisim ol dispela lain long wok hap moa na kamap bikpela moa long bihain taim.

Ol jas husat i bai skelim ol dispela ol liklik bisnis na bihain tilim dispela awod em bai ol lain long ICDC yet wantaim sampela lain makim Lae Chamber of Commerce and Industry.

Ol arapela prais we ol i bai tilim aut long taim ol i opim dispela Trade Fair em long sait bilong Best Product, Best Display na nupela resis bilong ol sumatin we ol i kolim long "Invent a Product."



*The Papua New Guinea University of Technology
Savings and Loans Society Ltd.*

Private Mail Bag Lae, Papua New Guinea
Tel: 473 4999 Telex: NE42428 475 7667

Tok Hamamas i go long

Manufacturers Council bilong Papua Niugini na ol narapela bisnis komyuniti long Lae siti long holim namba wan

PNG-Made Trade Fair 2000.

Tred Fe bai kamap long

Sir Igantius Kilage Stadium

long Mas 24 i go inap 26, 2000

BAIM PNG MADE long KAMAPIM PNG


Joinim Savings na Loans Sosaiti na kisim kainkain halivim long mipela long sevis, mani na eksperiens. Mipela i bin halivim ol memba bilong mipela long ol samting em ol laik kisim long haus igo inap long bisnis i stat long 1987.

Mipela welkamim yu.

Sapos yu gat askim, ringim mipela nau long 473 4392.

Paul Isan

Siaman - Bod ov Dairektas.



• PNG Made Trade Fair 'Best Stand' wina bilong 1995, tasol long dispela yia resis long winim dispela awod bai hat liklik.



**100% PNG OWNED
ASPLES KAMPANI**

Specialised in:

- EXPORTERS/IMPORTERS OF EARTH MOVING
- USED MACHINERY
- USED HEAVY EQUIPMENTS SALES & SERVICE
- SPARE PARTS
- USED FORKLIFT SALES & SERVICE

NEVER TO REPEAT!

HORKSORP LTD

P.O. BOX 2676, LAE 411, MP

**NEW MILLENNIUM SPECIALS
TOYS FOR THE BIG BOYS**

- * GASKETS - DON'T WAIT
- * FILTERS & AIR ELEMENTS - IMMEDIATE DELIVERY
- * SEAL KITS - REAL BARGAIN
- * CUTTING EDGES - BUY NOW SAVE 20%
- * FAN BELTS - IT'S THE BEST TIME
- * UNDERCARRIAGE PARTS - IN DEMAND
- * PLANTI PLANTI MORE!!! BUY TODAY
- * BUCKET TIPS - REAL BARGAIN
- * BEARINGS ETC - BUY NOW SAVE 20%
- * WE SELL USED & NEW SPARE PARTS
- * WE SELL USED EQUIPMENT - CATERPILLAR, KOMATSU, HITACHI, HYUNDAI

**COMPETITIVE PRICING & FAST EFFICIENT
SERVICE NO REQUEST TOO HARD!!!**

We are located in Room 1 & 2 Markham Haus, Next to Hastings Deering (CAT) Lae.

**HURRY!
HURRY!**

**20%
DISCOUNT
OFF**
Most Line Items

**TIMES
ARE
TOUGH
TODAY,
We offer Yumi Yet Price!**

CONTACT:
Sales Manager - David Hoa
Parts Manager - Joe Mora
Service Operations - John Ono
Tel/Fax: (675) 472 5383 or
Tel/Fax: (675) 472 5323
Mobile: 694 5383
Email: dhoa@global.net.pg

New Guinea Electrical i amamas long helpim kamapim developmen

New Guinea Electrical i gat 12 sevis kar wantaim 24-aua sevis bilong ol elektrikal, rifrijerasen oa lift failia sapos yu laik fiksime ol dispela samting hari-ap tru.

Planti kampani long Papua Niugini save salim ol elektrik moto na altanata i kam long New Guinea Electrical. Dispela kampani i gat gupela riwanding na genarata repe sevis i stap, na taim ol laik luksave gut long wanem kain problem masin bilong yu i gat ol yet bai kam no lukim lukim yu.

I gat wanpela divisen insait long dispela kampani i save wokim mein switsbod, distribusen bod na i gat ol moto kontrol senta. Em wanpela tasol i save wokim ol dispela samting insait long PNG. Sapos yu laik wokim ol sampela kain senis long ol dispela samting yu ken toksave long New Guinea Electrical na ol bai kam lukim.

Ol i ken wokim ol wanem kain senis yu laikim ol long wokim.

New Guinea Electrical i hamamas long helpim kamapim developmen long olgeta hap long PNG.

St Joseph Tek lainim ol wokman bilong bihain

THEO THOMAS i raitim

LONG skulim gut ol wokman, ol lain husat i save ronim ol skul i mas traime long toktok wantaim ol kampani.

Ol kampani bai i tokim ol skul long wanem ol samting em ol i laik bai skul i mas lainim ol sumatin long en. Na ol skul i ken putim dispela ol samting i go insait long ol kos em ol save givim long ol sumatin.

Na taim ol sumatin i pinis long skul, ol i ken painim wok isi tasol.

Planti ol skul i save wokim dispela na St Joseph Teknikel Treining Senta long Lae em wanpela bilong ol dispela.

St Joseph em wanpela skul ol Marienville Bruder i bin wokim kamap long 1963. Dispela skul bilong ol man tasol em i bin kamap long kisim na halivim ol mangi husat i pundaun long ol skul na lainim ol long kainkain samting bilong wok.

Long nau, planti lain i save long dispela skul.

Long olgeta krismas, planti ol mangi husat i lus long skul i save kam long St Joseph.

Tasol Prinsipol bilong skul Ernest Zikbeh tok skul i no inap long kisim olgeta sumatin olsem na ol save tokim ol sumatin long wokim tes (entrance examination).

Ol sumatin husat i pas, em skul save kisim. Dispela ol sumatin bai skul long tupela krismas.

Long dispela tupela krismas, ol bai lainim wok mekenik, wokim ol samting olsem sia, tebol, kabot, na welding.

Antap long dispela ol kos, ol tu i save lainim ol samting olsem Gret 9 na 10 Inglis, Maths, Science na Social Science.

Ol sumatin long St Joseph husat i wokim seken yia i save go long wok wantaim ol kampani long wan mun. Skul yet i save toktok wantaim ol kampani na bihain salim ol

sumatin long go wok wantaim ol. Long dispela rot, skul i save kisim planti samting.

Wanpela rot em skul i save kisim halivim long em Mista Zikbeh tok long taim ol sumatin go wok wantaim ol kampani. Ol kampani i save skelim wok bilong ol sumatin na bihain toksave long skul long ol samting em ol ting ol skul i mas lainim ol sumatin bilong wokim bambai ol sumatin i ken kamap gupela wokman.

Narapela rot em long taim ol sumatin i pinisim skul, ol i ken go wok wantaim ol dispela kampani.

Dispela ol kampani tu i save baim ol kainkain prais long givim long ol sumatin husat i skul gut.

Sampela bilong dispela ol kampani husat i save halivim skul em KK Kingston, JOB Builders, timberline, NGI Honibrooks, Lae City Authority Workshop, UNITECH workshop, Cartrans, Brian Bell, PlumTrade, Mitre Hardware na ol narapela moa yet.

Ol halivim em dispela ol kampani i save givim i liklik tasol i save halivim gut tru skul long ron. Bikpela halivim em skul i save kisim i save kam long edukesen departmen.

Narapela hap rot we skul i save kisim mani long ron em long ol skul fi ol sumatin i save baim na long ol samting em skul i save salim.

Long Lae long sait bilong ol tebol, sia, kabot, pos bilong haus, dram aven, sel haus bilong kar na ol narapela samting olsem, St Joseph i save go pas long dispela.

Mista Zikbeh tok ol lain husat i laik kisim ol kain samting olsem long skul i ken go lukim ol long skul na askim ol.

St Joseph tu i save stretim ol kar i bagarap.

St Joseph skul i stap olsem 8 kilomitas long Lae na i gat olsem 124 sumatin. 72 sumatin i save silip long skul.



WESTER COE 'BY DESIGN'

CUSTOMISED KIT HOMES

Ol kolim 'Momase' bambai i stap long Trade Fair 2000



Antap- bikpela rum na traipela spes, balkoni na lata insait Daunbilo - Ples sindaun na hap bilong kaikai na rum waswas na veranda

Spesol bilong Trade Fair K19,500

Kam na lukim ol narapela plen long kala em mipela wokim long kompiuta.

WesterCoe Disain sevis - 472 0455



25th & 26th March 2000

Sir Ignatius Kilage Sports Complex

9am - 5pm

Ol samting long lukim, harim na traime

Moa long 100 samting bilong soim olse, Pawa band Demonstrasen, ol tumbuna pilai, Kaikai na samting ol PNG MADE Produkts long spesel prais na tu ol Nupela Produkts bai ol isoim na Fri Visita Refol.

Tickets em K3, long bikpela manmeri na K1, long pikinini (ananit long wan mita)

Ka pak we i gat sekuriti em K15. Na foapela lain tasol i ken go insait.

(Ol tiket i stap nau long K K Kingston opis.)

Ol Manufacturers Council bilong PNG i go pas long dispela Tred Fe (so).

PROGRAM

Fraide Mas 24

9:00am-3:00pm Skul visit (FRI ol lain husat i bukim taim)

Spesol pefomens bilong ol lain long Wokabout Maketing na Duadua Tieta Grup

Sarere Mas 25

9:00am-5:00pm Get bai i op long pablik long go lukluk raun.

Bai gat:

- Moa long 100 displei bilong ol prodaks ol i wokim long PNG stret
- Ol stol husat i bai salim ol kainkain prodak long spesol prais
- Kraf stol
- Stol bilong kaikai
- kainkain ol liklik samting tu bilong makim dispela 2000 tred fe we ol i bai salim tu
- fri refol tiket we ol i bai givim aut long pablik long gat sans long winim wanpela traipela hempa o basket wantaim ol kainkain samting

Coca Cola Konset

9:30am	Duaks
10:00	KM Krew
10:30	Tropikol
11:00	11A Ruts
12:00	Junior Wali Hits
1:00pm	Getson remains
3:00	Haroma Bembu Ben
3:30	Side Doors
4:00	Lae Jezz Ben

Demonstresen

9:20am	Isten Hailens Kaltsa Senta wantaim we biling wokim ol pot bilong ol tumbuna
9:45	Niugini Tablebirds wantaim we bilong kukim kakaruk
10:00	Bris lons long displei hap bilong Homibrooks

10:20	Maramba Kalsa Senta kavas
10:45	Trukai Indastris wantaim we bilong kukim rais
11:45	Goodman Fielder wantaim we bilong kukim flawa
12:30	Nigini Tablebirds wantaim we bilong kukim kakaruk
1:00pm	Trukai Industries wantaim we bilong kukim rais
2:45	Isten Hailens Kalsa Senta wantaim we bilong wokim ol pot bilong tumbuna
3:15	Bris lonsing long displei hap bilong Homibrooks
3:30	Maramba Kalsa Senta kavas
4:00	Goodman Fielder wantaim we bilong kuk wantaim flawa

SPESOL DEMONSTRESEN LONG ATLETIKS FIL

1:45pm Bai i gat wanpela resis bilong sanapim bris bai kamap long Atletiks fil we ol lain bilong PNG Difens Fos wantaim ol lain Makam Kalvets bai go pas long en. (Get i bai fri tasol ol lain husat i laik go bek gen insait long men stediem i mas kisim spesol pas sapos pastaim long ol i lusim dispela hap).

SPESOL PEFOMENS WANTAIM OL LAIN BILONG WOKABOUT MAKETING

Sampela ol biknem kampani bai lonsim ol nupela prodak bilong ol tu long ol dispela tripela de we Tred Fe i bain on. Putim ai taim yupela i raun.

Sande Mas 26

9:00am-5:00pm Get i bai op long pablik

Bai gat:


- Moa long 100 displei bilong ol prodaks ol i wokim long PNG stret
- Ol stol husat i bai salim ol kainkain prodak long spesol prais
- Kraf stol
- Stol bilong kaikai
- kainkain ol liklik samting tu bilong makim dispela 2000 tred fe we ol i bai salim tu
- fri refol tiket we ol i bai givim aut long pablik long gat sans long winim wanpela traipela hempa o basket wantaim ol kainkain samting

**I go moa long pes 7*

It's Better It's Besta!




We cook the finest Mackerel to perfection right here in PNG so your family can enjoy the better, fresher taste of Besta.



Visit us at the PNG Made Trade Fair in Lae. IFC Proud employers of more then 800 Papua New Guineans

PNG's own tinfish . . .



• I kam long pes 6

Coca Cola konset

- 9:20am Side doors
- 10:00 Junior Wali Hits
- 10:30 Lae Jezz Ben
- 11:00 Getson Remains
- 11:30 Lamaika Ben
- 12:00 KM Krews
- 1:00pm 11A Ruts
- 3:00 Haromana Bembu Ben
- 3:30 Tropikols
- 4:00 Duaks

Demonstresen

- 9:20am Isten Hailens Kalsa Senta wantaim we bilong wokim ol Klei pot
- 9:45 Niugini Tablebirds wantaim we bilong kukim kakaruk
- 10:00 Bris lonsing long displei hap bilong Hornibrooks
- 10:20 Marambara Kalsa Senta kava
- 10:45 Trukai wantaim we bilong kukim rais
- 11:45 Goodman Fielder wantaim we bilong kukim flawa
- 12:30 Niugini Tablebirds wantaim we bilong kukim kakaruk
- 1:00pm Trukai wantaim we bilong kukim rais
- 2:45 Isten Hailens kalsa Senta wantaim we bilong wokim ol klei pot
- 3:15 Bris lonsing long Hornibrooks displei eria
- 3:30 Marambara Kalsa Senta Kava
- 4:00 Goodman Fielder wantaim we bilong kukim flawa

SPESOL DEMONSTRESEN LONG ATLETIKS FIL

1:45pm Bris ripe resis wantaim ol lain long PNG Defens Fos. Makam Kavets i sponsarim.

BAI I GAT SPESOL PEFOMENS OL LAIN BILONG WOKABAUT MAKETING BAI I WOKIM.

DRO BILONG VISITAS HEMPA

• Dispela i bai kamap long 4 kilok abinun long hap we ol ben i bai pilai.

Luksave olsem dispela ol aktiviti long dispela program i ken senis.

HONALE 414 LAE GUEST HOUSE



Honale 414 Lae Guest House

Weybank Street opposite
Sp Brewery
Planning a weekend hide
out in comfort or on a
business trip to Lae.

We have a place for you
at our newly opened
guest house at the corner
of Weybank Street.

We invite you to experience our service and check out the unbeatable rates:

Single K50, self contained K65 / night double K75.

We also provide airport pickup and drop off at a mere K10 for our guests.

For reservations please
Phone:

472 7761


HONALE 414
LAE GUEST
HOUSE

X We are
here!


◀ To market Aircorps Road To stadium ▶

MOBIL

SP BREWERY



• Kain stail haus bilong ol WesterCoe. WesterCoe inap helpim yu long stretim haus bilong yu maski yu stap long ples.



WesterCoe Limited bai soim ol stail haus long Trade Fair

WANPELA nupela pes long dispela 2000 Trade Fair em WesterCoe Limited. Wanpela liklik bisnis we i stap yet long Lae City.

Dispela bisnis i save wokim kankain wok na wanpela bilong dispela em long sait bilong disainim o kamapim na sanapim ol haus long tok Inglis ol i kolim long "kit home".

Menesing Direkta bilong WesterCoe i tokim wantok olsem lukluk bilong ol long dispela Trade Fair we i bai kamap long Lae Siti long dispela wiken em bai long soim ol pablik long ol dispela ol stail haus we ol inap long mekim.

Oi i kamapim pinis 10 pela disain we i stap pinis na ol i ken wokim bihainim laik bilong ol kastoma. Oi i ken sanapim long ples o long taun. Tok stap pinis olsem em i laik bilong yu hasat man or meri husat i laik baim wanpela bilong ol dispela haus.

Oi i no save sanapim ol dispela haus nating. I gat sampela askim we ol dispela ol carpenta na bilda i mas bekim na skelim pastaim long ol i go het na sanapim.

Oi kain samting olsem haus ya bai sanap long wanem hap? Long ples o long taun. Sapos long ples long wanem hap tru na wanem kain flo bai i gutpela.

Na sapos wara i stap long we tru, wanem kain rot bai ol i ken bihainim

long helpim ol dispela kastoma? Bai ol i mas stretim kapa olsem wanem long helpim ol long kisim renwara. Na ol arapela kain samting olsem.

Long taim Wantok i bin raun i go na toktok wantaim Mista Cohen, bos man ya i tok aut olsem ol i bin sanapim pinis wanpela "kit home" long ples Butibam long Lae.

Mista Cohen i tok wanpela yangpela marit long dispela ples i bin baim wanpela na ol wokman bilong em yet i bin go na sanapim long ples bilong tupela.

Oi i wokim stret bihainim laik bilong tupela na tu bihainim mak bilong hamas mani tupela i bin gat taim ol i go lukim kampani bilong em wantaim rikwes bilong ol.

Westacoe i save provaidim ol arapela sevis tu olsem tailing, plaming, konektim septik, instolim ekondisen na ol kankain elektrikol wok tu.

WesterCoe inap wokim ol arapela kain samting tu bilong dispela ol stail liklik haus olsem sia, bet na tebol tu sapos yu putim rikwes bilong yu.

Oi salim tu ol arapela samting olsem wara tenk na sola penol bilong pawa tu.

Oi i bai stap long tred fe sapos yu husat i laik save moa yu ken raun na painim ol long stol bilong ol, ol i bai hamamas tasol long toktok wantaim yu.

BISMIL TRADING (PNG) LTD TAILORING & FASHION DESIGNERS

Bismil Protective Wear, Safety Uniforms and Security Uniforms

- SAFETY OVERALLS
- SAFETY HELMETS
- SAFETY BOOTS
- HEAR PROTECTION
- SAFETY EYE PROTECTION
- RAIN COAT
- (OIL & HEAT RESISTANT) RUBBER BOOTS



Also: Your One-stop-Security Uniform Shop

Rain Coat


Overalls



Gloves



Hearing Protector



Helmets

P.O. Box 1454, Boroko, NCD.
Phone: 323 5551 (3 lines)
Fax: 323 3767

Email: bismil@datec.com.pg

Now moved to 6 Mile DHL Compound next to Granville Motel.

WORLD CLASS INTEGRATED ACCOUNTING, DISTRIBUTION & MANUFACTURING SOFTWARE

Some of our users include:

MOORE
PAPUA NEW GUINEA



HITS & MEMORIES
FM100



STEEL
INDUSTRIES
LTD

ORICA
DULUX,
AN ORICA
BUSINESS

KRISTEN PRES
POSF
Public Officers Superannuation Fund Board

SHORNCLIFFE



IMPACT
Encore

Enquiries to:
CACHE
COMPUTER
SERVICES

Phone: 472 1633
Fax: 472 2191

Authorised Dealers: P.O. Box 2367,
Lae, Morobe Province.
Email: cache@global.net.pg

James Barnes lonsim nupela tinmit

JAMES Barnes (PNG) Limited, ol lain husat i save wokim ol kainkain tin mit i bai lonsim tripela nupela konfib long Trade Fair we bai kamap long Lae long dispela wiken.

Ol dispela nupela tinmit i bai gat chili, ginja na curry long ol.

Long ol lain husat i bai go raun na lukluk, menesmen bilong James Barnes it tok olsem ol i mas raun na putim ai long displei bilong ol.

Dispela kampani i tok aut

olsem i bai gat tripela meri we ol i bai dressim ol long kala bilong ol tin bilong ol dispela tripela nupela tinmit.

I bai gat sampela arapela kampani we bai lonsim ol nupela prodak tu long dispela taim. Ol lain husat i tok aut olsem ol tu i bai gat nupela samting long salim long ol kastoma bilong ol em: Trukai wantaim rais ol i growim stret long graun bilong yumi yet. Wong Tim wantaim ol nupela batrum na sink bilong

wasim han we ol i wokim wantaim wapela strongpela na stail ston ol i kolim long Mabel. Maclay Limited bai lonsim ol nupela plestik trei, Liklik Buk Senta bai autim nupela buk we ol i raitim na Westco Limited bai lonsim ol nupela kain stail haus i sut stret long ol lain long ples na taun tu long sanapim.

Dispela i bai gutpela tru olsem na bikpela tok singaut i wok long go aut long pablik long ol i mas go na lukim.

Lae Teknikol Kolis i gat namba long kukim kaikai na sevim

LAE Teknikol Kolis i winim pinis kon-trak bilong katarang (kukim kaikai na sevim) long namba 8 PNG MadeTrade Fair we bai kamap long Lae long Mas 24 igo inap long Mas 26.

Head bilong Ketaring Depatmen long Lae Tek, Peter Aiyok, i tok aut olsem ol i no stretim olgeta plen bilong ol yet long wanem samting ol i bai wokim bilong wanem ol i no save yet long hamas kampani bai tek pat long dispela Trade Fair.

Tasol Mista Aiyok i tok aut olsem ol

i stretim tasol ol vausa o hap pepa bilong kaikai pinis we ol i bai salim long ol kampani husat i bai tek pat.

Mista Aiyok i tok olsem ol i gat sampela aidia pinis long wanem kain samting ol sumatin bilong em i bai wokim.

Em i tok ol i bai sevim ti long moning na abinun na kaikai long belo.

Em i tok moa olsem bikos ol i no save long hamas kampani i bai tek pat, ol i no save tu long hamas sumatin ol i bai nidim long karim aut dispela bikpela wok.

Wok bilong Nalo Entaprais i go het yet

FRANCO NEBAS i raitim

GAVMAN i wokim planti toktok pinis long daunstrim prosesing long ol kain samting olsem timba tasol ol dispela toktok ino karim kaikai yet.

Wanpela man husat i less long sindaun na wetim toktok bilong gavman long karim kaikai na i go insait pinis long sait bilong daunstrim prosesing long timba em Litau Nalo.

Mista Nalo i bilong Manus provins. Na em i papa bilong wanpela bisnis stap long Malahang industrial Senta long Lae ol i kolim long Nalo Entaprais.

Bisnis bilong Mista Nalo wantaim meri bilong em, Helen, i save wokim ol kwaliti na stail samting long ol timba kain olsem kwila na rosewood na i save slaim long Papua Niugini yet.

Tupela marit ya i gat tupela stua we i save salim ol dispela prodak. wanpela i stap long Lae Maket na narapela long Malahang yet.

Dispela bisnis i wok long helpim kantri tu bilong wanem ol i wok long givim sans long sampela lain manmeri husat i no go long kolis o yunivesiti long kisim moa save.

Mista Nalo i gat 20 krismas ekspiransi long wok bilong joineri na sait bilong wokim ol kabinet. Em i wok wantaim ol lain long praivet sekta na tu wantaim gavman.

Em i bin wok wantaim Woks Dipatmen pastaim long em i statim dispela liklik bisnis bilong em.

Planti bilong ol dispela lain husat i wok wantaim Mista Nalo em ol lain we Mista Nalo yet i skulim o trenim long wok bilong joineri.

"Mi yet i skulim planti bilong ol wokman bilong mi bilong wanem planti bilong ol dispela ol lain ino kisim wanpela skul long dispela wok. Tasol mi ken tok olsem wok bilong ol i top stret.

"Ol sia, tebol samting we ol i wokim i top stet na i klostu wankain olsem ol dispela we ol arapela kampani i save odarim long ovasis na salim hia yet long Papua Niugini," Mista Nalo i tok.

Nalo Entaprais i save baim ol hap diwai bilong ol long ol ples lain yet long Morobe long Yalu, Makam na Wain.

Ol biknem kastoma o lain husat i save baim planti bilong ol samting long Nalo entaprais em Yuitek, Yunivesiti long Bulolo na tu long Vudal.


Ol arapela lain husat i save baim ol prodak bilong Nalo Entaprais em ol lain long Morobe Provinsal Gavman, Seven Dei Edventis (SDA) misin na ol arapela skul tu insait long Morobe. Ol i save kisim tu ol oda long ol arapela senta.

Mista Nalo i tok olsem ol i no save wokim ol samting nating, ol i save baihainim ol oda tasol we ol i save kisim long ol kastoma bilong ol.

Ol i nogat hap ples bilong displeim ol dispela ol stail prodak we ol i save wokim bilong wanem ol i nogat fasiliti long wokim dispela.

"Sapos mipela i gat stua long displeim ol dispela samting bai pablik i gat sans long kam raun na lukluk tasol mipela i nogat fasiliti olsem na mipela i save wokim tasol taim ol kastoma bilong mipela i odarim na salim stret long ol," Mista Nalo i tok.

Mista Nalo long taim Wantok i go raun na toktok wantaim em, i wokim wanpela bikpela singaut long ol lain bilong PNG long sapotim ol kain liklik bisnis na baim ol samting we yumi yet i wokim.



MEMBA BILONG LAE
NA MINISTA BILONG
TRANSPORT NA
SIVIL AVIESEN



HON. BART PHILEMON WELKAMIM PNG MADE TRADE FAIR LONG LAE

Long makim maus bilong ol manmeri bilong Lae City na Morobe provins, mipela i welkamim 8 PNG Made Trade Fe i kam long Lae. Lae em bikples bilong ol kampani husat i save wokim ol samting long Momase rijen na tu em as ples stret bilong wokim bisnis insait long Hailans na Ailans Rijen. Planti ol manmeri inap long kisim sevis long Lae na tu mipela i laik tok olsem ol lain hust i laik yusim Lae olsem wanpela hap bilong wokim ol bisnis bilong wokim ol samting i ken wokim insait long Lae. Long Lae yu ken wokim wok bilong yu gut na tu yu ken wokim moa mani bikos Lae i stap klostu long ol manmeri na i no Pot Mosbi o wanem ol narapela ples.

Ol rot netwok em mipela i wok long wokim na ol narapela nupela samting em mipela i wok long plenim long Lae siti bai halivim ol bisnis husat i save wokim ol samting nambaut long hia long wokim gut mani. Taim mipela i wokim dispela ol wok, mipela i bin tingting gut long olgeta sekta bilong ikonomi na mipela laik bai ol lain insait long manufekturing sekta long lukluk long dispela na olsem wanpela rot we ol i ken yusim.

Mipela laik tok hamamas long Lae Semba ov Komes na Lae sisti Atoriti long kisim wanpela taun plena long stretim wok bilong rot long Malahang igo long Busu na Unitech. Mipela i wok long toktok yet wantaim ol papagraun long Ahi. Plen na toktok long 6-mail igo long Yalu na Ngasawapum ples tu i wok long go het gut tru. Mipela bai i hamamas tasol long husat ol kampani bilong wokim ol samting nambaut insait long Lae i laik long muv igo insait long dispela ol ples. Planti gutpela samting bai i kamap long dispela na Lae olsem as ples tru we dispela ol samting bai i kamap i bai wokbung wantaim husat ol kampani em stap nau na husat i laik kam insait biahin, ol papagraun na


ol lain insait long siti long wokim bambai Lae i kamap tru olsem namba wan ples bilong menufekturing sekta insati long kantri

Long las yia, manufekturing sekta i bin bringim i kam insait long PNG klostu olsem K700 milion na namba bilong ol samting em mipela i wok long salim i go long ol arapela kantri i wok long go antap olsem 29 pesen. Samting tru em kantri kisim tasol ol hap pipia bilong dispela mani em Lae na Morobe provins i kisim i bikpela stret. Long dispela Lae i sanap redi tasol long halivim sekta.

As tingting bilong kaunsel - BAIM PNG - MADE KAMAPIM MOA WOK i gutpela bilong wanem em i singautim ol lain long Lae, Morobe na olgeta hap bilong kantri long baim ol samting em yumi yet i wokim long PNG. Taim mipela baim ol samting em mipela i wokim long PNG, mipela i hapim mani kampani i wokim, gavman i kisim na wokim kamap moa ples bilong ol man long kisim wok. Dispela pasin bai strongim ekonimi bilong mipela. Ol lain husat i wokim ol samting tu i mas wok hat na wokim gut ol samting na bambai mipela i ken wansait long baim ol samting bilong ol.

Mipela i hamamas long manufekturing sekta bilong mipela na laik bai ol i wokim ol wok gut long hia na long ol narapela kantri tasol long wankain taim tasol mipela i laik bai ol i tingting gut long ol bus, wara na ol samting bilong mipela. Mipela i no laik bai mipela i lusim ol naispela bus, wara na ol samting olsem long han bilong ol bikpela bisnis. Mipela laik bai tupela sait wantaim long wok gut wantaim.

Lae sapotim PNG Made Trade Fe na laik tokim ol ogenaisa bilong so olsem bambai so i kamap gutpela tasol.



• Ol skul sumatin olsem dispela bai go stap insait long wanpela resis.

Nupela resis bilong ol skul

ROSALYN ALBANIEL i raitim

LONG makim namba 8 PNG Made Trade Fair, ol lain husat i wok long go pas long stetim dispela bikpela So long Lae i kamapim nupela resis bilong ol sumatin long tek pat long em.

Nem ol i givim long dispela nupela resis em, "Invent a new product" o "Kamapim nupela samting".

Long olgeta Trade Fair i save gat sampela kain resis we ol i save holim long ol skul sumatin.

Bikos dispela i namba wan taim long histori bilong dispela so long kamap arasait long Lae ol lain long Lae i lukim dispela olsem wanpela bikpela samting na i kamapim wanpela nupela resis long makim dispela.

Dispela resis we ol i kamapim em i bilong ol sumatin long praimer na hai skul tu long olgeta hap bilong kantri, ino long Morobe tasol.

Ol lo bilong dispela resis i isi tru. Ol Komiti i laikim ol sumatin husat i laik traim han i mas traim long kamapim wanpela nupela samting long save bilong ol yet wantaim wanem kain samting i slip nambaut na ol i ting ol i ken yusim.

Ol i ken traim han long wokim samting we man inap long pilai long en o masin we ol i ken yusim.

Ol komiti bai displeim ol dispela toi o masin long taim bilong Trade Fair. Ol jas ken bai i luk-luk long olgeta ol dispela samting na makim wanpela wina.

Ol i bai mekim toksave bilong dispela sumatin long Fraide Mas 24, long Trade Night long opim bilong dispela bikpela so long Sir Ignatias Kilage Stedim long Lae.

Komiti bilong dispela so long Lae i tok aut olsem Gorden na Gotch i go pas long saplaim ol prias bilong ol wina bilong dispela resis.

Ol skul tu i bai gat sans long go na lukluk raun long ol displei we ol i bai stap long Stedim.

Taim we Komiti i makim bilong dispela ektiviti em long Fraide tu long 10 kilok long moning i go inap long 3 kilok long abinun.

Long dispela taim sampela ol memba bilong komiti bai i stap tu long hap long was long ol. Ol i bai givim aut sampela liklik tes pepa wantaim ol liklik askim we ol tisa i ken karim i go bek long skul na givim long ol sumatin olsem liklik tes.

As bilong dispela em long helpim ol sumatin long kisim moa save long sampela ol biknem na liklik kampani insait long kantri na ol kain samting we ol dispela lain i save wokim.

Moa long dispela em long traim long skulim ol pikinini na lida bilong bihain taim long strongim bilip na luksave olsem PNG i nap long wokim sampela samting yumi yet.

Na traim long katim liklik namba bilong ol samting yumi wok long baim long ovasis.

Ol sumtin tu bai gat sans long kisim ol liklik so beg wantaim ol liklik samting long helpim ol tingim dispela bikpela bung we Lae i gat sans long holim.

LAE URBAN LOCAL

LEVEL GOVERNMENT



OFFICE OF THE LORD MAYOR

REMARK BY THE LORD MAYOR OF LAE CITY ON PNG MADE TRADE FAIR

I welcomed the PNG Made Trade Fair and thank the Manufactures Council of PNG for bringing the 8th Trade Fair to the City of Lae. I also give sincere appreciation to the Organising Committee for their tireless time and effort to organise and bring the Trade Fair to the City of Lae.

Lae is the second biggest industrial City of PNG, and the main port of entrance to the vast markets in the highland's region; with the road network in place. The staging of the trade fair at this strategic location brings awareness on the "Baim PNG MADE - closer to the people. It gives opportunity to the mainland, highland and island regions a chance to see PNG Made goods that are readily available in the Country. With this kind of exposure given will certainly generate more interest to attract local businesses' opportunities to tap into local industries available in PNG.

The road network in the City of Lae is now undergoing major upgrading and maintenance being funded by AusAid. With this improvement of the City's most important infrastructure, we hope more businesses will come back to Lae.

The Law and Order in the City are also decreasing due to current effort of the law enforcing agency and community co-operation.

As the Lord Mayor of the City of Lae, I extend warm welcome to the organisers, participants and observers of the PNG Made Trade Fair.

I wish everyone participating in promoting the concept of PNG Made a huge success and a pleasant and enjoyable event ever hosted in the City of Lae.

TOFFAMO MIONZING
Lord Mayor

SIC i sambai tasol

BARBARA TOMI i raitim

SMOL Indastris Senta (Small Industries Center SIC) i sambai tasol long stap insait long Trade Fair we bai i stat long tomoro.

Olsem namba wan taim tru bilong holim tred fe ausait long Pot Mosbi, olgeta bikpela na liklik kampani i wet tasol long go long Lae na traim long toksave long ol manmeri long ol samting em ol save wokim.

Ol lain olsem SIC lukim Trade Fair olsem wanpela gutpela taim bilong ol long soim long ol man ol samting em ol i save wokim na tu long painim ol lain em ol i ken toktok wantaim long larim ol i salim samting bilong ol.

SIC, i save wokim ol samting olsem ol sendol, su, let, harpaus na hat. Dispela ol samting em ol i save wokim long skin bilong kau em ol i save kisim long Fiji, Sri Lanka, Hong Kong, Nu Silan na Australia.


Brian Bell long Goroka em wanpela hap we ol i save salim ol samting em SIC i save wokim.

Mista Tomokita husat i wok long SIC i tok ol i laik gat planti kain ples bilong salim ol samting em ol i save wokim olsem Brian Bell long Goroka.


Em tok planti manmeri i save pinis long samting em ol i save wokim long skin bilong kau olsem na em laik painim ol planti ples long ol wanwan provins we ol i ken salim ol.

Ol narapela em SIC save wokim em ol wara pam, wokabaut somil, masin bilong mekim simen and ol sia, tebol, na ol kain samting olsem em ol wokim long kanda.

SIC bai i stap long Trade Fair long toktok long ol manmeri husat i go lukim ol long hap. Ol tu bai i givim liklik buk we i gat ol kainkain samting em ol save wokim long ol manmeri husat go lukim ol.



• Ol kanda sia bilong SIC.



• Orlando Mercado i lukluk long Thomas Marhoney husat i wok long holim manual brik mould.



Commercial Training College

YEAR 2000 SCHOOL LEAVER TRAINING PROGRAMMES

Intake dates: (Year 2000) 17 - 2nd April, 7th Jun, 5th Jul, 6th Sept, 1st Nov.

I. MODULE COURSES RECOMMENDED FOR EVERYONE

CODE	COURSE	DURATION	FEES
ACS 01	Cert. in Bookkeeping	8 wks	K350
ACS 02	Cert. in Basic Accounting	8 wks	K450
BUS 01	Cert. in Salesmanship	8 wks	K350
OFS 04	COA - MS Word 2000 for Win.	4 wks	K330
OFS 04	COA - MS Excel 2000 for Win.	4 wks	K330
OFS 06	COA - MS Access 2000 for Win	4 wks	K330
OFS 05	COA - MS Powerpoint 2000	4 wks	K330
OFS 09	COA - PC Support	4 wks	K330
BUS 10	COS - Start/Improve Your Business (Each)	4 wks	K350
BUS 11	COA - Shipping Practices	4 wks	K430
BUS 11	COA - Banking Practices	4 wks	K430
BUS 12	COA - Short Courses in Management	4 wks	K430
ACS 05	COA - Computer Accounting (MYOB/IMPACT)	8 wks	K550
OFS 01	COA - Driving Class 1 Lessons	20 Hrs	K400

II. INTERGRATED COURSES OFFERING 95% CHANCE OF EMPLOYMENT

CODE	COURSE/DETAILS	DURATION	FEES (K)
CIS01	Cert. of Integrated Studies (Accounts Jnr) Workplace Skills, Bookkeeping, Basic Acctg, MS Word, Bus, English, MS Excel	16 wks	K1,050
CIS02	Cert. of Integrated Studies (Accounts Clerical) Workplace skills, Bookkeeping, Basic Acctg, MS Word, MS Excel, Bus, English, Bus Maths, Accounts Payable, Accounts Receivables, Cash Handling and Control (Bank Reconciliation)	24 wks	K1,500
CIS03	Cert. of Integrated Studies (Salesmanship) Salesmanship Skills, Computing Skills, Workplace Skills	8 wks	K500
CIS04	Cert. of Integrated Studies (Sales & Marketing) Salesmanship Skills, Computing Skills, Communication Skills, Marketing Principles	16 wks	K1,050
CIS05	Cert. of Integrated Studies (Sales & Management) Salesmanship Skills, Workplace Skills, Sales Management Principles, Computing	8 wks	K700
CIS06	Cert. of Integrated Studies (Computer Operator) Workplace Skills, MS Word, MS Excel, MS Access, Business English, Basic Sec Skills.		K1,050

II. INTERGRATED COURSES (Continued)

CODE	COURSE/DETAILS	DURATION	FEES
CIS07	Cert. of Integrated Studies (Secretarial Practices) * Basic level Subjects: T/ Writing, Eng Gmr, Office Proc.	12 wks	K500
	* Intermediate Level Subjects: Comp, Typewriting, Bus. Maths, Bus Com I, Office Proc, continued	12 wks	K500
	* Advance Level Subjects: Comp, Typewriting, MS Excel, Office Skills, Bus Princ, Practium, Accounts 1	16 wks	K500

III. STRUCTURED COURSES FOR FURTHER EDUCATION OR EMPLOYMENT (OFFERED IN LAE & PORT MORESBY ONLY)

CODE	COURSE/DETAILS	DURATION	FEES (K)
BUSINESS STUDIES			
BUS 08	Cert. in Shipping (6 subjects)	16 wks	K700
BUS 09	Cert. in Banking (6 subjects)	16 wks	K700
BUS 05	Cert. in Management (9 subjects)	24 wks	K1700
BUS 06	Associate Diploma in Business (Management)	40 wks	K2700
ACCOUNTING STUDIES			
ACS 08	Cert. in Financial Accounting (6 subjects)	16 wks	K1200
ACS 05	Cert. in Accounting (9 subjects)	24 wks	K1700
ACS 06	Associate Diploma in Business (Accounting)	40 wks	K2700
COMPUTING STUDIES			
COS 07	Cert. in Commercial Computing (9 subjects)	24 wks	K1950
COS 08	Associate in Diploma in Business (Computing)	40 wks	K3000
LOCAL LEVEL GOVERNMENT STUDIES			
GVS 01	Cert. in Local Level Govt. (Finance & Admin - 12 subjects)	24 wks	K1700
GVS 02	Cert. in Local Level Govt. (Finance - 6 subjects)	16 wks	K860
GVS 03	Cert. in Local Level Govt (Admin - 6 subjects)	16 wks	K860
Subjects: Actg I, Acctg II, Computing, Admin procedures, Finan. Mgmt, Audit Proc., Lands Disputes Mediate, Court Admin, Comp Acctg.			
HOSPITALITY STUDIES			
BUS 07	Cert. in Hospitality (Hotel Management - 9 subjects)	24 wks	K1500
BUS 10	Cert. in Hospitality (Catering - 6 subjects)	16 wks	K1050
BUS 11	Cert. in Hospitality (Travel & Tourism)	16 wks	K1050

Important: (a) Course fees; 30% must be paid on enrolment - bal F/N
(b) Entry requirements: Grade 10 or higher
(c) Accom. & Meals - provided in Lae - K230 per month


OFFICE TO ENROL

CTC (Pom) Ltd, Ph: 325 9098, 325 7981 Fax: 325 9186
P.O. Box 5173, Boroko, NCD, Kriewaldts Building
(National Training Council Reg. No. 004)

CTC (Lae) Ltd, Ph: 472 3300/472 3407/472 3521 Fax: 472 5586
P.O. Box 3781, LAE, Haus Tisa
(National Training Council Reg. No. 027)

CTC (Mt Hagen) Ltd, Ph: 542 3614 AGC Haus, CTC Mendil, Inquire H/Office, LAE
(National Training Council Reg. No. 025) CTC Rabaul, Inquire H/Office, LAE
CTC (Madang) Ltd, Ph: 852 3447 Newtown, Behind Prov. Govt. Offices


* Be a Graduate of this Premier College, with a RECOGNISED AWARD!!!



NATIONAL CAPITAL
BOTANICAL GARDENS



Dendrobium anosmum




Dendrobium tangerinum



Dendrobium johnsoniae




Dendrobium lasianthera




Vanda hindsii




Dendrobium spectabile



Diplocaulobium centrale



Dendrobium macrophyllum




Paphiopedilum
praestans




Phalaenopsis
amabilis



Dendrobium
mirbelianum



Dendrobium lawesii



Grammatophyllum scriptum

PNG'S
Very own Orchids



• Siaman bilong Lae Organising Committee Keith Kingston na Minista bilong Commerce and Industry i rausim laplap i karamapim hap ain em tokaut long 2000 Trade Fair.

Lae bai hostim namba 8 Trade Fair

ROSALYN ALBAN-IEL i raitim

LONG Nambawan taim PNG Made Trade Fair, we ol PNG Manufacturing Council i save holim, bai

kamap arasait long Mosbi.

Na biknem bilong holim dispela samting bai kamap long nambawan bisnis na indastriel siti bilong Papua Niugini stret-Em long Lae Siti.

Opisell lonsing bilong dispela Trade Fair i bin kamap long las yia insait long mun Oktoba na minista bilong Trade na Industry, Michael Nali, i bin go pas.

Ol arapela ges husat i bin kamap long dispela taim em Siaman bilong PNG Manufacturing Council, Wayne Golding, Minista bilong Civil Aviation na memba bilong Lae, Bart Philemon na Siaman bilong Lae Trade Fair Komiti, Keith Kingston.

Long dispela taim Mr Nali i tokim olgeta manmeri olsem em tu olsem i amamas olsem dispela Trade Fair i kamap long Lae.

Mista Nali i tok em i amamas long Mista Golding wantaim ol lain bilong wanem, dispela i bai givim sans long ol bikpela na liklik bisnis long planti arapela senta long tek pat na soim stret wanem kain samting na sevis ol i save givim.

Mista Nali i tok em i bilip olsem long kain ol samting olsem Trade Fair bai sutim tru bel bilong ol bisnis man na meri long skelim gut tingting na ol hevi we ol kastoma bilong ol i save bungim na tu long luksave long ol arapela rot bilong wokim bisnis.

Memba bilong Lae, Mista Philemon tu i wokim wankain toktok.

Mista Philemon i tok olsem em i luksave na i bilip olsem dispela i mas wanpela bikpela disisen Mista Golding wantaim ol lain bilong em i mas wokim. Tasol em i tok olsem ol ino inap long sori olsem ol i bin wanbel long surukim Trade Fair i go long Lae.

Em i tok lae em i senta bilong noten rijen, em i namel na tu em i hap ples we planti ol arapela senta olsem Hailens, Momase na Ailens i save lukluk long wokim bisnis.

Mista Philemon i bin wokim wanpela singaut tu i go long ol bisnis manmeri long tingting gut long wokim Lae i hap ples bilong ol long sanapim ol fektori bilong ol.

"Mi ting olsem planti ol kampani bai inap long benefitmoa sapos ol i karim bisnis bilong ol i kam long Lae bilong wanem lae i stap klostu tru long planti ol kastoma. Ino olsem Mosbi o ol arapela senta we i stap long we tru," em i tok.

Hap ples we i bai pulim planti manmeri i go em Indoor kompleks bilong Sir Ignatius Kilage Stedim.

Dispela hap i isi long ol manmeri long go kamap long em. Ol manmeri husat i gat plen i stap long go lukluk raun i ken wokabout o draif tasol i go kamap long stedim.

Insati long dispela so graun bai i gat 88 yuint o ples bilong ol kampani long sanapim dispelai bilong wanwan kampani bai i stap.

Bikmeri husat i go pas long plenim na strätim dispela Trade Fair, Jean Westerhaut, i tok olsem 60 biknem na liklik kampani i bukim pinis ol dispela ol spes insait long Sir Ignatius Kilage Stedim.

Bai i gat kankain samting bai i stap long ol dispela ol yuint we pablik ken i go raun lukluk na sapos ol i laik, ol i ken baim tu. Sampela ol yunit we pablik ken i go raun lukluk na sapos ol i laik, ol i ken baim tu. Sampela samting we pablik bai inap long painim em ol kain samting olsem kaikai, bilas bilong skin na pes, sia na ol arapela bilas bilong haus na ol buk tu.

Arasait long hap ples we Volleyball Asosiesen bilong Lae i save yusim long pilai, ol komiti i tok olsem ol i bai yusim dispela hap ples long larim ol ben nambaut long pilai.

Long hap sait igo, long ples we Atletiks Asosiesen i save yusim, bai i gat wanpela liklik so tu i bai kamap. Dispela em ol soldia bilong Igam Bareks wantaim wanpela biknem ain kampani, Makam Kalvets, bai go pas long en.

Trade Fair bai kisim tripela de. Ol komiti i apil long pablik long wokim taim long go lukluk raun na givim sapot long ol dispela ol kampani husat i wok long helpim PNG long sait bilong wokim samting na tu long helpim kamapim moa wok insait long kantri.



THE PAPUA NEW GUINEA UNIVERSITY OF TECHNOLOGY
Applications are invited for the following Short Management Courses by the
**MANAGEMENT DEVELOPMENT CENTRE through
UNITECH DEVELOPMENT & CONSULTANCY LIMITED**

COURSES TO BE OFFERED IN APRIL, 2000

COURSE	FEES	DATE	DURATION IN DAYS
COMPUTING COURSES:			
Micro-Soft Excel - Intermediate	K360	17 - 19/04/00	3
Micro-Soft Word - Intermediate	K360	25 - 27/04/00	3
Advanced Microsoft Access	K400	17 - 19/04/00	3
Micro-Soft Project 98	K400	25 - 27/04/00	3
ACCOUNTING AND FINANCIAL MANAGEMENT COURSES:			
Purchasing & Inventory Management	K450	17 - 19/04/00	3
Mind Your Own Business (MYOB)	K500	25 - 28/04/00	4
Introduction to Stock-Exchange/Foreign Currency Management	K450	25 - 27/04/00	3
Accounting for Accounts Clerk/Admin. Staff (Accts)	K380	17 - 19/04/00	3
Accounting Information for Decision Making (Accounting for Non-Accountants/Managers)	K450	18 - 20/04/00	3
PROJECT PLANNING AND MANAGEMENT			
Project Planning with Computers	K600	17 - 20/04/00	4
Development Planning and Budgetary Control	K550	25 - 28/04/00	4
HUMAN RESOURCES DEVELOPMENT COURSES:			
Quantitative Techniques for Supervisors	K400	17 - 19/04/00	3
Workplace Training (Train-The-Trainer) Stage: 1	K350	25 - 27/04/00	3
Workplace Training (Management & Development) Stage: 2	K420	28 - 29/04/00	2
Total Quality Management & ISO 9000	K400	25 - 27/04/00	3
Business Management & Practical Marketing	K350	28 - 29/04/00	2
Human Resource Management	K450	17 - 19/04/00	3
Supervisory Management	K450	17 - 19/04/00	3
Middle Management	K450	27 - 27/04/00	3
Quality Customer & Public Relations	K360	17 - 18/04/00	2
Marketing & Salesmanship	K360	19 - 20/04/00	2
Planning and SmallBusiness	K200	17 - 20/04/00	4

Applications must be submitted together with a non-refundable K50 nomination fee for non-attendance. No nomination will be accepted without the relevant nomination fees or a written confirmation from the employer.

Further enquiries can be made to: The Director, Management Development Centre, Department of Business Business Studies, PNG University of Technology, P.O Box 100, Unitech, Morobe Province.


e-mail addresses: enquiries@mdc.unitech.ac.pg/director@mdc.unitech.ac.pg

Phone Enquiries: Barnabas Somboba (Director) - 473 4970 / 473 4401
Patricia Kalasim - 473 4969
Fax: - 475 7229 / 475 7384

MOROBE PROVINCIAL GOVERNMENT


**WELCOME SPEECH BY
MOROBE GOVERNOR, HON. SONGANG LUTHER WENGE**


ON THE PNG-MADE TRADE FAIR 2000



● **Hon. Luther Wenge, LLB, Governor - Morobe Province**
Mr Wayne Golding, members of the Manufacturing Council of PNG, members of the manufacturing sector represented here today, business houses, state officials, ladies and gentlemen.

Please allow me to extend my sincere welcome to all of you to Morobe. It is not often that provinces are privileged to play host to important visitors, the private sector and hundreds of people in Papua New Guinea who have come into Lae to celebrate with us several important occasions.

The first is the official opening of the important Bulolo/Wau Road, then new Umi Bridge by the Hon. Prime Minister, Sir Mekere Morauta which coincided with the launching of the 8th PNG-Made Trade Fair tomorrow.

I am sure that those of us who are celebrating these events are going to be happy and satisfied with our achievements because they would all have a big impact on the lives of our people.

Over the weekend, we will be privileged to view the developments that have taken place in the manufacturing sector.

Starting today through to Saturday, Papua New Guineans and the business community will witness new products, technology and expertise from the manufacturing industry come on show.

On behalf of the Morobe Provincial Government and the people of Morobe, I

would like to thank the Manufacturing Council of Papua New Guinea for bringing the PNG-Made Trade Fair 2000 to Lae this year.

Lae is the industrial hub of the manufacturing industry in Papua New Guinea and it is only proper that the Council, headed by Chairman Wayne Gold, should decide to stage the Trade Fair in here.

I understand that the first seven Trade Fairs were held in Port Moresby and this year is the 8th annual PNG-Made Trade Fair. This move to Lae also reflects the recognition the Manufacturing Council of PNG places in this city as the industrial centre of this nation.

A productive and continuing dialogue between the public and the private sectors is vital in order for both sectors to prosper and grow for their mutual benefits and the benefit of those they serve.

The Morobe Provincial Government has enjoyed a lasting and fruitful relationship with the private sector in the province. This relationship is reflected by the involvement of the Lae Chamber of Commerce and Industry in various public boards and committees in the province.

My Government has maintained that relationship because it views the contributions from the private sector toward nation building as very important. For example, the taxes paid by the private sector comprised a big proportion of the provincial budget as well as the assistance given to community based groups and government institutions which go a long way to help the needy.

My government was putting into place policies that would boost economic development in the province. We are now placing emphasis on coffee development. We intend to revive the copra and cocoa industries. Initiatives are being put in place to expand the tea industry. These industries are agricultural based activities that will provide the markets for the products that are being produced by the companies.

The objective of the Trade Fair is to promote the goods and service that are produced by companies operating in Papua New Guinea. I am sure that this objective will be realised when the two-day event comes to an end.

Papua New Guinea gained independence on 16th September 1975. over the last 25 years, government policies on investments have been reviewed and changed. These policies were aimed at increasing incentives and

opportunities to companies to better service businesses and industries in Papua New Guinea.

The industry has an annual return of some K800,000 million and it is growing. It can grow further and stronger. This can only happen when there is strong consumer support for our local manufacturers.

Consumers have very limited knowledge of the manufacturing industry. As a result, they have made decisions in their lives that have had a major influence on the economy.

The PNG-Made Trade Fair should change that by providing to the public and business community all these information. Papua New Guineans need to be told that it is important for the economy of this country if we buy products made by companies in PNG. By doing this, we not only help keep the Kina in the country but help the companies to grow, thus strengthening our economy.

The Manufacturing Council of PNG must be commended again for choosing this city as the location for this year's PNG-Made Trade Fair. Lae is strategically located. This has allowed many businesses, non government organisations and the ordinary people from all over PNG to see or participate in the two-day event which officially starts tomorrow.

I urged the companies to make full use of this opportunity to market themselves and their products/services.

I believe that the people will, with the information they gained over the next few days, measure the progress the country has made in the manufacturing industry; they will understand the technology and expertise involved, and who is involved in the various industries. They then will make informed decisions that can only be of benefit to themselves, the private sector and Papua New Guinea.

With these few notes, I once again, thank Chairman of the Organising Committee, Keith Kingston and his team for doing an excellent work in preparing the whole event, Mr Wayne Golding and his Council for selecting Lae as the Venue for the First Trade Fair in the new millennium.

Thank you.

HON. SONGANG LUTHER WENGE, LLB,
Governor - Morobe Province

2000 Trade Fair bai bikpela na stail moa



• Jean Westerhout, meri i go pas long bringim kamap Trade Fair long Lae.

ROSALYN ALBAN-IEL i raitim

NAMBA 8 PNG Made Trade Fair we bai kamap long Lae long Mas 24 igo inap long Mas 26 bai i bikpela na stail moa.

Dispela em i hap tok tok we i kam long ol maus lain na komiti memba bilong dispela bikpela so.

Baos meri husat i go pas long traim long wokim kamap dispela Trade Fair, Jean Westerhout i tok olsem ol i wok long wok yet long stretim dispela bung tasol olgeta samting i wok long ron stret bihainim plen bilong ol.

Mis Westerhout i tok olsem bekim ol i wok long kisim na kisim pinis long ol bisnis manmeri i gutpela tru na dispela i mekim ol i tok aut olsem 2000 Trade Fair bai i stail moa.

Mis Westerhout itok olsem komiti i bilip olsem ol i wok long kisim gutpela bekim

long olgeta bisnis lain we ol i tok tok wantaim long tek pat bilong wanem em i nambawan taim tru we dispela Trade Fair bai i kamap arasait long Pot Mosbi.

"Long stat bilong dispela Trade Fair i kam inap nau, Mosbi tasol i gat sans long go pas long dispela Trade Fair.

"Dispela em i nambawan taim we wanpela narapela ples bai gat dispela sans," Mis Westerhout i tok.

Mis Westerhout i wokim tok amamas na tenkyu i go long bikpela komiti bilong dispela Trade Fair long tok orait bilong ol long larim Lae i go pas long dispela yia.

Em i tok planti bisnis i bai tek pat bikos Lae em i klostu liklik long planti arapela ples olsem Hailiens, Niugini Ailens, Sepik na Madang. Na ol bisnis we i stap long ol dispela ples bai ino inap westim bikpela mani long kamap long Lae long tek pat.

Bos meri ya i tok aut olsem moa long 80 kampani long olgeta hap kona long PNG i bukim pinis spes bilong ol long Sir Ignatius Kilage Stedim long kamapim displei bilong ol.

Em i amamas tu olsem planti bilong ol dispela kampani em ol liklik bisnis manmeri husat i ronim ol liklik bisnis.

Em i strongim tok bilong komiti olsem ol i bin laik lukim planti kain ol bisnis olsem i tek pat

na hat wok bilong ol long traim long pulim ol ino go nating bilong wanem ol i gat bikpela bilip olsem dispela em i wanpela rot long traim long helpim ol dispela kain lain.

Mis Westerhout i tok solsem bikos Trade Fair ya bai i kamap long Lae dispela i wokim wok bilong em i isi tru.

"Sapot we mipela long Lae i kisim long dispela Trade Fair i bikpela tru. Planti ol bisnis i givim sapot long sait bilong mani na ol arapela samting tu," em i tok.

Siaman bilong Lae Komiti, Keith Kingston i wokim wankain tok.

"Mipela long Lae i amamas tru olsem Trade Fair bai kamap long Lae na mipela i lukim dispela olsem wanpela bikpela samting long dispela nupela taim.

"Mi laik enkarisim ol bisnis long kisim dispela bikpela sans long kam fowet na helpim long sapotim na promotim dispela so bilong wanem i i gutpela sans long olgeta long soim stret ol kain samting we PNG yet inap long wokim," Mista Kingston i tok.

Ol displei we ol wanwan kampani bai putim i bai nambawan samting long dispela taim. Tasol i bai gat ol arapela aktiviti tu we i bai kamap long wankain taim long mekim Trade Fair ya i stail.

I bai gat ol arapela kain samting olsem samting bilong ples na

tumbuna tu we PNG tasol i save wokim bai i stap.

Antap long dispela i bai gat ol ben i bai pilai, i bai gat sampela kampani tu we i bai tok aut na soim ol sampela nupela prodak bilong ol. I go moa yet, i ai gat ol liklik demonstresen o tok piksa bilong wokim na kukim ol kaikai we yumi yet i save planim na lukautim.

Ol sampela memba bilong Igam Bareks Difens Fos wantaim wanpela ain kampani long Lae bai putim wanpela stail so bilong ol. Dispela em long wei bilong sanapim bristu.

I bai gat kankain moa arapela samting we i bai stap we bai mekim nais tru dispela Trade Fair. Long dispela as ol komiti i tok stron olsem ol manmeri i mas givim taim long raun i go na tu givim sapot long apim nem bilong ol samting we ol i wokim long hia stret.

Trade Fair ya i bai kik ol long Fraide Mas 24. Long dispela taim get i bai op long ol sumatin tasol long go raun na lukluk.

Long nait ol i bai opim dispela Trade Fair. Long sem taim ol i bai tok aut long ol wina bilong ol awod olsem Best Display, Best Product, Encouragement Award na tu long wina bilong sumatin husat i winim resis bilong resis bilong ol sumatin ol i kolim long "Invent a new Product".

ST. JOSEPH'S TECHNICAL TRAINING CENTRE



COURSES WE OFFER ...

The courses conducted at St. Joseph's are as follows:

- CARPENTRY-JOINERY
- STEEL-FABRICATING/WELDING
- MOTOR-MECHANICS

Every course is designed for a 2-year period of instruction. Courses are divided into Practical Lessons, Trade Theory and General Subject lessons.

Our well-balanced time-table divides the lessons as follows:

1. Bench-work, Trade Theory, Technical Drawing and Trade Mathematics, altogether 25 periods per week of 40 minutes each.
2. General Subjects, consisting of English, Maths and Social Studies divided over 10 periods.
3. Sport and Gardening are also included in the time-table.

Practical and Trade Theory lesson go hand-in-hand to give the students a good understanding and knowledge of their trade.

General Subjects are chosen to allow study of useful topics for personal development in later life.



IFC bai skulim manmeri

THEO THOMAS i raitim

PLANTI ol lain i bin hamamas long dispela disisen em ol lain husat i save ronim PNG Made Trade Fair i bin wokim long holim Trade Fair bilong dispela yia long Lae na ino long Mosbi olsem ol i save wokim long bipo.

Wanpela bilong dispela ol lain husat i bin hamamas long dispela disisen em International Food Corporation (IFC).

Na ol tok ol i redi tasol long kamap long Trade Fair.

Mausnan bilong kampani, Mista John Anis tok long bipo ol i no save soim gut ol samting bilong ol taim fe i save stap long Pot Mosbi bilong wanem em i save kos bikpela mani na i save hat long ol karim ol samting long Lae i go long Mosbi.

"Tasol nau taim ol i holim fe long hia, mipela i redi na was tasol long soim ol samting bilong mipela," Mista Anis tok.

Mista Anis tok ol samting em IFC bai wokim long Trade Fair em bai long skulim ol manmeri.

"Mipela i laik to skulim ol manmeri

long ol rot we mipela i save bihainim long wokim kamap ol tin pis bilong mipela.

Bikpela samting em mipela laik bai ol i ken luksave long ol hatwok mipela i save wokim bambai kaikai ol i kisim i swit moa na i gutpela stret," em tok.

Em tok Regional Sales Executive bilong ol, Mista Zeipi Toksy bai i go pas long ol lain bilong IFC long Trade Fair. Quality Controller, Yuosa Kaikar na enjinia bilong fektori Andrew Yuants tu bai wok bung wantaim Zeipi long soim ol samting bilong IFC long Trade Fair.

Mista Anis tok IFC i bin wanbel long ronim kain program long Trade Fair bilong wanem em save olsem taim ol manmeri i gat gutpela save long wanem kain kaikai ol i kisim, ol i bai no gat wari long kisim na kaikai.

"Taim ol manmeri i luksave long ol rot em mipela i save bihainim long wokim ol kaikai em mipela i save salim, ol i bai hamamas long baim na kaikai," Mista Anis tok.

tu em tok ol manmeri husat i go long Trade Fair bai i gat sans long traim sampela tinpis bilong IFC.



• **Maketing menesa bilong Bismil Trading Ikram Sahabdeen.**

• **Raithan: Faktori menesa Abdul Gafoor Mohideen.**



Bismil i save mekim ol yunifom tu

BISMIL Trading Ltd i bin statim bisnis bilong em long Papua Niugini long 1994.

Emi stap long 6-Mile, klostu long Granville insait long DHL kompaun na emi stap long wanpela industri i save samapim kolos.

Dispela kampani i go long niupela hap emi stap long em nau bai igat planti rum long samapim kolos bilong ol planti i putim oda.

Bismil i save mekim ol yunifom bilong ol man-meri i save wok long peles balus, hotel, bilong bikpela kampani, skul pikinini na ol nes. Na pe bilong em i no bikpela.

Planti long ol dispela lain i save askim Bismil long wokim ol kolos bilong ol long wanem igat gutpela kwaliti na ol save hariap long samapim ol kolos. Na tu ol igat ol kastoma istap long Solomon Isalnd.


Emi hamamas tru long halivim PNG long ekonomi bilong em na save promotim ol PNG-Made prodak.

Ol meri save samapim ol kolos em ol meri PNG tasol, na planti long ol igat planti eksperiens inap long statim bisnis bilong ol.

Na tu igat ol wan-wan man-meri i save kam na givim oda wantaim ol mesamen bilong bai ol lain long Bismil i ken samapim ol dispela kolos.

Bismil i save kisim ol matiriol igat hai kwaliti na ol narapela liklik samt-ing bilong mekim kolos i luk nais tru long ol narapel kantri. Na tu emi gat ol gutpela ekwipmen olsem 12 ins strait naif bilong katim kolos, otometik baten na baten hof masin, faive tred masin na ol masin bilong samap igat hai spid singol nidel.

Dispela i halivim ol long wokim wok hariap tru na save halivim long taim ol kastoma i putim planti oda na taim



• **Ol siot ol i wokim long Bismil treading.**

bilong ol long kisim ol kolos bilong ol.

Bismil i save halivim komuniti long komuniti sevis olsem trening kos bilong ol sumatin long ol vokaseno skul. Na long olgeta dei ol save lain-im ol meri husait save samap long samapim ol niupela kain stail kolos.

Long nau yet Bismil igat twenti-faipela meri save samap, tupela man save katim ol kolos, wanpela draiva em save karim ol kolos igo long ol hap ol lain putim oda na wanpela meri -em save wok long opis.

Planti long ol lain wok long hap i hamamas tru long wanem ol igat olgeta samt-ing long wok wantaim na i gat planti spes long wokim wok.

Olsem na Bismil, long hamamasim ol kastoma ol save kastoma gutpela samt-ing long liklik pe bilong em.

TASTE OF PNG TRADITIONAL DESIGNS



Specialists in Furnitures of all kinds:

- Traditional carved Designs
- Coffee Tables, Tables, Chairs
- Wall Units
- Chest of Drawers
- Beds

Church Furniture/ Art

And many more at your requirement!

JOB BUILDERS PTY LTD

Keso Gedec Cres Omili

P.O. Box 2117, Lae Phone 472 2193 Fax: 472 0659



1. Eco-Forestry Program.

- Portable Sawmill Training
- Eco-Timber
- Eco-Home
- Eco-Forestry Business Plan

2. Biodiversity Conservation & Research Programme.

- Integrated Conservation & Development
- Marine Conservation Projects
- Conservation & Monitoring of Leatherback Turtle
- Biodiversity Survey
- Fish & Coral Reef Monitoring Projects
- Establishment of Community Based Organisations

3. Gender and Social Issue Program.

- Women in Development Projects
- Baseline studies on the socio-economic situation of a target community

4. Eco-Enterprise Development Programmes.

- Kamiali Guest House and Training Centre Projects
- Eco-Enterprise Projects:
 - community micro credit scheme
 - ecotourism
 - community sustainable agriculture
 - promote non-timber forest products

- VDT income generation projects.

ARNOTTS BISKETS PNG WOKIM TUPELA GUPTLEA BISKET

Arnotts Biscuits PNG bai soim tupela nupela prodak long PNG bisket maket. Tupela em **Hi-Way Hardman** na **Chocolate Delta Cream**.

Ol bai soim tupela long PNG Made Trade Fair tasol planti bilong ol honsel na stoa nambaut i gat dispela ol bisket

Ol lain husat i go long sten bilong Arnotts long Tred Fe bai i traim dispela ol bisket

NEW NEW NEW!

HI-WAY

HARDMAN

COME TO
OUR STAND
AT THE
TRADE FAIR
IN LAE







Paradise

Ol kalabus lain go long Trade Fair

THEO THOMAS i raitim

OL kalabus long Buimo hauskalabus bai go long Trade Fair long soim na salim ol samting em ol wokim.

Komanda bilong hauskalabus Samson Jarro tok dispela bai i namba wan taim stret em Buimo hauskalabus bai i go long soim na salim samting em ol wokim long ol kain bikipela bung olsem na ol woda na kalabus wantaim i hamamas tru long dispela.

Mista Jarro tok as bilong ol i go long tred fe em long soim ol manmeri olsem ol lain long hauskalabus i no stap nating tasol long hauskalabus.

Tai ol i step long hap, ol i save lainim kainkain samting em ol woda i save skulim ol long halivim ol long sindaun gut taim ol i pinis kalabus.

Em tok long Trade Fair, ol kalabus meri bai stap long salim ol samting em ol wokim na long tok tok long ol manmeri.

Mista Jarro tok dispela em bilong wokim bambai ol manmeri i ken harim stret long maus bilong ol kalabus long liap long kalabus.

"Mi wokim olsem bikos mi laik bambai ol manmeri i harim stret long maus bilong ol kalabus yet

wanem kain laip em ol sindaun long en," Mista Jarro tok.

"Sapos mipela ol woda wokim dispela, em bai mipela i no inap long tok tok tru long ol manmeri," em tok.

Ol samting em ol kalabusmeri bai salim em ol samting olsem su, hanpaus, bilum na ol narapela moa yet em ol i bin wokim long skin bilong rebit.

Buimo i save lukautim o rebit bilong ol yet na taim ol i salim mit bilong rebit, ol i save kisim ol skin bilong wokim ol samting nambaut.

Narapela samting em ol bai salim em long stov em ol wokim long dram na long agmes waia.

Dispela em ol kalabus man i bin wokim. Ol let em ol wokim long string em ol bai i salim tu.

Projek Opisa bilong dispela so, Sinia Inspekta Matthew Haperi tok ol lain kalabus man inap long wokim ol kain samting olsem ol sia, tebol, bet na kabot nambaut long salim tasol woksap bilong ol em i bin bagarap long taim wara Bumbu i bin tait.

Em tok long bipo, ol lain kalabusman i save wokim dispela ol samting na salim long manmeri nambaut tasol long sampela kris-mas i kam inap nau, ol i no bin wokim dispela ol samting.

Buimo hauskalabus i gat 600 kalabus manmeri.

Fas Gro gutpela marasin bilong gaden

PASIN bilong lukautim sinek bilong graun (worm) i wanpela nupela samting long PNG tasol long ples bilong ol waitman, dispela i wanpela bikipela samting.

Ol lain husat i save lukautim ol i save wokim wanpela kain bet bilong ol na lukautim ol olsem ol narapela abus. Taim ol i kaikai na dring wara, ol i save go bikipela na i save wok long karim planti pikinini.

Dispela ol wom em ol i save lukautim em ol i kolim kamos wom. Dispela ol kamos wom em ol lain husat i save stap long graun long bikbus na i save kaikai ol lip bilong diwai samting.

Ol samting em ol i kaikai i save go insait long bel bilong ol na kamau-sait olsem pekpek.

Ol i kolim pekpek bilong ol kast-ing (casting) na dispela samting i ken grisim gut graun bilong wokim ol kaikai i kamap gut.

Narapela gutpela samting i stap long pispis bilong ol wom. Nem bilong dispela samting em likwid vemicas (liquid vermicast).

Niugini Composting i save kisim pispis bilong ol wom klinim gut, putim insait long ol botol na i save salim. Nem bilong samting ya em Fas Gro.

Long Australia, wanpela grup ol kolim long CSIRO i bin wokim wanpela stadi i go insait long dispela marasin na ol i bin painimaut olsem ol tomato i bin kamap bikipela olsem 70 pesen, na melen kokomba na pamkin 60 pesen.

Long Niugini Compost, i gat olsem 5,000,000 wom husat i wok long kaikai, pispis, na pekpek na karim pikinini i stap.

Vemikas i no inap long bagarapim ol kaikai long gaden na yu ken yusim liklik tasol bilong wokim kaikai kamap gut.

Fas Gro i wanpela gutpela marasin em mipela i wokim long PNG yet na i wok long traim na kisim ples bilong ol fetilaisa we i kam long ol narapela kantri.

Long save moa long dispela samting, tok tok wantaim ol lain long Niugini Kamos long tred fe.



LAE TECHNICAL COLLEGE

P.O. BOX 4366, LAE, MOROBE PROVINCE, PAPUA NEW GUINEA
TEL. No. (675) 472 2555 (Ext. 27) FAX No. (675) 472 1025

THE COLLEGE WILL RUN THE FOLLOWING BUSINESS STUDIES PART TIME COURSES STARTING SOON THIS MARCH 2000:

Subject	Course Fee	Duration
Foundation Course (Bridging course for diploma)	K 450.00	15 Weeks
Accounting One	K 600.00	15 Weeks
Accounting Two	K 600.00	15 Weeks
Taxation	K 600.00	15 Weeks
Introduction to Marketing (Using an interactive CD ROM Including Market Planning) Using BS Laboratory	K 450.00	12 Weeks
Computer Accounting (MYOB) Using BS Laboratory	K 400.00	8 Weeks
Constructive Accounting (Reconstruction, Interpretation and correction of errors in Financial Statement)	K 400.00	8 Weeks
Microsoft Word and Excel (introduction to MS Office 97 and Windows 95/NT) using Electrical Laboratory	K 400.00	8 Weeks

Note: All courses will open only if there are at least 10 enrollees. 50% of the fees must be paid before start of class.

Other part-time Courses

Subject	Course Fee	Duration
Basic Bookkeeping/Introduction to Accounting	K300.00	8 Weeks
Keyboarding and Office Procedures	K300.00	8 Weeks
Advance Training Course for Professional Secretaries	K300.00	8 Weeks
Business Communication	K300.00	8 Weeks

General Requirements:

All applications must be accompanied by photocopies to relevant documents. The original certificates must be made available for verification at the time of enrollment.

For Diploma Subjects leading to a Diploma in Accounting:

Grade 10 or above graduates with upper pass or better grades in English and Mathematics.

Enrollment is now going on, classes start as soon as we have enough students for 2-3 days a week from 4:00 pm to 6:00pm (Monday to Friday). Payment of 50% of the total fees will be paid on enrolment, with the balance to paid fortnightly in no more than 4 instalments.

"THE COLLEGE WISH TO ACKNOWLEDGE THE CONFIDENCE GIVEN BY THE TRADE FAIR ORGANISING COMMITTEE FOR ALLOWING TOURISM AND HOSPITALITY DEPARTMENT TO PROVIDE THE CATERING SERVICES DURING THE TRADE FAIR THIS YEAR".

"LAE TECHNICAL COLLEGE IN TOUCH WITH THE COMMUNITY"


It's Better

It's TUNA!

It's PNG's Very Own...

- *The freshest tuna caught in PNG waters.*
- *100% tuna meat, no bones, no skin, all natural.*
- *More fish in every can.*
- *Excellent source of muscle building protein, Vitamin D, and Selenium which help reduce the risk of cancer and heart disease.*
- *Affordably priced.*

PROUDLY



Commercial Training College - kos bilong em i winim narapela lain

Commercial Training College i bin stat long 1989 tasol em i statim training bilong em long 1991.

Em i bikpela long olgeta praiwet institusen insait long Papua Niugini, long ol fasiliti, ol lain save wok long administrasen, ol tisa na long namba bilong ol studen save kam skul long olgeta yia.

Long wanpela yia dispela skul inap kisim olsem 2000 studen bilong kisim save long ol shot tem na long tem koses.

Ol dispela inap olsem tupela mun oa wan yia.

Na long dispela namba olsem 75% long ol studen save kisim wok bikos pass mak bilong ol em 60% na i go antap.

Dispela skul i save lainim ol graide 10 skul liver husait i nogat eksperiance long wok oa ol ino nap long kisim wok.

Oa ol ino nap long go long graide 11 na 12.

Ol tisa bilong dispela skul i kam long ol univesiti, na ol igat diploma na digri long wanem wok ol wok long lainim ol studen.

Ol dispela tisa igat diploma na digri save kisim ol studen long module certificate courses na ol integrated courses em ol tias igat digri save tisisim.

Em igat ol gutpela klasrum ino olsem ol narapela skul.

Em bai no nap gat olgeta fasiliti, tasol ol course bilong em i winim ol narapela lain.

Commercial Training College i save lain ol studen long tripela hap.

Namba wan em ol module courses bilong ol man-meri i wok pinis.

Namba tu em integrated studies bilong ol studen laik kisim wik na namba tri em ol structured courses bilong ol studen i laik kisim moa save long wanem ol wok long lainim.

Bai ol studen inap long baim ol stadi buk na ol buk bilong usim long klasrum long liklik mani.

Na skul yet i save provaidim hap bilong silip na kaikai olsem na pe bilong em bai olsem K230 long wanpela mun.

VDT wok mekim bai ol meri tu bai wok long sawmil projek

Village Development Trust emi wanpela independen, Non Governmental Organisation insait long Papua Niugini i bin stat long 1990.

VDT i bin stat long taim ol man-meri i lukim olsem ol logging kampani wok long bagarapim ol rain fores bilong ol.

Emi stat olsem wanpela awenes na edukasen program na behain em i kamapim ol narapela ekiviti na sampela inisitif.

Ol dispela inisitif i wok long lainim ol man-meri long lukautim ol fores bilong ol long nau na bilong ol pikinini bilong behain taim.

Dispela ol inisitif em: Eco-Forestry Business Programme, Integrated Conservation Development Project in Kamiali Wildlife Management Area, Kamiali Training Center and Guest House, Social and Gender Issues Desk and Education and Training and Advocacy Programme.

Long Eco-Forestry Business Programme ol man-meri i wok long lainim long katim diwai long salim na ronim bisnes bilong ol.

Integrated Conservation emi save lainim ol man-meri long lukautim ol diwai long fores bilong ol pikinini bilong behain taim.

Kamiali Wildlife emi bikpela komitmen bilong VDT na wantaim ol

man-meri long Kamiali komuniti ol wok long usim ol samting we ol bai no nap long bagarapim giraun na diwai.

Guest House long Kamiali wok long kisim planti lain long ples long wokim wok.

Na wan pela impoten samting insait long dispela olgeta em ol meri mas lainim long wokim ol wok bisnis na luksave long wokim wanem taim ol man bilong ol i spak, na save paitim ol na ol pikinini ino kaikai gut.

VDT wok mekim bai ol meri tu bai wok long ol sawmill project. Na laspela long ol dispela inisitif em Education, Training, and Advocacy Programme save lainim ol man-meri long ol liklik forestry na bisnis management na awarness bilong environment.

Olsem na VDT i wok long wokim bai ol dispela samting i wok gut long kamapim ol dispela samting:

- wokim bai ol komuniti i save gut moa long ol fores bilong ol na bai ol lukautim gut.

- bai igat ol gutpela komuniti, na ol bai lukautim ol yet.

- bai ol man-meri i wok wantaim na ol bai luksave olsem ol ken wok wantaim.

- na bai ol komuniti i wok wantaim long wokim mani bilong ples yet.



Save With MOROBE SAVINGS AND LOAN SOCIETY

*For your Credit needs
In the new Millennium*

- School fees for children
- Medical Expenses
- Holiday Expenses
- Wedding Expenses

or

- Business Project that you want to kick start.

Why not call in and see us before it is too late.

We are at Vele Rumana Building,
on the Ground Floor.

**P.O. Box 3488
Fourth Street, Lae**

**Phone: 472 1777
Fax: 472 1778**



SENTRY LOCKSMITHS PTY. LTD.

TAKE A CLOSER LOOK AT YOUR

SENTRY LOCKSMITH AND WHAT HE CAN
DO FOR YOU

“Key cuts while you wait”

- Lock and key service
- All keys cuts
- Lock repairs
- Sales and services of safes
- Master key systems
- Lock out services
- Car ignition repairs
- Shoe repairs and hand graving

**P.O. Box 2244, Lae - Morobe Province
Ph: 472 4434 -
Fax: 472 5160**

Helpim ol narapela na helpim yu yet

BARBARA MASIKE i raitim

SINDAUN bilong yu i no nap long kamap gut i nap long taim yu save olsem wanem kain bisbis yu mekim i helpim ol narapela lain, na tu helpim yu yet long laip bilong yu.

Planti pipel husat i wok insait long ol praiwet kampani na tu long gavman i no painim amamas long ol wok bilong ol na save kirapim ol bisnis bilong ol yet. Planti i save tok ol i mekim olsem bikos ol i laik mekim sampela gutpela samting long laip bilong ol, na moa yet ol i luksave long ekonomi bilong kantri na i gat bilip olsem ol tu i ken helpim na kirapim strongpela ekonomi bilong Papua Niugini.

Planti pipel i mekim dispela olsem David Hod husat bihain long em i pinisim 15 yia wantaim Hastings Deering long long Sels divisen we em i salim ol bikpela masin nabaut, em i lusim bikpela kampani na kirapim wanpela bilong em yet.

Long mun Me bilong 1999, David i pulim olgeta risos em i gat na lonsim kampani em i kolim long Horkshop Limited long helpim ol meja dilas insait long Papua Niugini, moa yet long Lae we em bai lukluk long helpim ol klaien bilong Mamose na Hailans rijen.

I nap long taim kampani i statim operesen bilong, kampani i painim panti salens bikos nau yet ekonomo bilong kantri tu i no gutpela tumas, tasol maski kampani i nupela, David i save em i taim bilong stop.

"As tingting bilong mipela em long kamapim wanpela Asples kampani i gat moa save long sait bilong salim ol bikpela masin na ol spea pats na ol yus masin long ol klaiens long prais i gutpela insait long kantri," Mista Hoa i mekim dispela toktok i kam long Lae opis long Markham haus, Milfordhaven rot.

David i tok klia olsem dispela Horkshop Limited em i wanpela kampani we i kamap long baim na salim ol hevi masin long ol lokel kontrakta i stap, moa yet long ol lain i stap long mekim ol rot, loging na maining konstraksen indastri.

"Nau yet yumi wok long kisim taim wantaim ekonomi bilong kantri na oo interes ret insait long Papua Niugini i go antap tumas olsem 30 pesen, ol kontrakta i no

inap long baim ol masin na spea pats i kam long ol ovasis kantri bikos prais bilong ol i antap tumas," Mista Hoa i tok.

Moto bilong kampani i sanap olsem "Delivering Value" o long tok pisin yumi ken tok "Givim gutpela sevis o velu" na ol kastima husat i kam painim ol long stua bilong ol Markham haus i amamas tasol long ol samting ol i kisim long Horkshop.

"Mipela i wok long kisim ol kastoma i kam long ol liklik na bikpela opereta insait long kantri na mipela i lukim olsem interes long bisnis bilong mipela i wok long gro," Mista Hoa i tok.

Mista Hoa i papa bilong dispela bisnis na i menesim operesen bilong kampani long olgeta de.

Nupela wokman long hap Joe Mora husat i wok 27 yia wantaim Hastings Deering tu i stap olsem het bilong spea pats operesens na em i gat helpim bilong tripela treini sels lain. Joe i gat moa save insait long operesen bilong ol pats na dispela em i wanpela gutpela samting tru bilong ol wok bisnis bilong Horkshop, moa yet long ol spesel projek eria na long ol wok bilong em wantaim ol maining na loging eria insait long Papua Niugini.

John Ono i stap bos long sevis dipatment na em i gat tripela narapela husat i helpim em long lukautim woksap na ol i save lukluk long gutpela mentenens sevis na ol narapela sevis long ol wok ripes em ol klaiens husat i stap long fil i laikim.

Kampani i gat ol narapela wokman olsem tripela sekyuriti, tripela edmin staf, wanpela opis man na narapela bilong lukautim ol stuarum.

Planti ol lain husat i wok nau long Horkshop em ol mangi husat i nogat wok na stap raun nating na Mista Hoa i givim wok long ol.

Mista Hoa i save olsem dispela kain wok i no isi na em wantaim ol wok man bilong em i mas wok hat tru long stap insait dispela hat taim.

Em i save olsem em i mas gat moa save long ol kainkain masin em i salim bikos em bai moa gutpela long em i toksave long ol klaien bilong em wanem kain masin em i gat bilong salim.

Na long dispela we tu em i ken givim gutpela sevis long ol klaiens bilong em.

WHO'S
THE BEST?
THE PROOF IS IN YOUR
PRINTING!



Call ...

THE PRINTING HAUS LTD.

- ◆ ANNUAL REPORTS
- ◆ LETTERHEADS
- ◆ BUSINESS CARDS
- ◆ ELECTION POSTERS
- ◆ TYPESETTING
- ◆ INVOICE BOOKS ETC.
- ◆ CAMERA READY ARTWORK
- ◆ POSTERS
- ◆ PAMPHLETS
- ◆ LEAFLETS
- ◆ MAGAZINES, ETC.

**WE CAN MEET YOUR
REQUIREMENTS!**

Cnr. Croton &
Frangipani St., HOHOLA
P.O. BOX 6396, BOROKO

TEL: 325 2415

FAX: 325 4743

PIPEMAKERS

**THE
INNOVATORS**

- * CLEAR ROOFING - Does not rust!
(Test results for impact & UV resistance available)
- * Pipes developed for Lihir Mine geothermal drilling.
Ask for test reports - test done at 200 Celsius
- * Cable Pits developed for telecommunication purposes.
- * Rain water guttering which does not get clogged with leaves? Ask us!!

- * PVC Pipes for water supply and drainage plus all fittings. (To Australian standard)
- * Polyethylene pipes and fittings for water supply (To Australian standard)
- * Electrical Conduits - Light duty & underground. (To Australian standard)
- * Galvanized Steel pipes & fittings
- * Fibreglass water tanks (easy to repair)
- * Fibreglass septic tanks (easy to repair)
- * Black Steel (ASTM) & Victaulic fitting.

**We are not up NORTH
Or down SOUTH
But right here in LAE,**

Papua New Guinea, Call : (675) 472 6847, Fax: (675) 472 0453

IPA bai sambai tasol long lukim yu

THEO THOMAS i raitim

TAIM wanpela man i bin kilim tupela Asian manmeri long Pot Mosbi long 1999, planti toktok i bin kamap long dispela.

Wanpela bilong ol dispela tok tok em long rot we dispela tupela manmeri i bin kisim laisens bilong ronim liklik tred stoa. Olsem wanem tru na tupela i bin kisim laisens bilong ronim ol liklik tred stoa we ol manmeri bilong Papua Niugini tasol i ken ronim?

Planti manmeri i no save gut long ol rot em ol manmeri bilong narapela kantri i save bihainim long wokim ol kain bisnis olsem.

Tasol Evodia Boslogo, Ekting Eksekutif Menesa bilong Investment and Export Promotion Division long IPA i tok ol IPA i save givim tok orait long ol kampani bilong narapela kantri na ol bisnis man long wokim bisnis long hia.

Em tok dispela ol tok orait em ol i save givim i save bihainim tasol ol lo bilong Industriyel Rilesens, Imigresens na ol narapela lo bilong kantri.

"Mipela i save stap long Pot Mosbi tasol na long wanwan taim mipela i save go raun long ol provins olsem na mipela laik bai ol manmeri na ol bisnis i kam lukim mipela na toktok wantaim mipela long ol rot we mipela i ken bringim gutpela sevis i go long PNG," - Boslogo

Misis Boslogo tok olsem ol bisnis em ol i PNG manmeri tasol i ken ronim, i gat ol posisen long ol wok em ol PNG manmeri tasol i ken wok long en.

Long dispela, departmen bilong industriyel relesen i save bosim na ol lain long foren afeas i klia long en.

Em tok IPA save givim tok orait tasol long ol kampani long kam long wok long PNG bihainim long em i luksave gut tru olsem ol inap long wok gut long kantri.

IPA i no save givim Visa o wok pemit. Dispela ol samting em ol lain long Foren Afeas na Industriyel Rilesens i save givim.

Dispela em wanpela kain ansa ol manmeri bai kisim taim ol i go lukim ol lain long IPA long Trade Fair tomoro na long wiken.

"Mipela i kisim wanpela hap pinis na mipela bai i redi tasol long lukim yupela," Misis Boslogo tok.

Em tok IPA bai i gat 4-pela opisa long Trade Fair.

"3-pela opisa bilong IPA long Pot Mosbi bai i go long hap long halivim wokmeri bilong ol long Lae - Anita Aaron," em tok.

Misis Boslogo tok IPA i hamas tasol long stap insait long dispela Trade Fair bilong wanem em i save olsem Trade

Fair em wanpela gutpela taim bilong bungim ol kainkain manmeri.

"Mipela i save stap long Pot Mosbi tasol na long wanwan taim mipela i save go raun long ol provins olsem na mipela laik bai ol manmeri na ol bisnis i kam lukim mipela na toktok wantaim mipela long ol rot we mipela i ken bringim gutpela sevis i go long PNG," Misis Boslogo tok.

Misis Boslogo tok ol lain wanwok bilong em bai i sanap redi tasol long halivim ol manmeri long wanem kain askim ol i gat long IPA.

"Mipela bai i gat ol man husat bai tok klia long ol man na ol

bisnis manmeri ol rot bilong pilimapim ol pepa bilong rejistim kampani.

"Tu mipela bai stori gut long ol man long wanem kain rot en ol man bilong narapela kantri husat i laik wokim bisnis long PNG i save bihainim long kam wokim bisnis insait long PNG."

Misis Boslogo tu i singaut i go long ol man husat i save planim ol kaikai na salim na ol narapela husat i save wokim ol samting long go lukim ol lain painim ol sampela rot bilong salim ol samting bilong ol insait yet long PNG o i go ausait long PNG.

"Nau bai namba wan taim tru bilong Trade Fair long kamap ausait long Pot Mosbi, olsem na mipela laik bai ol manmeri husat i gat ol askim long ol samting em ol i no klia tumas o ol hevi em ol i lukim i wok long kamap long ol taun nambaut long kam lukim ol lain bilong mipela long tred fe," Misis Boslogo tok.

Plis kam tasol na lukim mipela. Sapos yupela i no gat gutpela as long lukim mipela, maski wari, kam tasol, mipela bai i hamamas tasol long mauswara wantaim yu."



PNG COCOA GROWERS AND PRODUCERS SAVINGS AND LOAN SOCIETY

*Yu save groim o kamapim kakao?
Yu stap insait long kakao bisnis?
Yu tingting long kamapim o groim kakao?
Yu tingting long kirapim bisnis long kakao?*

Sapos ansa bilong yu YES long wanpela bilong ol askim i stap antap, yu mas kamap memba. Dispela Savings na Loan Sosaiti em bilong yu stret, maski yu kam long wanem hap.

Interes bilong Loun (dinau) em liklik tru olsem 0.5833% long wanwan mun antap long balens we yu no baim yet o 7% i go daun, insait long wanpela yia. Fi bilong kisim loun, em stat long K3-inap long K20.

OL SEVISIS

- SEVINGS AKAUN
- RAUSIM MANI STRET LONG HAP YU SALIM KAKAO
- AKAUN BILONG YU TAIM YU PINIS WOK O TAIM YU LAPUN

- OL MEMBA BAI KISIM DINAU STRET LONG TAIM OL I GO ASKIM


Long moa toksave, askim mipela long dispela telepon namba: 982 8980 (Fax/Phone) or ratim pas i kam long:

PNG COCOA GROWERS AND PRODUCERS SAVINGS AND LOAN SOCIETY

P.O. Box 1501,
RABAUL,
East New Britain Province.


ATTENTION: MARKETING OFFICER

Mipela i gat opis tu long Buka, Kavieng, Kimbe, Lae, Madang, Wewak na ol arapela opis bai ol bihainim long Vanimo, Popondetta, Manus na Namatanai.



Sailing Boat Simbang


LUTHERAN SHIPPING SUPPORTS PNG MADE MANUFACTURERS AND CONGRATULATES THEM ON THE YEAR 2000 TRADE FAIR.



Landing Craft Kasali



M.V. Gejamsao



M.V. Kuder

In 1906 the Mission's business manager at that time, made a request for a small sailing vessel. He wrote to the Home Board: "For 20 years we have put up with open canoes; it is about time we got proper seacraft". The following year a vessel was built and in memory of the Lutheran's landing on New Guinea soil, was called Simbang.

Today, LUSHIP - A DIVISION OF KAMBANG HOLDING LTD - the business arm of the Lutheran Church, has a fleet of 11 ships: seven cargo/passenger vessels. Serving ports on the north coast of PNG and carrying anything from a carton of fish to a 25-tonne container plus thousands of passengers each year... All from one small request 94 years ago.



LUSHIP

PO BOX 1459, MOROBE PROVINCE
PAPUA NEW GUINEA

TEL: (675) 472 2066 FAX: (675) 472 5806

SERVING PAPUA NEW GUINEA THROUGH THE LUTHERAN CHURCH

RD Tuna bai wetim yu long Trade Fair

THEO THOMAS i raitim

WANPELA bilong ol kampani husat i bai joinim ol moa long 100 kampani long soim ol samting ol i save wokim na salim long dispela namba 8 Trade Fair bung long Lae em RD Tuna Cannners.

RD Tuna Cannners em kampani husat i save wokim Diana Tuna tin pis em planti lain insait long PNG i save laikim.

RD Tuna stat wokim tin pis insait long PNG bihain long gavman i bin givim 20 yia laisens long ol long pulim pis long solwara na wokim pis insait long PNG.

Ol pis em RD Tuna Cannners i save wokim em ol wankampani bilong ol yet ol kolim RD Fishing (PNG) Ltd i save pulim long solwara bilong mipela.

Long PNG i no gat wanpela kampani husat i save pulim na wokim tin

pis long ol tuna pis na RD Tuna em nambawan kampani tru long wokim dispela wok. Long dispela, gavman i luksave long dispela i bin givim ol namba olsem 'nambawan kampani' (pioneer status) bilong go het long wokim dispela wok.

RD Tuna Cannners i gat 1600 wokmanmeri.

Dispela ol wokmanmeri bilong ol i save ron i go long ples bilong wok long olgeta de long fektori bilong wokim pis em stap long Siar long Not Kos rot long Madang.

Bikpela wok em ol i save wokim em long klinim na putim ol pis em ol wokim pinis igo insait long ol katen bilong salim.

RD Tuna i save wokim pis em hevi bilong em stap olsem 100 metric tons long wanwan de.

Ol tin pis em RD Tuna i save wokim em ol i save salim i go long US, Europe, Japan, Australia, Midel Is, na ol narapela kantri.



LAE BISCUIT CO LTD
MANUFACTURES OF THE FAMOUS BIKPELA NA STRONGPELA NAVY BISCUIT



Visit us at
Stall No. K1
to see the
full range of
our
products.

**ORIGINAL TASTE, BETTER QUALITY,
BEST PRICE!!**

We make it easy to make tracks

The right vehicle, ready at the right time, that's the **AVIS** way.

No matter where you are, we can help you take off when you touch down with PNG's largest fleet, and more offices when you need them.

You get there easier, because we try harder.

AVIS



CENTRAL RESERVATION
PHONE: 325 8299 - FAX: 325 3767

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.